

ISSN 0207-9135

# YOSHLIK


Uzbekiston yoshlarining adabiy-ijtimoiy jurnali

3/2025



# MARG'ILONGA BORSANGIZ,

Jahon Otin Uvaysiuning uy-muzeyi kirib o'ting



Marg'ilon shahri-da joylashgan bu uy-muzeyda Jahonbibi, Uvasiy, Vaysiy yoki Uvaysa nomi bilan mashhur bo'lgan Jahon otin Uvaysiyayoti va ijodiga haqida keng taassurot beradi.

Muzeyda shoira hayoti va ijodiga oid qimmatli eksponatlar mavjud. Shuningdek, Markaziy Osiyo madaniyati va tarixiga taalluqli buyumlar va anjomlar, eng asosiysi, Uvaysiy va unga zamondosh bo'lgan boshqa shoirlarning asarlari qo'lyozmalari, kitoblar va noyob fotosuratlarni ko'rish mumkin.



Nº 3 (401) 2025

**Muassislar:**

O'zbekiston Yozuvchilar uyushmasi,  
O'zbekiston yoshlar ittifoqi.  
1982-yildan chiqa boshlagan.

**Tahrir hay'ati:**

Sirojiddin SAYYID  
Erkin A'ZAM  
Iqbol MIRZO  
Nodir JONUZOQ  
G'afur SHERMUHAMMAD  
G'ayrat MAJID  
Abdusaid KO'CHIMOV  
Shuhrat SIROJIDDINOV

**Jamoatchilik kengashi:**

Qahramon QURONBOYEV  
Alisher SA'DULLAYEV  
Farida AFRO'Z  
Bahodir KARIMOV  
Farrux JABBOROV

**Bosh muharrir:**  
Nurilla CHORI

**Bosh muharrir o'rbinbosari:**  
Saidjalol SAIDMURODOV

**Mas'ul kotib:**  
G'iyosiddin O'NAROV

**Muharrirlar:**  
Xolmuhammad KARIMIY  
Shohsanam NISHONOVA  
Rohilabonus G'O'CHCHIYEVA

**Rassom:**  
Asliddin KALONOV

**Manzilimiz:**  
Toshkent shahri, Chilonzor tumani,  
Bunyodkor ko'chasi, Adiblar xiyoboni,  
O'zbekiston Yozuvchilar  
uyushmasi binosi.  
Indeks 100066

E-mail: yoshlik-jurnali@mail.uz  
Veb sayt: www.yoshlikjurnali.uz  
Tel.: (71) 231-20-58, 231-20-59

Navbatchi muharrir: S. Saidmurodov

OYINA



Har bir millatning kelajagi,  
istaymizmi-yo'qmi, o'quvchilar  
saviyasiga bog'liq. Bu  
haqiqatni hech qachon esdan  
chiqazmasligimiz lozim.

**Erkin VOHIDOV,**  
O'zbekiston Qahramoni, xalq shoiri



## SAHIFALARIDA



4

**Nodir jonuzoq**  
Birinchi bosh  
muharrir saboqlari



18

**Otabek Rahim**  
Onamga maktub



20

**Shohista  
Ergasheva**  
Mening qovurg'amdan  
qalam yaraldi...



8

**Qutlibeka  
Rahimboyeva**  
Har bir shoir  
alohida hodisa



22

**Ibrohim G'afurov**  
Ehtiroslar olov  
ichra arzi hol



14

**Raimqul Suyarov**  
Bo'ynoq



29

**Sirojiddin  
Sayyid**  
Qadimiyy Baqtriya  
tuprog'ida



32

**Oygul  
Suyundiqova**  
Umrim soatlari  
jaranglar tiniq



40

**Nilufar Ergasheva**  
Qo'limda bobomdan tug',  
Qiz boshimga mardona...



52

**Mehrixon Ortiqova**  
Ilon mojarosi



56

**Marjona  
Mamatova**  
Jilvalanar  
yetti rang...



42

**Alisher  
Fayzullayev**  
Ulkan qanotli qiz



57

**Mahfuza  
Begaliyeva**  
Tabiri teskari  
tushlar uyg'onsin...




44

**Mohira  
Eshpo'latova**  
Qaytish



58

**Umar Sayfiddin**  
Naqorat



# BIRINCHI BOSH MUHARRIR saboglari

(“Yoshlik” xazinasidan)

## Nurafshon sayyora

Erkin Vohidov...

**B**u nomni ilk bor qachon eshitganman – yodimda yo’q. Balki, muallimimiz tilidan, ehtimol, televizor yo radiodan – bilmayman. Muhimi, bu nom men uchun nihoyatda qadrli, undan taralguvchi nur, ziyo ruhiyatimning bir qismiga aylanib ketgan.

O’zi shunday bo’ladi: quyosh, oy, yulduz-larga qo’ling yetmaydi, ularga borib ko’rmagansan, lekin doimiy ravishda tun-kuningga yorug’lik, taft bag’ishlab turgani bois qaysidir darajada senga yaqin, hayotingga daxldor tuyiladi, umringning bir qismiga aylanib ketadi. Bu haqiqatni ustozning o’zi ham sezgan holda shunday yozgan edi:

*Odamlar, siz mening hayotim,  
Har biringiz umrim parchasi...*

Erkin Vohidov nurafshon sayyoralar kabi menden juda olisda va ayni paytda menga juda yaqin edi.

Esimda, fan olimpiadasining tuman bosqichida ona tili va adabiyot bo’yicha g’olib bo’lganim uchun maktab direktorimiz qalil muqovali, ustida yolqinli alanga tasvirlangan kitob bilan taqdirlagandi. Bu O’zbekiston xalq

shoiri Erkin Vohidovning “Kuy avjida uzilmasintor” kitobi bo’lib, menga – o’zicha she’r mashq qilib yurgan o’smirga tengi yo’q tuhfa edi. To’plamga kirgan lirik she’rlarni yutoqib o’qiganlarim, Matmusaning beg’ubor sarguzashtlaridan qah-qah otib kulganlarim, ijtimoiy ruh bilan yo’g’rilgan misralar ta’sirida uzoq vaqtgacha o’ychan yurganlarim – butun taassurotlarim yodimda.

## Uyg’oq nigoh

**O**ylab qarasam, Erkin Vohidov o’zidan keyingi ijodkorlarning nafaqat shoir, balki shaxs sifatida shakllanishiga ham jiddiy ta’sir ko’rsatgan ekan. U kishining yonida yurgan yoshlar-ku, mayli, lekin poytaxtdan yuzlab chaqirim olis-dagi qishloqda o’z orzulari og’ushida yashagan menday xayolparastning dunyoqarashi qotishida, muayyan hayotiy maslakka ega bo’lishida ham bu ulkan adibning o’rnı katta edi.

O’tgan asming 80-yillari oxirida dadam-ning yoniga o’tirvolib, “Vremya”, “Axborot” singari siyosiy-ijtimoiy teledasturlarni kuzatar va yosh shuurim bilan sobiq ittifoq hududida ulkan tarixiy jarayonlar yuz berayotganini ilg’ardim. Ammo bu chigal voqeа-hodisalarni qanday talqin etish kerak, ularga qay tarzda munosa-

batda bo’lish lozim – tajribasiz ongim qamrab olishga, tahlil etishga ojizlik qilardi. Ayni shu pallada jonkuyar adiblarimiz, xususan, Erkin Vohidovning televideniyyedagi chiqishlari, gazeta-jurnallardagi maqolalari ko’plab yoshlar qatori mening ham aql ko’zimni ochgan, desam, mubolag’a bo’lmaydi. Iztirob-u kuyunchaklik bilan yozilgan dilo’rtar misralar dunyoga shoirona uyg’oq nigoh bilan qarash lozimligidan saboq bergen.

Qishlog’imizga haftada ikki marta pochta-chi kelardi. Uzoqdan velosiped mingan odam qorasi ko’rinsa, eshikka qarab chopardim. U tashlab ketgan o’ndan ziyod gazeta-jurnal orasida “Yoshlik” ham bo’lardi! Albatta, men o’sha paytlari bu adabiy nashrning ilk bosh muharriri Erkin Vohidov bo’lgani-yu, jurnal shu darajaga yetguncha qancha ter to’kilib, zahmat chekilganini bilmasdim. Hali qaysi kasbning boshini tutishim aniq emasligi bois tahririyat nima, jurnalistika qanday kasb – o’ylab ham ko’rmagandim, butun fikr-u zikrim jurnalda chop etilgan bir-biridan qiziqarli asarlar-u maqolalarda edi. Xususan, o’zbekning atoqli va ardoqli shoiri Erkin Vohidov qalamiga mansub she’rlar, maqolalarni kesib olib (albatta, dadam o’qib chiqqanidan so’ng), yig’ib borardim.

Shoirming o’sha paytlari e’lon qilingan, “qayta qurish” otlig’ davrning mohiyati yaqqol ochib berilgan she’rini bir o’qishda yodlab olganim, o’zimcha xirgoyi qilib yurganim ham esimda.

*Bizlar arra tortmoqdamiz,  
Arramizning tishi yo’q.  
Nega arrang tishi yo’q, deb  
So’raydigan kishi yo’q.*

*Chunki bizlar anoyimas,  
Pishib ketgan ko’zimiz.  
Arra tushgan o’sha shoxda  
Oltiribmiz o’zimiz.*

O’sha davrga xos ko’zbo’yamachilik, xo’ja-ko’rsinchilikning o’ta ustalik bilan chizilgan

surati bu. Ustoz shoir ijodida bunday istehzoli she’rlar ko’p edi. O’sha, menga sovg’a qilingan to’plamdan joy olgan “Majlis qiling”, “Eski hammom, eski tos”, “Uyatchanlik”, “Orol o’layotir...”, “Iztirob” singari she’rlarda ham zulmning, loqaydlikning, nosog’lom siyosatning avra-as-tari ag’darib ko’rsatilgandi. Eng muhimi, qizg’in ijtimoiy ruh she’r san’atining nozik vositalari, badiiyat talablari bilan omuxtalashgan holda o’quvchi qalbiga yo’l topar edi.

Erkin Vohidov, Abdulla Oripov singari shoirlar eng qaltis paytlardaadolattalab, haqiqatga tashna xalqning ovoziga aylangan ekan, endi bilsak.

## O’zi va so’zi bir shoir

**K**o’p ijodkorlar kabi talabalik, dunyo va yangi o’zbek she’riyati bilan tanishuv, adabiyotdagи turli “izm”larga mahliyolik bosqichlarini boshdan o’tkazdik. Murakkab uslublarga qiziqib, sodda va samimiy she’riyatga biroz bepisand qaraganimiz ham bor gap. Nihoyat, ustoz Erkin Vohidov mahorat bilan tarjima qilgan nemis mutafakkir shoiri Gyote ilgari surgan shoirming shakllanishi haqidagi “Avval soddalik, keyin murakkablik va yana soddalik...” degan purma’no hikmat mag’zini chaqdik. Jumladan, Erkin Vohidov she’riyatidagi tiniqlik va tabiiylik, soddalik va teranlik, musiqiylik va raxonlik, fikr va tuyg’u muvozanati ulkan iste’dod, hayotiy tajriba va toblangan mahorat mahsuli ekanini, bu maqomga ko’tarilish hammaga ham nasib qilavermasligini anglab yetdik. Yana bir narsani tushundik: shoirming yoniq she’rlari muayyan qatlama emas, butun xalqimizga ma’naviy oziq, ruhiy quvvat bo’lgan, ya’ni ustoz chin ma’noda xalq shoiriga aylanib ketgan ekan.

Afsuslanadigan joyimiz – Toshkentda ishlay boshlaganimizdan so’ng ham adabiyotimiz faxri bo’lgan ko’p ustozlarga yaqinlashmab-miz. To’g’risi, bunga haddimiz sig’magan. “Ular kim-u, biz kimmiz? Huzuriga borsak, qanday kutib olarkin?” qabilidagi andishali savollar

to'sig'idan oshishga jur'atimiz yetmagan. Holbuki, asarlari orqali doimo muloqotda edik, televide niye va matbuotdagi chiqishlarini muntazam kuzatardik. "Falon gazetada Erkin Vohidovning yangi she'rlari berilibdi. Piston suhabatda shunday fikr bildiribdi..." deb o'zimizcha tahlil qillardik.

Bir gal Erkin Vohidov el suygan shoir va jamoat arbobi sifatida televide niye kelgani, u kishiga peshvoz chiqqanimiz yodimda. Qisqa suhabat asnosida bir-biriga zidday tuyiluvchi ikki xislat – kamtarlik va salobatning bir shaxsda jamuljam bo'lganidan hayratga tushganman.

O'zbek she'riyati tarixida bir-biriga o'xsha maydigan ulkan iste'dod egalari ko'p. Har biri alohida dunyo. Erkin Vohidov deyilganda ko'z oldimizda tug'ma iste'dod va yuksak sharqona madaniyatni o'zida uyg'unlashtirgan, intellekti baland, shaxsiyati va ijodi muvofiq keladigan zabardast shoir qiyofasi gavdalananadi. Shunday ulug' insonga goh olis, goh yaqindan hamnafas bo'lganimiz, uning ko'ngil va ruhiyat bulog'idan suv ichganimiz kishiga cheksiz faxr, mammuniyat bag'ishlaydi.

## *"Emas oson bu maydon ichra turmoq..."*

**Y**oshlik" jurnalida ish boshlaganima da xayolimga dastlab "Bu tahririyatga qanday ulug' insonlar rahko'z o'ngimda" Erkin Vohidov siymosi purviqor qoyaday namoyon bo'ldi. Ham adabiyotda, ham jamiyatda beqiyos obro', nufuzga ega shunday shon-shavkatli bosh muharrirga izdosh bo'lish... kishiga xursandlik va ayni paytda katta mas'uliyat ham yuklaydi.

Jurnalning o'ttiz-o'ttiz besh yil oldingi taxamlarini varaqlash, ustozlar tajribasini o'rganish asnosida yana bolalikka qaytganday, o'sha paytdagi qadron do'stimni qayta topganday bo'ldim. Erkin Vohidovning ism-sharifi "Bosh redaktor" degan yozuv ostida qo'r to'kib, jurnal-

ga bezakday turibdi. Birmuncha mayda harflarda bositgan, lekin ko'p yirik, salmoqli asarlarni chop etgan jurnal... Adadi ham hozir xayolga sig'maydigan darajada ko'p. O'sha paytda tahririyatda ishlagan yosh ijodkorlarning aksariyati bugun adabiyotimizda o'z o'rniga ega ustoz adiblarga aylangan.

Eski taxamlarni varaqlarkanman, jurnalga mehnati singgan barcha ustozlarga, birinchi galda tahririyatning birinchi bosh muharriri Erkin Vohidovga g'oyibona minnatdorlik bildiraman. "Sizlarning tengsiz iste'dodingiz, fidoyililingiz, jonkuyarligingiz tufayli "Yoshlik" jurnalni shunday nom qozondi. Hali ham sizlar taratgan dovruq soyasida yuribmiz. Tashakkur!" deyman ularga xayolan.

"Erkin Vohidov falon yili qiyin vaziyatga tushib qolganimda menga shunday yo'l-yo'riq ko'rsatgan..."

"Erkin Vohidov falon yili meniadolatsizlikdan himoya qilgan..."

"Erkin Vohidov falon yili katta xato qilganimda dakki berish o'miga, jilmayib ko'nglimni ko'targan..."

"Erkin Vohidov falon yili hech esimdan chiqmaydigan yaxshilik qilgan..."

Ustoz bilan birga ishlagan hamkasblari, shogirdlarining bunday samimi, minnatdo-

rona dilso'zlarini eshitib, ko'nglimdan bir o'y o'tadi: Erkin Vohidovday shoir bo'lish qanchalar qiyin bo'lsa, u kishiday bosh muharrir bo'lish ham shunday mushkul ekan!

## *Mardona ruh*

**2015** -yilning 28-dekabri. Ustoz bir kam sakson yoshni

qarshi olayotgan kuni O'zbekiston xalq shoiri Iqbol Mirzo: "Erkin akani tabriklab kelaylik. Shu bahonada jurnalning birinchi bosh muharriri duosini olasiz", deb qoldi. Taklifdan ko'nglim yorishdi va birgalikda yo'lga tushdik.

Erkin Vohidov necha ming marta goh xursand, goh xafa, goh o'ychan holda hatlab o'tgan darvoza oldida turibmiz. "Mana, men maqlamda yozgan qo'ng'iroq!" dedi Iqbol aka eshik yonidagi tugmani bosarkan. Chindan ham, shogirdlarni saboqqa chorlovchi qo'ng'iroq ovozi jaranglaganday bo'ldi.

Ichkari kirib, ustoz bilan yuzma-yuz kelanimizda, u kishining xastalikdan jisman toliqqanini, o'zini sal oldirib qo'yanini sezdi. Katta shoirimizni teleekranlarda doimo o'ktam qiyofada ko'rib odatlanganimiz bois ko'ngliminda xijillik uyg'ondi. Ustozning ruhini ko'tarishga, dalda berishga intildik. Iqbol aka: "Yaqinda Samarqandda ijodiy safarda bo'ldik, she'riyat muxlislari Sizni eslab, qayta-qayta so'rashdi", dedi. Men ham o'zimcha nimalardir deganday bo'ldim. Ustoz minnatdorlik bildirdi. Sog'lom paytlari ham ohista, so'zлarni avaylab-erkalab gapiradigan shoirning ovozi shikasta chiqardi. Erkin aka asta-sekin hayotidagi ko'p kulgli, yorug' xotiralarni so'zlay boshladi. Hajviy she'rlarini eslab, ba'zi parchalarni yoddan o'qidi. Birpasda ko'nglimizdagi ezginlik tarqalib, xushchaqchaq kayfiyat, erkin muhit paydo bo'ldi. Samimi gurung qildik. Qizig'i, biz ustozning emas, u kishi bizning ko'nglimizni ko'tardi, qalbimizga yorug'lik ulashdi. Shunda, yana bir bor, xastaligi keksalikdan zaiflashgan vujudda qanday ulug'ver, mardona ruh borligini tuydik.

Suhbat so'ngida ustozga "Yoshlik" jurnalining yangi sonlarini taqdim qildik. Ustoz bir paytlar o'zi yo'lga qo'yan jurnalni o'zgacha mehr, sog'inish bilan varaqladidi. Tahririyat ishiga rivoj tilab, duoga qo'l ochdi. "Kitob-jurnal o'qiydigan odamlar ko'paysin!" degan tilak, ayniqsa, bizni mutaassir etdi.

Qutlug' xonadondan chiqarkanmiz, ustoz Erkin Vohidov bilan kechgan lahzalarimiz yil-larga tatigulik saboq bo'lganini his qildik.


## *Yuksak e'tibor*

**O**'zbekiston liberal-demokratik partiyasidan nomzodi ko'rsatilgan Shavkat Mirziyoyev O'zbekiston

Respublikasi Prezidenti etib saylangandan keyin chiqargan ilk qarorlardan biri O'zbekiston xalq shoiri Erkin Vohidov tavalludining 80 yilligini nishonlash to'g'risida bo'ldi. Yangi saylangan Prezidentimizning ulug' shoir merosi va xotirasini e'zozlashga qaratilgan bu qarori butun xalqimizni xursand qildi. Chunki Erkin Vohidov, sal avvalroq ta'kidlaganimizdek, chinakam xalq shoiri edi. Hech mubolag'asiz aytish mumkinki, Erkin Vohidov o'z salaflari qatori o'tli, isyonkor she'rlari bilan elimizni istiqlolga ruhan tayyorlashda faol ishtirot etdi. Mustaqillik yillarida Birinchi Prezidentimiz Islom Karimov bilan yelkama-yelka turib, iste'dod-u bilmimi, kuch-u g'ayratini ozod va obod mamlakat bunyod etishga sarfladi. Borlig'ini jonajon xalqimizga baxshida qildi. Haqli ravishda O'zbekiston Qahramoni deb e'tirof etildi.

Bugun O'zbekiston xalq shoiri Erkin Vohidovning 80 yilligi tantanalarida ishtirot etarkanmiz, barcha yoshlar, shogirdlarning ko'ngli dan bitta o'y o'tyapti: "Ustoz! Siz kuylagan yurt, siz alqagan el borki, porloq yodingiz, yoniq so'zingiz hech qachon o'chmagay! Ilohim, bizga ham sizning sharafla, nurli yo'lingizdan yurish nasib etsin!"

**Nodir JONUZOQ**





SUHBAT

## HAR BIR SHOIR ALOHIDA HODISA

O'zbekiston Respublikasida xizmat ko'rsatgan madaniyat xodimi, shoira Qutlibeka RAHIMBOYEVA bilan suhbat

- Qutlibeka Rahimboyevani ko'p qirrali ijodkor, ya'ni shoira, adiba, tarjimon va jurnalist sifatida bilamiz. Bir qancha she'riy to'plamlar, bir qator hikoyalari, dramatik asarlar hamda publisistik maqolalar muallifisiz. Lesya Ukrainka, Ma-

rina Svetayeva, Anna Barkova, Alfonsina Storni kabi shoiralarning asarlarini o'zbek tiliga tarjima qilgansiz. Ayting-chi, bu sohalarning qaybiriga o'zingizni ko'proq daxldor deb bilasiz?

— Yoshim yetmishdan o'tdi. Imkonimda bor ijodni qildim. Bu yog'iga umr qancha vafo qiladi-yu, qalamim yana qancha qimirlab turishga yaraydi, yolg'iz Tangrim biladi. Menga xuddi shunday savol bilan murojaat qilishganlarida doim: "Men she'rimda rostroqman", deb javob beraman. Chunki maqolalarning ba'zilari xizmat burchi yuzasidan yoziladi. Istaymanmi-istamaymanmi, yolg'on yozmasam-da, o'zimdan sal uzoqlashgan paytlarim bo'ladi. Tarjimalarni esa o'zim yaxshi ko'rib tanlaganman. Hikoyalarni o'g'lim oliyohoda o'qiyotganda shartnomaga pulini to'lash uchun ma'lum bir maqsadda yozganman. Bu hikoyalalar sariq matbuotning andazalari ruhida yozilgan. Hatto qizim bir paytlar bu hikoyalarga "Tirikchilik janrida yozilgan asarlar" deb ajoyib nom ham qo'yib bergen edi. Lekin bu hikoyalarning ba'zilarini o'qiganda Xurshid Do'stmuhhammaddek zabardast yozuvchi ham "Siz yaxshi yozuvchi ekansiz-ku", degan edi. Vaqtlar o'tib, avval yozganlarimni o'qisam, "Erkin A'zamov emasman-u, har holda, yaxshigina nasriy ta'bim ham bor ekan", deb qo'yaman. Drama bobida bunday deyolmayman. Radioda berilgan drama shunchaki bir tajriba edi. Ummam olganda, aytmoqchi bo'lgan fikrimda jon bor-u, ifodasi u qadar muvaffaqiyatli chiqqan, deyolmayman. Anglaganingizday, menga she'riyat yaqinroq ekan.

- Bilishimcha, ijodingizni aynan she'r yozishdan boshlagansiz. Har qaysi ijodkor faoliyatining dastlabki yillari haqida gap ketganda, adabiy ta'sir masalasiga to'xtalmasak bo'lmaydi. Sababi, qo'liga qalam olgan yoshlarni borki, o'zidan oldingi yuksak iste'dod egalaridan ta'sirlanib, havas bilan ularga ergashib ijod maydoniga kirib keladi. Shu ma'noda, yigirman-

chi asrning yetmishinchisi-saksoninchi yillardagi adabiy jarayon haqida suhbatlashsak. Siz qaysi ijodkorlarni ustoz deb bilgansiz? Kimlarning ijodidan ko'proq ta'sirlangansiz?

— Kitob, kitobxonlik ijodimning asosiy poydevori bo'lgan. Adabiyotimizda tug'ma iste'dodlilar bor. Ularning tanglayi baxshiyona aytimlar bilan, ertaklar bilan ko'tarilgan. Oydin Xojiyeva, Zulfiya Mo'minova... Bu sanoqni uzoq davom ettirish mumkin. Ularning she'rlarida so'zlar raqsga tushib kelayotgandek bo'ladi. Satrlari ravon, hech bir so'zi tishga tegmaydi. Men o'qib, shoir bo'lganlardanman. G'afur G'ulom ijodidagi zalvor, falsafa, Oybek domladagi his-tuyg'ularning quyuqligi kaminani maftun etgan. Asqarali Sharopov degan domlamiz Cho'lpon ijodidan namunalar o'qib bergen. She'riyat haqidagi fikrlarimiz ostin-ustin bo'lib ketgandi o'shanda. Har bir she'r qullikka qarshi yaroq ko'tarib turgan askarga o'xshab ko'ringan. O'sha paytlarda adabiyotimizga "O'zbekiston – Vatanim manim"lari bilan Abdulla Oripov, "O'zbegim"i bilan Erkin Vohidov kirib kelgan. Men ularni hamisha "O'zbeklarda erk sog'inchini uyg'otgan shoirlar" deb e'zozlayman. Undan so'ng Omon Matjon, Rauf Parfilar ga "kasal" bo'ldim. Izidan Halima Xudoyberdiyeva, Usmon Azim, Shavkat Rahmonlar avlodni kirib keldi.





Hammasini yutoqib, sahroda suvgaga duch kelgan odamday tashnalik bilan o'qiganmiz. Usmon Azimning "Insonni tushunish" deb atalgan ilk kitobchasi boshdan oyoq yod olgandim. Telbaqa o'xshab kim duch kelsa, o'qib beraverardim. Hozir ham ularning hech biridan ixlosim qaytmadi. Faqat keyingi yillarda Cho'lponga ko'proq yopishdim. To'g'risi, ularning bizdan oldindan bo'lganidan juda suyunaman. Bizning avloddan, bizdan keyingi avloddan qanday yaxshi shoirlar chiqqan bo'lsa, bizdan oldingi yaxshi shoirlar sharofatidan chiqqan, deb hisoblayman.

- Suhbatlarimizning birida adabiyotshunos Matyoqub Qo'shjonov hamda Bahodir Sarimsoqov ilk mashqlaringizga ijobili munosabat bildirganlarini aytib o'tgandingiz. Zulfiyaxonim, Gulchehra Nurullayeva kabi shoirlar, Nurboy Jabborov, Bahodir Karimov, Marhabo Qo'chqorova kabi adabiyotshunoslarning ijodingizga bag'ishlangan munosabatlari ham bizga yaxshi ma'lum. Nomlari keltirilgan adabiyotshunoslari, shoirlar qatorida yana kimlar she'rlaringiz to'g'risida munosabatlarni bayon qilgan? Bu munosabatlarda ijodingizga qaydarajada yondashilgan, deb o'ylaysiz?

**M**en siz yuqorida ismlarini sanagan adabiyotshunoslari, shoirlar, bir so'z bilan aytganda, barcha ustozlardan (faqat Nurboy Jabborovning fikrlaridan bexabar ekanman) juda minnatdorman. Qo'shjonov domlaning ilk mashqlarimini o'qib, "Yaxshi, yaxshi", degan bir og'iz gaplaridan osmonlarga uchganman. Ehtimol, shu bir og'iz baho bo'limganida, men Zulfiya opadek (o'sha paytlari shuhrat cho'qqisida turgan) insонning oldiga borishga jur'at topa olarmidim... Zulfiya opamning "Oq yo'l"lari mening nafaqat ijod yo'limda, balki hayot yo'llarimda ham yashil chiroq bo'lgan. "Zulfiya opaming qizlaridan" degan yorliq bizga ko'p yaxshi yo'llarni ochib yuborganini aytmasam bo'lmaydi.

Rahmatli Gulchehra Nurullayeva "Ozodlik" nomli kitobimni shunday chiroqli tahlil qilganlarki, bag'rikengliklariga, ichidagi "men"ni men uchun yengganliklariga hali-hanuz qoyil qolaman. Ijodim haqida kam yozishgan. Adashmasam, Hakimjon Karimov degan yoshi ulug'roq adabiyotshunos ham mustaqillik davri she'riyatini tahlil qilayotib, men haqimda bir-ikki og'iz samimiyl fikrlar aytganlar. Adabiyotshunoslarning sanoqlarida yuraman, xolos. Buni o'zimning tahlilga arzimaganidan deb bilmayman. Men uchun yozishning o'zi muhim. Hech qanday tushuntirish asliyatning o'zidan ustun bo'lomaydi.

- "Uzun kunduzlar" nomli kitobingizda "Muhtarama Zulfiya opaga", "Qorako'zlarim" nomli kitobingizda "Halima opamga" deb yozib qo'yilgan bag'ishlov she'rlar bor. Nazarimda, bu she'rlarning yaralishi bejiz emas. Xalqimizning sevimli shoirlarli Zulfiyaxonim bilan Halima Xudoyberdiyeva sizga nafaqat ustoz, balki do'st, maslakdosh ham bo'lgan. Bundan ikki yil avval "Yoshlik" jurnalida e'lon qilingan bir maqolazida ham Zulfiyaxonim, Oydin Hojiyeva hamda Halima Xudoyberdiyeva haqida to'xtalib, ulardan ko'plab yuksak fazilatlarni, xususan, Halima Xudoyberdiyevadan bag'rikenglik, jasor-

atni, Oydin Hojiyevadan intizom, mehnatkashlikni o'rganganingizni alohida ta'kidlab o'tgansiz. Ulardan ijodiy bilimlar ham olganmisiz? Ularning she'riyatidagi qaysi jihatlar sizni o'ziga jalgilgan?

**Z**ulfiya opamning hijron she'rlaridagi dardning chuqurligi, "Qozog'iston o'lanlari"dagi manzara berish san'ati, "Xotiram siniqlari" dostonidagi jasorat, rostgo'ylikdan ta'sirlanganman. Oydin opam xalq og'zaki ijodini juda yaxshi bilardilar. Men ularga "Shoir bo'limganiningizda, do'mbira chalib terma aytadigan baxshi bo'lardingiz", deb hazillashardim. Xalqona ohanglar shoiraning she'rlariga alohida joziba baxsh etgan. Halima opamda fikr ulkanligi bor edi. Kengliklar, ijtimoiy ruhning baquvvatligi... Men shoiralaramiz ijodida shu jihatlarni ajratib ko'rsatishim mumkin.

- Yigirmanchi asrning yetmishinch-saksoninchi yillarida ijod ostonasiga qadam qo'yan barcha shoir-yozuvchilar qatorida siz ham ikki xil davrni boshidan kechirgan ijodkorsiz. She'rlaringizdagi erk sog'inchi, haqsizlikka isyon tuyg'ulari endilikda ozodlikni har narsadan asrab-avaylash, shukronalik hissiga

do'ngan. O'tish davridagi ijtimoiy holatlarda ruhiyatingizga bo'lgan evrilishlar haqida suhbatlashsak. Sizningcha, davr voqealari ijodkorning shakllanishiga ta'sir ko'rsata oladimi?

**I**jodimning dastlabki davrlarida qishloq hayoti, ya-shash mashaqqatlarining odamlar ruhiyatida aks etishi, mustabid tuzum boshimizga solgan "paxta qulligi"ning vatandoshlarimizni jismonan, ma'nан mahv etayotgani kabi og'riqlar badiiy ifodalangan she'rlar ko'p edi. Mustaqillikni qo'lga kiritish uchun kurashlar (bizda bu kurashlarning jangchisi, asosan, adabiyot bo'lgan) kuchaya borgach, mening ham ongim yorishib borgan. Ayniqla, rasmiy davralarda "Ozodlik oroli" deb ataluvchi she'riyat bo'limida (G'afur G'ulom nomidagi adabiyot va san'at nashriyotida) ishlagan davrim mening dunyoqarashimda keskin burilishlar yasagan. Biz qanday yashayapmiz, qanday yashashimiz kerak, degan savollar o'sha paytlarda she'riyat bo'limida o'tgan bahslarni tinglab tug'ilgan. Xonamizda Omon Matjon, Miraziz A'zam, Rauf Parfi, Shavkat Rahmon, Xurshid Davron, Azim Suyun, Muhammad Rahmon kabi o'sha davrning bo'lakcha ruhdagi ijodkorlari tez-tez to'planishar, suh-



batlardan men tobora ulg'ayib borardim. Agar odamlarning ozodlikka intilgan o'sha davri bo'lmasganda, men hozirgi ruhiyatdagi shoir bo'lomasdim. Aslida, barcha shoirlarni ham o'zi yashagan davr yaratadi.

*- Hozirgi o'zbek adabiyotini mumtoz she'riyatimiz an'analarisiz tasavvur etib bo'lmaydi. Milliy adabiyotimizdagi ba'zi unsurlar zamonaviy she'riyatda ham o'zini namoyon qiladi. Xususan, naziranavislik, obrazlar, she'riy shakllar bunga misoldir. Sizning ijodingizda ham naziramond she'rlar bor. "Uyingizning osmonida hilol bo'lib porlayin" deb boshlanuvchi she'ringiz aruz tizimidagi biror vazn talabiga to'la muvofiq bo'lmasa-da, unda aruzga xos belgilari uchraydi. She'rning masnaviy shaklida qofylanishi ham mumtoz adabiyotimiz an'analarini yodga soladi. Ijad jarayonida aruz tizimida asarlar yaratish uchun nechog'li urin-gansiz? Siz uchun she'riyatda milliy an'analarning o'rni qanday?*

**M**umtoz adabiyotga oshiqlik talabalik davrimdan boshlangan. Mumtoz adabiyotdan dars beradigan Akrom Ibrohimov degan domlamiz bizni klassika "qozon"ida obdan qovurgan. Har bir shoirdan o'n-o'n beshtalab g'azallar yod olishni talab qilardilar. Men o'zim Bobur hazratlari, Shoh Mashrabni yaxshi ko'rib o'qiyan. Hozir ham yuragimga bir siqindilik kirsa, yo Bobur, yo Mashrabga qo'lim cho'ziladi. Boburdagi tazarru, g'am-g'uissa, hasratning



*Agar odamlarning ozodlikka intilgan o'sha davri bo'lmasganda, men hozirgi ruhiyatdagi shoir bo'lomasdim.*

turfa ranglarda tovlanihlari, Mashrabdag'i olov, keskinlik, ulkan raddiya yоqadi menga. Lekin mumtoz yo'lda yozish istagim yo'q. Birinchidan, aruzda barmoqdan ko'ra ham qolip kuchli. Bu qoliplarga ko'ngildagiday fikrni singdirish uchun juda katta iste'dod va mahorat bo'lishi kerak. Buni uddalashimga ko'zim yetmaydi. Navoiy hazratlarining najjoriga o'xshab kulgili holatga tushgim kelmaydi.

*- Lirik asarlaringizda Go'ro'g'li, Alpomish, Oybarchin, Tohir, Zuhro, dev, yosuman kabi bir qator folklor va mifologik obrazlar mujassam. "Qishning oxirlari" nomli dostoningizda ham xalq maqol, matal va iboralari, shevaga oid so'zlar ko'p qollanilgan. She'rlaringizda folklor va mifologiyaga xos unsurlarning namoyon bo'lishi balolik davrlaringizdan xalq og'zaki ijodi namunalarni ko'p o'qiganingiz yoki tinglaganingiz natijasimi? Hozir ham folklor asarlarini mutolaa qilib turasizmi? Ulardagi qaysi jihatlarni asarlariningizda ifodalashga harakat qilasiz?*

**M**enga onam bolaligim-danoq realistik ruhdagi asarlarni o'qitgan. Asosan, harbiy-vatanparvarlik mavzusidagi kitoblarni o'qiganman. Hozirgacha shunday mavzudagi asarlarini sevib mutolaa qilaman. Xalq og'zaki ijodini talabaligimda imtihon topshirish uchun o'qiganman. Bolaligimda deyarli ertak o'qimaganman. Hozir zarurat tug'ilganda o'qiyan. Menga xalq o'shiqlarining jozibasi, so'zlarning latofati yoqadi. Dostonlardagi mubolag'a, romantika...

*- Ijodingizda Bobur va Cho'lponga bag'ishlangan she'rlar talaygina. Bu ikki ijodkor tomonidan o'zining yangi qirralarini namoyon qiladi. Ammo badiiylikning ham umumiylari xususiy jihatlari mavjud. Shoira sifatida zamondosh yozuvchi-shoirlar ijodini kuzatib borishingiz tabiiy. Nima deb o'ylaysiz, hozirgi o'zbek she'riyatida badiiyatni qanday omillar tashkil etadi?*

**Y**uqorida ham aytdim: Boburdagi hasratlar, sog'inch, pushaymonlik hislari menga yaqin. Cho'lpondagi "Kishan kiyma,

bo'yin egma" tarzidagi jasorat, boshi kundaga qarab ketayotganini bilsa ham, aytar so'zini aytaverGANI, dovyurakligi, botir she'riyati yoqadi. Mening ham dilimda ularning dilidagi og'riqlarga hamohang og'riqlar yashaydi. Shuning uchun ularning satrlarini, ismlarini she'rlarimga olib kelaman. Obro' qozonish uchun emas, ularning nomlari bilan shuhratga erishish uchun emas. Chindan ixlos, e'tiqod qo'yanman ularga.

*- Shoirlar ijodi o'rganilganda, kimdir ko'proq barmoq vaznida, yana kimdir erkin vaznda samarali ijod qilganini kuzatishimiz mumkin. Siz uchun qaysi vaznda kechinmalarni ifodalash qulay? She'riyatagi vaznsizlik masalasiga munosabatingiz qanday?*

**M**en ko'proq barmoq vaznida yozaman. Qo'limdan kelgani shu. Lekin barcha vazndagi she'rlarni, agar ularda soxtalik, yasmalik, zo'riqish bo'lmasa, qabul qilaveraman. Vaznsizlik masalasida ham fikrim shu: bu usulda she'r yozish, aslida, biror vaznda yozishdan ham qiyin. Chunki qofiya, ohang va boshqa unsurlar ma'lum ma'noda she'rni she'rga o'xshatish turadi. Vaznsizlikda bu vazifani ham fikr bajarsi kerak. Fikr nihoyatda quyuq, qurch, jips bo'lishi kerak. Juda aqli shoirlargina vaznsizlikda yaxshi she'r yoza oladi. Shoiring no'noqligi, o'qimagani, didsizligi vaznsizlikda yaqqol ko'rinishi. Shu bois bu vaznda o'ylab yozish kerak.


*- Adabiyotda badiiylikka san'atning bosh xususiyati deb qaraladi. Badiiylikni ma'lum kategoriylar bilan chegaralab bo'lmaydi. Chunki u har bir iste'dodli ijodkor tomonidan o'zining yangi qirralarini namoyon qiladi. Ammo badiiylikning ham umumiylari xususiy jihatlari mavjud. Shoira sifatida zamondosh yozuvchi-shoirlar ijodini kuzatib borishingiz tabiiy. Nima deb o'ylaysiz, hozirgi o'zbek she'riyatida badiiyatni qanday omillar tashkil etadi?*

**— Sh**e'r, har qanday sharoitda ham, san'atning bir ko'rinishi. Unda faqat quvonchlar emas, og'riqlar ham, hasratlar ham chiroyli ifodalanihi kerak. Nima uchun Bobur hazratlarining qayg'u suviga qalam botirib yozilgan ruboilyarini o'qiganda odamning o'lgisi emas, yashagisi keladi? Chunki juda jozibali yozilgan. Bugungi she'riyatning badiiyatini bir qolingga solib baholab bo'lmaydi. Har bir shoir alohida bir hodisa. Demak, ularning she'riyatidagi badiiyat ham rang-barang. Agar biroz umumlashtirib aytadigan bo'lsak, ritorikadan ancha uzoqlashdik. O'qiganimizda "Zo'r aytib qo'yipti", deb yuboradigan she'rlarimiz ko'p. Faxriyor, Halima Ahmad, Nodira Afoqova, Oydinniso, Muhayyo Rustam qizi... Bulardan keyin Guljamol Asqarova, Gulnoz Mo'minova kabi shoiralarning chiroyli shakliy izlanishlari bor. Najmiddin Ermatov, Shahriyor Shavkat, Suhrob Ziyo, Madina Norchayeva, Nargiza Odinayeva kabi yoshlar ijodidagi poetik topildiqlardan quvonganim holda, ularning ba'zi tengdoshlaridagi shakliy yangiliklarni yaltiroq suvqog'ozga o'ralgan narsalarga qiyoslagim keladi. So'zlarini ko'rasiz-u, nimaligini angolmaysiz. She'riyat yalang'och bo'lmasligi, lekin krossvord ham bo'lmasligi kerak. O'qigan banda loaqla aytilayotgan narsani qalbi bilan his qila olishi kerak.

*- Sizni ko'proq qanday voqeа-hodisalar ilhomlantiradi? Yangi she'rlaringizning ilk o'quvchilari kimlar? Ijad jarayonida bir asaringiz boshqa asaringizni yaralishiga turtki bergen holatlар bo'lganmi?*

**M**eni ko'proq shaxs erki, yurt ozodligi mavzusidagi she'rlar o'ziga tortadi. Shoiring o'ziga nisbatan raddiyasi, o'zini o'zi qabul qilmasligi... bu mavzu ham menga begona emas. Mening Cho'lpon nomi bilan bog'liq she'rlarim bir-birining davomiga o'xshaydi. Shu kechinmalar ichida yashash o'zimga yoqadi. Ta'sir sababi ham shu bo'lsa kerak.

**Suhbatdosh:** E'zoza BOZOROVA



Raimqul SUYAROV

1984-yili Samarqand viloyati Nurobod tumani Jom qishlog'ida tug'ilgan. O'zbekiston Milliy universitetining O'zbek filologiyasi fakultetini tamomlagan. "Rizq", "Farzand", "Oy to'lgan kecha", "Ota", "Xayrlashuv", "Qovun pishig'ida", "Temir daftar" kabi hikoyalari chop etilgan.

NASR

# Bo' ynoq

Hikoya

Ahmad ko'sa o'luguay gajir odam. Bir gapni ushlab oldimi, tamom, uncha-munchasiga ko'nmaydi. O'ziga o'xshagan bir-ikkitasini aytmasa, hech kim u bilan gap talashmaydi. "Ke, qo'y, shu bilan baravar bo'lamanni", deya unga atay, sizniki to'g'ri, deb battar shishiradi.

Ko'sani odamlarning o'zi yomon o'rgatgan. Haqmi-nohaqmi, aytganini ma'qullayvergach, taltayadi-da. "Mana bu joyda adashyapsan, unday emas, bunday", deganlar baloga qolgan. Ustiga ustak, Ko'sa o'ta kekchi odam. Ba'zan davralarda kimdir paytini poylab mot qilib qo'ysa, sirayam esidan chiqarmaydi. Ko'nglida saqlab yuraveradi, alamini olmaguncha qo'ymaydi. Gap talashib ranjitganlar bilan ko'pincha gaplashmay ham qo'yadi.

Xullas, Ahmad ko'sanining bo'lgan bo'ldig'i shu. Omon rais aytganiday, uning loyi shunday qorilgan, o'zgartirib bo'lmaydi.

Ko'sanining qishloqda yomon ko'radian odamlari bor. Lekin eng yomon ko'rgani – ham soyasi Tursun qoraning xotini Bo'stonoy. Shu xotin kelin bo'lib tushgandan beri yomon ko'radi. Aytishicha, yangi kelin uni ko'rib ko'rmashlikka olib, salom bermagan ekan. Kim bilsin,

balki salom bergandir, Ko'sa eshitmagandir. Lekin Ko'sanining qo'shib-chatib gapirish odati ham yo'q emas.

Ko'sa bilan Tursun qoraning uyi o'rtasida devor ham yo'q. O'rtadagi chegara har yili ustiga tok novdalari bosilaverib, tuprog'i uvalanib ketgan uvat. Ikkalasining ham kattagina tokzori bor emasmi, yillik novdalar bog'lanib, uvat bo'ylab taxlab chiqiladi. Undan tandir-o'choqqa tutantiriq uchun ham olish mumkin emas, bunga ikki taraf ham birday amal qiladi. Sababi, chegara buzilmasin, bir-birovining tomorqasiga mol-holi o'tib ketib, baqir-chaqir bo'lmasin!

Bir-yarim uvatning pastqamroq joylaridan Tursun qoraning qo'y-echkilari o'tib ekinlarni payhon qilganida qo'shnilar ancha vaqtgacha arazlashib yuradi. Ko'sanining bittagina sog'in sigiri bor, xolos. U qo'shni tugul, egasining tomorqasigayam mo'ralamaydi. Ko'sanining tili bilan aytganda, nas sigir. Yolchitib yemish ham yemaydi, sut ham bermaydi. Dashtga haydab qo'yib kelsa, orqasidan yetib keladi. Buzog'ini qizg'anadi. Buning bari Ko'saga alam qiladi. Qaniydi, o'n besh-yigirma chog'li qo'y-ech-



kisi bo'lsa-yu, qo'shni tomorqadagi ekinlarni payhon qilsa, xuddi unikidek payhon qilganida bungayam alam qilmasdi...

Bu ham yetmaganday, Tursun qoraning tovuqlariyam Ko'sanining g'ashiga tegadi. Birinchidan, bari semiz, lapanglab-lapanglab yurishiga qaraganda, katta-katta tuxum qo'ysa kerak. Xo'roziga-ku gap yo'q! Bir o'zi o'nta tovuqni bermalol eplaydi. Ba'zan Ko'sanining tovuqlarigayam kuchini ko'rsatib ketadi. Bu atrofda unga teng keladigani yo'q. Ko'sanining qizg'ish xo'rozini ham bir cho'qishda qochirgan.

Ikkinchidan, Ko'sa shu tovuqlar sabab tuzuk ekin-tikin qilolmayman, deb o'laydi.

Lekin o'zi ishyoqmasligini tan olmaydi. Bahona-yu sabab esa tayyor – suv yo'q, hamsoyaning tovuqlari dastidan dod! Vaholanki, ariqdagagi suv to yozgacha tinimsiz oqadi. Tovuqlarni har kuni "kish-kish"lab yurgani ham yo'q.

Bo'stonoyning tovuqlari onda-sonda qarovsiz qolsa, shundagina hamsoyaning tomorqasiga o'tib ketadi. Bir kuni o'z-o'zidan chipor xo'rozi yo'qolib qoldi-yu, tovuqlarini katagidan chiqarmay qo'ydi. Xo'rozni qancha izlamasin, baribir topishholmadi. It yoki mushuk yegan desa, pat-mati ham chiqmadi.

Oradan o'n kunlar o'tgach, Bo'stonoy yana tovuqlarini hovliga qo'yib yuboradigan

bo'ldi. Bir kuni kechki payt tovuqlarini haydab, katagiga kiritmoqchi bo'lib qarasa, yana bitta tovuq yo'q. Bola-chaqasi bilan qidirishga tushdi. Tokzor oralari ham, qo'ra-qo'ton ham, qo'ni-qo'shniniki ham qolmadi. Tovuq hech qayerdan chiqmadi. Chipor xo'roz kabi pati ham topilmadi...

Avvaliga buni hech kim Bo'ynoqdan ko'rma-di. Chunki Bo'ynoqning tovuq ushlab yeyish odati yo'q edi. Har doim tovuqlar uning oldidan bernalol o'tib-qaytiy yurar, Bo'ynoq qayrilib ham qaramas edi. Hammasi Ko'saning bog'iga suv olish navbat kelganida boshlandi. Boqqa qiyalab oqib kirgan ariqning suv yuvib, kichikroq kamar hosil bo'lgan joyidan o'sha yo'qolgan tovuqning qora patlari oqib chiqdi-yu, buni Ko'sanikida o'ynab yurgan Tursun qoraning qizi ko'rib qoldi. Qiz qurmagur darrov borib, ko'rganlarini onasiga aytdi. Bo'stonoy ham shu zahoti lapanglab yetib keldi. Qarasa, xuddi shu, o'zi tuxumdan ochirib, jo'jaligidan katta qilgan qora tovug'ining patlari, Jon-poni chiqib ketdi. Og'ziga kelganini aytib, shang'ilay boshladi.

Qo'lidiagi ketmon bilan tok jo'yaklariga suv tarayotgan Ko'saning xotini Rohila nima qilishini, nima deyishini bilolmay qoldi.

- Sizgayam, xo'jayiningizgayam necha marta aytdim, shu o'lgurni bog'lab qo'yinglar, bir kunmas bir kun bir narsani boshlaydi. Yo'q, gapimni bir tiyingayam olmadinglar. Mana, tovuqlarimni yeb boshlapti, xo'rozniyam shu go'rso'xta yegan. Endi bir harom it uchun tovuq boqolmas ekanmizda-a? Ha, men buni shunday qoldirmayman, hali ko'rasiz, bu it bo'lganiga pushaymon bo'ladi. Tovuqlarimni yegan tishlari bitta qolmay to'kilib ketadi...

Rohila "Balki tovuqlaringizni Bo'ynoq yemagandir", demoqchi bo'ldi-yu, befoya ekanini o'ylab jim qoldi. Bo'stonoy uning gaplari eshitadigan ahvolda emasdi. Chipor xo'rozi-yu, semizgina qora tovug'ini yeb qo'ygan Bo'ynoq va shunday la'nati itni boqib, katta qilgan hamsoyalariga bo'lgan nafrat uning ko'zlarini ko'r, qulqolarini kar qilib qo'ygandi: yarim

soatlar chamasi iyagi tinmadi. Itni qarg'ay-qarg'ay iziga qaytayotganda yo'liga ko'ndalang bo'lgan qiziga ham o'shqira ketdi. Qiz qo'rqa-pisa onasidan oldinga o'tib uyga qarab chopdi.

Baqir-chaqir tingach, Rohila ham es-hushni yig'ib uyiga keldi va dahlizda sirli satildan muzday suv olib simirayotgan eriga:

- Bugundanoq Bo'ynoqning bo'yniga zanjir soling. - dedi.

Panaroqda hamma gapni eshitib bo'lgan Ko'sa:

- Zanjir-panjir solinmaydi, - dedi qo'lidiagi kosani tokchaga qo'yarkan hansirab. - Bo'ynoq birovning tovug'ini yeydigan itmas. Bunday qiligi yo'q.

- Menam shunday o'yladim, - dedi Rohila odatdagiday, erining gapini ma'qullab. - Lekin Bo'stonoy boshqacha o'ya.

- Tiling yo'qmi sening, ahmoq? Nega indamaysan, nega hamma gapini jim eshitib turaverasan? Hoy, gapingni sal o'ylab gapir, aniq ko'rdingmi yoki ushlab oldingmi, demaysanmi? Bu atrofda biznikidan boshqa it yo'qmi, nima, ariqdan tovug'ining pati oqib kelsa, Bo'ynoq aybdor bo'lishi kerakmi? Axir, itning fe'lini o'zing yaxshi bilasan, faqat oldiga qo'yilgan ovqatni yeb o'rgangan.

...Bo'ynoq hovli adog'idagi eski molxona devorlari ichidan g'ingshib-g'ingshib chiqdi-da, tandir ayvon orqasiga zo'rg'a sudralib o'tib ketdi. Ko'sa sekin itning ortidan yurdi. It tezda holdan toyib loyxandaqqa yetganida yotib qoldi. Ko'sa qo'rqa-qo'rqa itiga yaqinlashdi va soviy boshlagan oyoqlarini ushlab ko'rib darrov hammasini tushundi. It jon berayotgandi. Ko'sa azoblanayotgan itiga ich-ichidan achinib, uning ko'zlariga qaradi. G'ira-shira qorong'ilikda itning chala yumuq ko'zlaridan yosh sizib chiqar, u egasidan so'nggi bor najot kutayotgandek yotar edi. Ko'sa yig'lamoqdan beri bo'lib qadrdon itining boshini siladi va alam bilan so'kindi: "He, enangdi... qanqiq!". It ko'zlarini kattaroq ochib qaradi, egasining so'kinayotganiga o'zicha izladi...

cho'ponlar qishlog'iga borib-kelganini aytgach, tushundi. Kuchukvachchaning Bo'ynoqqa kelbat berishi o'tgan voqealarni eslatib yubordi.

Ko'saning kenja qizi Nursuluv hammandan ham xursand bo'lib ketdi. Kuchukchaning boshidan silab erkalar ekan: "Bo'ynoqqa o'xsharkan, shunday ot qo'yamizmi?".

- Yo'q, qizim, - dedi Ko'sa xo'rsinib. - Bu kuchukchaga boshqa ot qo'yishimiz kerak.

- Xo'sh, nima bo'ladi?

- Mastonoy mos tushadi, qizim. Mastonoy, deb chaqiramiz!

- Mastonoy! Bo'stonoy xolaning otiga o'xshab ketarkan-a..?

- O'xshasa o'xshar, lekin kuchukka juda yarashadi.

Bo'stonoy hamsoyasining kuchuk asraganini, Mastonoy deb ataganini ertasi kuniyoq qizidan eshitib, hang-mang bo'lib qoldi. Ayni toltushdagi manzara esa uni battar esankiratdi...

Bo'stonoy tut shoxiga osilgan suzma xal-tadan chakki olib, chalob qilayotgan edi. Birdan ko'zi tokzor bilan anjir orasidagi uvat bo'ylab ketayotgan, yozda tokzorlarda, qishda qo'ra-yu qo'tonlarning tomlarida yashab yuradigan yovvoyi kattakon malla mushukka tushdi. Mushukning og'zida bir oq tovuq bor edi. U pastga, Ko'saning tomorqasi boshlanishidagi o'sha kamarga qarab yugurmoqda. Bo'stonoy hay-haylaganicha shu tomonga qarab zipilladi. Hadik olgan mushuk sakrab-sakrab, bir zumda ko'zdan g'oyib bo'ldi. Tok novdalari bosilgan uvatdan o'tayotganida og'zidagi tovuq tushib qolgandi. Bo'stonoy urinib-surinib kelib ko'rsa, qonga belangan oq tovuqning allaqachon joni uzilgandi.

Shu onda Bo'stonoyning ko'z o'ngiga bir-daniga Bo'ynoq paydo bo'lib, ichidan bir narsa uzilgandek bo'ldi. Xayolidan "Bo'ynoq aybsiz" ekan, nohaq uning joniga jabr qilibman", degan o'y o'tdi. U mushukning og'zida jon bergan oq tovuqni titroq qo'llari bilan kamarga irg'itib, ortiga qaytdi va sal yurib, tuprog'i uvalanib ketgan chordevorga suyanganicha o'tirib qoldi.



**Otabek RAHIM**  
2001-yili Xorazm viloyatida tug'ilgan. Toshkent iqtisodiyot va pedagogika instituti talabasi. Respublika yosh ijodkorlarining Zomin seminari ishtirokchisi  
(2024).

## Onamga maktub

Badia


**M**en sizni yaxshi ko'raman..." Bu gapni juda ko'p aytadigan bo'ldim. Ba'zida qo'ng'iroq qilib, ba'zida esa yonma-yon yurib. Eng alamlisi, bu izhorni siz emas, bugun bor-u ertaga yo'q tannoz qizlar eshit-yapti, xolos...

Bilasizmi, sizning yuragingizdek yurak yo'q bu dunyoda. Har gal sizning o'g'lingiz ekanimdan faxrlanib ketaman. Yaxshiyamki, mening onamsiz. Yaxshiyamki, sizning o'g'lingizman!

"Men sizni yaxshi ko'raman..." Siz hech qachon meni "Otabek" deb chaqirmagansiz, "bolam" ham demaysiz. Ismim va shu so'zni bitta qilib aytib qo'ya qolasiz: "Otabek bolajonim". Bilasizmi? Yo'q, bilmaysiz! Afsus, bilmaysiz qanaqa kuch-qudratga egaligingizni...

"Men sizni yaxshi ko'raman..." Dadamning aytishicha, ozgirna betob bo'lib qolibsiz. So'nggi kunlarda bekorga tushlarimiga kirmayotgan ekansiz-da. Shuni kecha qo'ng'iroqlashganimiz bolam meni o'ylab siqilmasin, degandirsiz... Doimgidek faqat

- Qorning to'qmi, Otabek bolajonim?
- Ha, qornim to'q, xavotir olmang, ona...
- Ijara pulingni to'laganmisan?
- Ha, to'ladim...
- Kontraktning esingdan chiqmasin-a?
- Esimda, ona, esimda!
- Shoир, yozyapsizmi?
- Ha, validam, yozyapman.
- Ha, unda dadangizniyam bir joylarda yozib o'tib keting, u zimdan sizni kuzatadi, lekin sezdirmaydi...



- Dadamning o'tgan faromush hayoti uchun roman yozsam arziydi... Agar kun kelib nasrda nimadir yozsam, albatta, dadanga atalgan bo'ladi, onajon! Qanday qiyin kunlarni o'tkazdig-u boshimizdan...

- Eslamaylik, bolam!

Ha, siz bu haqida gapirishimizni, eslashimizni umuman xohlamaysiz. Oilamiz uchun nihoyatda og'ir o'tgan o'sha kunlarni eslasam, Muhammad Yusufning bir misrasi yodimga kelaveradi:

Boshga kulfat tushgan kunda sherigin Tashlab ketmas ekan quzg'unlar hatto!

Bilaman, onajon, bilaman... O'sha kunlarni tilga olish, xotirlash juda og'ir, hammamiz uchun ham og'ir. Balki menga o'sha kunlarni yozishim uchun ham Xudo qo'limga qalam bergandir, balki o'sha qora kunlar meni shoир qilgandir...

"Men sizni yaxshi ko'raman..." Qo'ng'iroqsoch singlim yaxshimi? Uy ishlarida yordam beryaptimi?

O'ylayman: u ham o'zimdek, ukamdek juda sodda! Ha, onajon, bizni juda sodda qilib tarbiyalagansiz, bunga poytaxtda yurib ko'p bora amin bo'lyapman. Singlimning yurish-turishiga... iltimos... albatta, e'tiborli bo'ling.

"Men sizni yaxshi ko'raman..." Bu so'zni qancha qizga aytganimni bilmayman, ammo shuni aniq bilamanki, sizga aqallib marta yuzma-yuz turib aytmaganman. "Ko'zlarining aytadi hammasini", deyishingiz mumkin. Ha, ko'zlar aldamaydi... Ayniqsa, shoирning ko'zları! To'g'risiyam-da, yuragimdan nima o'tayotgani, barmoqlarim qanday qaltirab yozayotgani, ko'zlarimga yosh ilingani, sog'inch qalbimga qanday og'ir toshni uloqtirayotgani bir o'zim, bir Xudoga ayon...

"Men sizni yaxshi ko'raman..." Shu gapni qayta-qayta xayolan aytypman-u, yuragim battar orziqib ketyapti... Meni afv etishingizni xohlardim, kechiring meni, ona... Boshqa odamlarning bolalari kabi sizni baholi qudrat parvarish qilolmayotganim, faqat o'qish-o'rghanish, adabiyot, so'z orqasidan yugurib yurganim, sizga vaqt ajratolmayotganim uchun kechiring...

"Men sizni yaxshi ko'raman..." Bu muhabbat hech qachon zavol bilmaydi, sizdan olisda bo'lsam ham yuragimda gurkiraydi, ildiz otadi, battar teranlashadi.

Baxtinga hamisha omon bo'ling, deb sizni sog'ingan o'g'lingiz Otabek!



Shohista ERGASHEVA

1997-yili Sirdaryo viloyati Yangiyer shahrida tug'ilgan. O'zbekiston davlat san'at va madaniyat institutida tahlil olgan. "Birinchi kitobim" loyihasi asosida "O'n sakkizim" nomli she'riy to'plami chop etilgan. Zulfiya nomidagi Davlat mukofoti sohibasi.

\*\*\*

"Sen odam emassan!" – dedi ayolga,  
Unga sezdirmasdan darz ketdi ayol.  
Ilk daf'a Robbin tutib savolga,  
"Kimman?", – deb Xudoga arz etdi ayol.

– Ayol kim?  
– U kofir, irqini<sup>1</sup> qirqib,  
Joniga qasd qilgan do'zaxiy g'ilmon.  
– Ayol kim?  
– U Qodir Xudodan qo'rqib,  
Jimgina o'limin kutgan musulmon!

Zotan, kimga qiziq sening kimliging?  
Shu chirkin dunyoga ravosan, ayol.  
Sen odam emassan...  
Odam emassan!..  
Sen, Odam emassan,  
Havvosan, ayol!

<sup>1</sup> Irg – tomir (arabcha).

## NAZM

# Mening qovurg'amdan qalam yaraldi...

*Majnunimga*

Fanoda sang'ib yurdim, Tangrim yor qilmaguncha,  
Gunohkor bo'laverdim, gunoh kor qilmaguncha,  
Yo Ollohim, so'rayman, nazarimni to'q qilgin,  
Toki Majnunim meni nazarga ilmaguncha.

Qaraganga qaradim, haqorat oldi ko'zim,  
Tangrim bergan darslardan mahorat oldi ko'zim.  
Kelganingda yuzingga bir bor termulmoq uchun  
Haq yo'lida yosh to'kib, tahorat oldi ko'zim.

Tangrim qaqnusqalb berdi, ishqingda kuymoq uchun,  
Qog'oz va qalam tutdi, g'iybatdan tiymoq uchun.  
Yaratganning ishqidan sabab izlamang zinhor,  
Robbimga sabab shartmas bandasin suymoq uchun.

Bir kun kelib poyingga yiqilguncha yashasam,  
Ovozlariningda ismim, o'qilguncha yashasam.  
Bir qum zarra bo'lsam-u poyingni tavof etsam,  
Tovoningdan to yerga, to'kilguncha yashasam!

Ey ishq ahli, mening ham boshimni silab o'ting,  
Shu uzilgan jonimni, joniga ulab o'ting.  
Men ishqida ming o'lib, ming bor tirilgunimcha,  
Majnunim kelmas bo'lsa, o'limim tilab o'ting!..

*Anglam*

Quldan ziyod qul edim men – taxt chalg'itdi,  
Yolg'izga yor edim – yolg'on ahd chalg'itdi.  
Uchsiz qalam va uchqur dard berdi Xudo,  
Yaxshi shoir bo'lar edim – baxt chalg'itdi.

Sochlari rangini unutsin ochun,  
Chalg'idim, chalg'imay sevganim uchun.  
Dini nokomildan ranjiyin nechun?  
Ki, Shayx San'oni tarsoyi raxt chalg'itdi.

<sup>1</sup> 2023-yili dori vositalaridan zaharlanish oqibatida vafot etgan 96 nafar go'dak nazarda tutilgan.

*Aytimlar*

"Yaral!" – dedi Rahmon, Olam yaraldi!  
Odam yaralgan kun, alam yaraldi.  
Sening qovurg'angdan yaratildim men,  
Mening qovurg'amdan qalam yaraldi!

Ohki, bilmam nening kasridaman men?  
E voh, jahannamning qasridaman men.  
Bilmay taqiq meva yemish Odamim,  
Hanuz shu gunohning ta'sirdaman men...

Tuproq aro urug' edim, do'nib bo'ldim,  
Ko'zyosh bilan sug'ordilar unib bo'ldim.  
Savobimni gunohimdek sevmadi Rab,  
Avval gunoh qildim, so'ngra Munib bo'ldim.


Kuzak yaprog'idek g'oyat mo'rt sevgi,  
Gunohim poylagan ko'zi to'rt sevgi,  
Mening yuragimni yemirayotir  
Ayyubning tanini yegan qurt – sevgi.

Loyqalangan suvlar, tiningiz ortiq,  
Darz ketgan ko'ngillar, siningiz ortiq,  
Bitmaydi deganim – sevgilar bitdi,  
Bitmadimi Sizning xuningiz ortiq?

Irmoqlar dengizga oqib yig'laydi,  
Chechaklar quyoshga boqib yig'laydi,  
Quyosh ham o'zini yoqib, yig'laydi.  
Men kimga yig'layman...  
Kimga yig'layman?!

# EHTIROSALAR OLOVI

## ICHRA ARZI HOL



Ibrohim G'AFUROV,  
O'zbekiston Qahramoni

1937-yili Toshkent shahrida tug'ilgan. 1961-yilda hozirgi O'zbekiston Milliy universitetining Filologiya fakultetini bitirgan. "Do'stlik" hamda "Mehnat shuhrati" ordenlari va "O'zbekiston Respublikasi san'at arbobi" faxriy unvoni bilan taqdirlangan. Go'zallikning olmos qirralari", "Joziba", "Yonar so'z", "Yam-yashil daraxt", "She'riyat izlanish demak", "Dil erkinligi", "Hayo - xaloskor", "Mangu latofat", "Tarjimonlik mutaxassisligiga kirish", "Tarjima nazariyasi", "Ayyub nidosi", "Oltin qoziq" singari kitoblari nashr etilgan. Jahon adabiyotining yirik namoyandalari Ernest Xemingueyning


"Chol va dengiz", "Alvido, quro", Gi de Mopassanning "Azizim", Fyodor Dostoyevskiyning "Telba", "Jinoyat va jazo", "Qimorboz", "Iblislar", "Aka-uka Karamazovlar", "Ayrilmas er", Chingiz Aytmatovning "Qiyomat", "Chingizxonning og buluti", Gabriel Garsia Markesning "Buzrukning kuzi", Jeyms Joysning "Uliss" kabi asarlarini o'zbek tiliga o'girgan.

### TAHLIL

*Farida AFRO'Zning to'rt jildlik tanlangan asarlar to'plamini o'qib*

**M**en bu maqolani arzi hol tariqasida yozmoqchiman. Kecha – bugun qaysi va qanday kitoblar o'qiyotganimning arzi holi – arzi hol deganimda bu yerda men igrorlarim va izhorlarimni nazarda tutaman. Shunda "men" deb o'z nomimdan, o'z shaxsim buyurganlarini bayon qilishim tabiiyroq chiqsa kerak, deb o'yayman. Men kecha shoira va adiba Farida Afro'zning to'rt yirik kitobdan iborat asarlarini birma-bir o'qib chiqdim. Har bir kitobiga alohida-alohida nomlar berilgan: "Meni kuting...", "O'zimni sog'inib...", "O'limi yo'q hayot..." va "Pardani ochaylik...". Bu har bir nomdan keyin muallif atay uch nuqta qo'yaniga e'tibor berdim. Ular menga barcha jildlarni birma-bir o'qib bo'lgach, oddiy ko'p nuqtalar day bo'lib tuyilmadi. Bu uch nuqtalar orqasida muallifning ko'ngli tublarida saqlangan va juda sir tutilgan orzulari qulf urib turganday tuyildi. Bular "ko'ngil orzulari fido o'shangan" degan qay bir mash-hur misrada saqlanib qolgan va har eslanguanda, odamning yuragini bezovta qilib, allaqayoqlarga boshlab ketadigan "ko'ngil orzulari". Yana bu uch nuqtalarda kitoblarning har birining alohida tizim va kompozitsiyaga egaligiga nozik ishora ham kiradi. Yana bu uch nuqtalarga adabiyot va inson hiss-yotlarining tubsizligi va o'z rang-u bo'ylariga oluda ekanligi ham, sukun va sukunat rahmati ham aks etadi. Skeptik o'quvchim: "Obbo, shunchalar ma'nolarga boy ekanmi bu ko'p nuqtalar, ular qaysi kitobni ochsangiz, hammasida to'lib-toshib yotibdi-ku, lekin biz ulardan shunday ekzistensial ma'nolar uqishimiz kerakmi, yopirim-ey, bu shartmi?" – deydi, albatta. Lekin men barcha ko'p nuqtalarning o'z

xos stilistik ma'nolari borligi va ular aslo bir-birlariga o'xshamasligiga to'la qanoat hosil qilganman. Bir sirmi aytib o'tay: "Ko'p nuqta" degan asar ham yozmoqchi bo'lganman. U ko'p nuqtalarning inson hayotida nihoyatda ramziy ma'nolarga to'liqligi haqida yozilishi kerak edi. Lekin bu yerda hali ijodiy amalga kirmagan ish haqida cho'zilib o'tirishning o'rni emas. Ko'pnutqalar dunyoning aytilmay kelayotgan barcha ma'no-mazmunlarini ifoda etishiga shak-shubha yo'q... "Meni kutgil" degan dunyo she'riyatida juda mashhur she'ri bilmagan, eshitmagan va undan hayajonga tushmagan odam yo'q bo'lsa kerak. Lekin, mana, bizning zamondosh, safdosh (sal bo'lmasa, trafaret bo'lib qolgan "suyukli shoiramiz" deb yuboray debman) muallifimiz o'zining birinchi jildiga "Meni kuting..." deb nom qo'yan va jildni xuddi mana shu nomdagagi she'ridan boshlagan: Meni kuting, Yengilib boryapman siz tomon, Tobeman, taslimman, mag'lubman. Sog'inchning lashkari beomon, Sog'inchning qo'lida mahbusman.



**Y**opiray-ey! "Meni kuting..." nihoyatda oddiy va odmi qilib aytilgan so'zdan so'ng unda hatto o'quvchi kutishi mumkin bo'lgan iltijo, yolvorish, nolish, va'daning qat'iyati ham yo'q. Muallif haqiqatan juda odmi qilib "Meni kuting..." deyapti. Ammo bu jo'ngina murojaatdan keyin kelayotgan satrlar va har uchala band o'ta favqulodda, o'ta kutilmagan va o'ta hech tasavvurga sig'maydigan! "Meni kuting, Men nodon ko'nglimga bo'yusunmay. O'yladim, aqlda xatar yo'q. Va bildim, bu jangda yo'q maydon, Bildimki, sevgida zafar yo'q!"

**Yopiray-ey!** Bandning uchinchi misrasidagi "bildim" bilan to'rtinchı yakunlovchi satrdagi "bildimki"ning farqi bormi, yo'qmi? Hech farq yo'qqa o'xshaydi. Ammo juda katta – chek bilan cheksizlik o'rtasidagi mavjud farqdan ortiqroq farq bor. Biz keyingi jiddlar dan o'rin olgan muallifning barcha asarlarini e'tibor bilan o'qisak, u o'zini "bilish"ning "quli" darajasiga ko'targanini ko'ramiz. **U "bilish"ni sig'inish darajasida sevadi.**

"Bilish" falsafa va falsafiy hol. Yuzaga kelganidan beri barcha falsafalar va barcha faylasuflar "bilish"ni tushuntirmoqchi bo'ladi va barcha cheksiz bahslarini unga bo'lgan qarashlarning xilma-xilligi asosiga quradi. "Bilish" haqida muhokama yuritmagan va bahs qilmagan faylasuf faylasuf emas. Shoirlar (misol uchun, Abul A'lo al-Maa'riy) ularning dunyo tugaguncha tugamaydigan bu bahslariga istehzoli tabassum bilan qarab turadilar va "bilish" borasidagi tasavvurlari ulardan aslo kam emasligini lab burib ishora qiladilar va "bilish"da ular bilan xufyona raqobat qiladilar. Shoiramiz Farida Afro'z ham o'z asarlar barobarida shunday xufya raqobatlar ruhida fikr-bahslar yuritadi, ayniqsa, g'alati bir nom bilan jamlangan, atalgan "tasbehlar" degan she'riy turkumlarida va yana ayniqsa, tamomila erkin usulda yozilgan nasriy asarlarida. Muallif asarlarida bu holning turli daraja va yoyilmalarini, o'girmalarini go'zal va ehti-

sli bir tarzda har tomonlama namoyon qilib boradi. "Bilish" odamzod taraqqiyotida qachon dan boshlangan, qayerda tamom bo'ladi? U hali bo'lmasdan ming, balki million yillar ilgari ham bor edi-ku. Odamlar million yillar ilgari, ayniqsa, hindlar vaqtlanmi bo'laklar, ming yilliklarga bo'lib, xuddi xorazmliklar kabi ularni "ovonlar" va yoki xuddi zardo'shtiylar kabi "qarnu aqronlar" deb atagan ham edilar-ku. Bulardan bu yog'iga minglagan yillar o'tmasa, ular "aqron" va "ovonlar" bo'larmidi? Fales, Pifagor, Orfeydan boshlangan deb yurganimiz "bilish", balki bu yozuv chiqqandagi ilk yozu- vli "bilish"dir. Ilohiy bitiklarda haddi kamoliga yetganmi? Kandta tugaydimi, Shopengauer-dami, Homerdami, Nitshedami, qaerda "bilish" tugaydi? Axir, hamma narsaning boshi va oxiri bor-ku. Bilish – falsafaning, adabiyot va san'atning hech tugamaydigan ibtidosi va mana shu bugungi o'zbek shoirasining olovli hissiyotlarida o'quvchini lol qoldirib, davom etyapti. Farida Bo'tayeva "bilish"ga aslo befarq emas, aksin-cha, barcha badiiy muhokamalari, ehtiroslarini shu "bilish" asosiga quradi. Kecha Zulfiyaning bilishi, Muzayyana Alaviyaning bilishi va ko'ngil sirlariga to'la ishi bor edi va mana bugun shu soat, shu daqiqalarda u Faridaning dunyo va odamlarga munosabatida davom etyapti va yangi oltin qirralarini namoyon qilyapti. Va bizni "sevgida zafar yo'q"ligiga "maydon" yo'qlig-



*Farida Afro'z ayrim  
asarlarida azaldan ma'lum  
gaplarni bir boshqacha,  
chiroyliroq qilib aytishni  
xo'b mashqini ham olganligi  
ko'zga tashlanadi.*

giga ishontirib qaysidir massaget qirolichasi kabi dov bilan lol qilmoqchi. Yopirim-ey, "Bilish" ma'rifi Faridaning barcha asarlarini ma'rifatli bir nuqtaga olib chiqyapti, qachonlardan beri yonimizda shunday haqiqiy ma'rifikat egasi yonib-kuyib yurganligi va biz uning yonishlari dan goh xabardor, goh bexabar yurganligimizni ma'lum nishon etyapti. Doim titrab, kuyib, ishq va mehr bilan (o'zi aytmoqchi) yozganligini har bir so'zida isbotini keltiryapti. Uning hayot kitoblari, donishmandlardan, xalq, turmush ichida yurib bilganlari unga bugun muallif sifatida cheki yo'q xazinaday xizmat qilmoqda. Uning donishmandlardan bilgani: "**Umr asli bir kundir, O'sha kun – bugundir**" (Muallif ning punktuatsiyasini saqladik – I.G.)

Mana shu fikr ehtimol "bilish"ning cho'qqisidir (albatta, bilim va bilishda cho'qqi bo'lmaydi, cho'qqilar purviqor va ularga yetib borish qiyin). Jomolungma cho'qqisiga borishni orzu qilamiz, biroq borib ko'ring-chi. Ammo "bilish" bu nonday aziz va odamzotga juda yaqin narsa, bilishsiz odamzot shunday behad ilm-fan, texnikaga erisharmidi, Oyga qadam ranjida qilarmidi, Mirrixning, Yupiterning sath suratlarini olarmidi! Yana bir chekkasi odamning **purviqor bilimsizligidan esa** cho'qqilarning muzlari erib ketyapti, azal qutblarimizda muz qatlamlari ozayib boryapti, ibo o'mnini ibosizlik egallayapti, odamzot ibtidoiy yalang'och holiga omonsiz qaytyapti va eng mushkuli o'zini bunda haq va biz erkinniz deb bilyapti. Faridaning: "Bolalikdan ketgim kelmadi, Ulg'ayishdan bezillar yurak", - degani, axir, bu bir emas, ming emas, balki bugungi milliardlarning qo'rinchli fojiasi-ku! Shun-day fojiaga insoniyat yetib kelganligini shoira sodda, lekin Oyga uchgan Hindning raketasiday omonsiz qilib ifodalab beryapti. Zamona va zamona so'zi shu-da o'zi. Faridaning fikri okeanlar tug'yonlarida "Bilish" teranliklarida misoli shoira ham emas, balki shoira-g'avvos. Uni okean, ya'ni hayot tubini bilishga misoli Iskan-dar payg'om kabi havasi cheksiz. Yopirim-ey!

Faridaning she'rlarida bilish darajasi balandligiga ko'ra "o'ylov" ham, "**o'ylov**" falsafasi ham nihoyatda rang-barang ifodalar va tashbehtarini topgan. Bu o'ylovlar uning she'rlaridagina emas, nasr namunalari, badiiy tarjimalarida ham juda ham ta'sirli ifodalarga boy. U xomxayollardan, befoya nadomatlar, yozg'irishlardan o'zini tortadi, bularga she'ri va so'zini giriftor qilib qo'ymaydi. To'la inson psixikasiga xos bugungi dunyoning o'zgarishlarini ro'y-rost, dadil, tantilik bilan bayon etib etib boradi. "Bugun esa, bugun esa... bolaman, hechman..." deydi va yana bir (qaysi hisobda!) fojiali zamon sentensiyasi she'r ifodasiga aylanadi. Faridaning barcha asarlarida "bilish" va "o'ylov" dramatik, alamli mazmundorlik hamda hamohanglikka egadir. Bu ijodkorda juda qimmatli fazilatdir. Bu fazilat uning qahramoni, nasrdagi qahramonlariga va ayniqsa, Mirzakarim Norbekov, Alison-to'ra Sog'uniy, Bahmanyor Sog'uniy singari qahramonlariga g'oyatda tabiiy xos xislat. Va bulardan tashqari ham uning barcha g'aroyib tole qutqularini yelkalab olgan qahramonlari (balki personajlardir, balki tarixiy ishtirokchilar, balki drama-komediyalardagi kabi qatnashuvchilardir) uchun ham fikrlash dramasi xos xislat bo'lib ko'rindi (men atay xususiyat deb aytmayapman, shaxslarning xislatlarini nazarda tutyapman). Lekin "bosh qahramon" bu – shoiraning o'zil Bosh qahramon barcha hollarda Farida Bo'tayeva, u o'ziga Afro'z deb taxallus ham olgan. "Qahramon" o'zi kim? U takrorlanmas qiyofaga ega. Unda teran xarakter shakllangan. Bu xarakterda davr, zamon ifodalangan. U universal yo'nalish kasb etgan "bilish", "o'ylov" muntazam badiiy ifodalanganiga ko'ra! U o'zini qudratli deb sezadi, u o'zini benihoya kamtar deb his qiladi. Orfey bir zamonlar olamning ibtidosi efir (havo!) va xaos (mutlaq bo'shliq!) deb ta'lim qoldirgan edi. Faridaning badiiy qahramonida mana shu efir va xaosning



birlashishi natijasida dunyoga kelgan ehtiros va hissiyot hukmfarmodir. Bu juda katta gapga o'xshaydi. Ammo to'rt jilddagi asarlarni o'qisan-giz, aslo g'ayritabiyy tuyilmaydi. U o'tmishdan qolgan parchalar. Parchalarning parchalari. Atomlarning cheksiz ko'rinmas bo'laklarga bo'lingan zarralari. Shuning uchun u Navoiyga payrovlik qilib odamning aqlini shoshiradigan "mensizlik" haqida fikrlaganda, o'z "mensizligi"ni "Men" deb ataganda va shu "Men" nomidan voqealarni harakatga keltirganda, allaqanday suggestiv bir nimalar sahfalarning oppoq betiga qalqib chiqaveradi va bosh qahramonni bilish va o'ylovga tamomila g'arq-u xarob qiladi. Yopirim-ey!

Farida Afro'z ayrim asarlarida azaldan ma'lum gaplarni bir boshqacha, chiroyliroq qilib aytishni xo'b mashqini ham olganligi ko'zga tashlanadi. Ammo badiiy adabiyotda "bilish" bu oldingilarni mazmunan takrorlash emas. Lekin "bilish" nima qilsin, o'zi takrorni, Cho'lponcha aytganda, "takarrur"ni yaxshi ko'radi. Yuqorida andak tahlil qilingan she'rnинг qahramoni, ko'rdikki, kutish mashaqqati va intizorligi oldida ochiq taslim bo'ldi. Barcha sabot-matonatning qurol-aslahalarini tashladi. Sevgi zafar qozonish emas, taslim bo'lish, bor ixtiyo-rini sevgi ixtiyoriga topshirish, bu esa cheksiz

azob va lazzat va'dalari...  
Sizga bu yerlarda yana  
o'sha "mensizlik" namoyon  
bo'layotgandek ko'rinnama-  
yaptimi?

\*\*\*

**I**kki jildni to'la qamrab olgan she'rlarni o'qib va uqishga harakat qilib borarkansiz, Farida Afro'z qiyofasidagi qahramon o'z-o'ziga tinimsiz iztiroblar, azob-u alamlar yasab boradi, gullagan bog'larni huvillagan ovloq, xilvat bog'larga aylantiradi. Qasr-u saroylarda yashab turib xarobazorlarni qo'msaydi, mozoratlarni sog'inadi, ularda o'tgan, yodi muqaddas abo-ajodlar yodini o'ziga ohanrabodek tortadi. O'zidan rozi bo'limgan ruh to'xtamay yo'l bosib borayotganday, qadimiyat va qadimgilarning izlarini qidirayotganga o'xshaydi. Ekzistensial hissiyotlar quyunlariga g'arq bo'ladi. Chinqirib oqqan daryolarning girdoblariga o'zini otadi, halokatli muhitdan o'ziga najot qidiradi.

Bu faqat... shoirning ko'ngli faqat... davosiz va notavon... najot qidiradi. Yuragi boshqa narsa topadi: Dunyo safsataga to'lgan-u, biroq Senga kerak so'zni hech kim aytmaydi...

Shunda o'z holi holatiga eng loyiq va ehtimol o'ziga eng manzur so'zni tilga oladi: Allohim, ming yilki so'rayman qaqshab, Dunyo qaridimi, yo men qaridim?!

Bunday Faridada tez-tez qaytalab turguvchi holatlarni men "hol hayajonlari" deb atayman. Faridaning bari yozganlari hammasi bular - "hol hayajonlari"dir. Bu



poshsha ularni o'z rasamadi bilan "mutmayin" tasvirlash yo'li va ep-tadorigini topadi.

Faridaning to'rt jild asarlarini o'qib mana endi menga ham "yuqdi", men ham "hol haya-jonlari" bilan fikrlay boshladim. Yoshim taqozo-siga ko'ra men o'zimni bosiqlik va vazminlikka chaqiraman. Ammo azal ziddiyatni qarangkim, vazminlikni she'r ko'tarmaydi. Har qancha urin-gani bilan adabiyot bosiqlikni ko'tarmaydi va hazm qilolmaydi. Unga doim ehtiroslar bo'ron-lari kerak. U bo'ronlarda yashagani ma'qul. Bunda aqlli amakimning peshvo o'gitlari hech narsaga yaramaydi. Yonib yoz! – tamom-vassa-lom! Va yana eng muhimi, qiziq qilib yoz!

### Hayot ta'limi va shoir tomirning urishi

**B**u bobni boshlay turib xayolimga Faridani o'qish ta'sirida bo'lsa kerak, bir misra she'r keldi: Oqar suvning bo'yida suvg'a zor o'sgan chechagim. Shu xolos. Men shu xuddi so'zlardan iborat misrani taqriban yigirmadan ortiq variantda ifoda-lash mumkinligini o'ylab o'tirdim. Faridaning she'rlarida usul borligini o'yladim. Balki uning she'rlarining ritmlarida doira usullaridan (ufor, saql va hokazo, juda ko'p) allanarsa ohanglar mujassamini topayotganga o'xshaydi. O'zbek ayollarining bayram-u marosimlarda kichkina doira chalib qo'shiqlar, o'lanlar, termalar kuylashlari ko'z o'ngimga keladi. Men ularni cha gaplar yozilgandek ko'rinsa-da, ular inson ruhiy hayotidan juda uzoq uzuq va yuluq parcha-parcha gaplardir. Zero boyagi she'rdagi "qaqshamoq" suratda kuzatilyapti, u qahramonning ich ha-yajonlariga ham organik ko'chib o'tyapti: "Dunyo qaridimi, yo men qaridim?!" Bu o'ta ekspressiv gap. Boya belgilab o'tganimiz chin "hayajonli hol". Faridaning she'rlarida "sovuuq" satr uchramaydi. Unga kerak so'zni boshqalar aytmasa, yoki aytmagan bo'lsa hechqisi yo'q, bu so'zni uning o'zi aytadi. Unda bunga matonat va iqtidor yetadi. Va olamni to'ldirgan safsatalar ustidan chaqmoq sochib o'tadi. Ammo chaqmoq yolqinlarini siyratda tutib turish naqadar qiyin! Biroq Ho'qandi latifning Xonxo'ja qishlog'ida tug'ilgan, she'rlarida eslov ko'p bo'lgan (ota-on, tug'ishganlar, qavmi qardoshlar, yor-u birodarlar) ko'p ayriliq yozg'irishlaridan yozadigan, nadomat va armon to'fonlarini ko'p ko'taradigan qiz-

«O'zbek ayollarining bayram-u marosimlarda kichkina doira chalib qo'shiqlar, o'lanlar, termalar kuylashlari ko'z o'ngimga keladi.»

tinglasam, yuragim toshib ketadi, ko'zlarim-dan duvillab yosh kela boshlaydi. Faridaning she'r ohanglarini ularga o'xshataman. Urg'ulari, zarblari juda qoyilmaqom. Shu bilan birga, u yozgan "birlik", "uchlik" larning barchasining ortida jonli hayot navolari yangrayotganday tuyiladi. Hissiyotlar orqasida shu hissiyotlarni voqealarga aylantirgan behad rang-barang hayot bor. Hayajonli ta'sirlanishlar ko'p zamon-lar, ovonlarni qamrab oladi. Oshiqning ko'ngli shunday latif va nozik bo'ladiki, nozikligidan ma'shuqning diydoriga chiday olmaydi. Ma'shuqning tajalliyisidan fano bo'lish xavfi tug'ililar. Muso alayhisalom Haq taoloning diydorini istaganda, bu maqomda edi. Bu maqomda oshiq firoqdan ko'proq lazzat topadi... Faridaning qahramonlarida ham xuddi shun-day visol-u firoq holatlarini kuzatamiz. Farida ular haqida mutlaqo ehtiyojsiz odamday yozadi. G'aniylik va faqirlik unga misli barobarday tuyiladi. Ehtiyojsiz kimsada ularga muhtojlik yo'q-da. Farida uchun axloqiy-ta'limi qarashlar va g'oyalalar muhim. Ehtiyojsiz bo'lgan odamga tama ham mutlaqo ortiqcha-da. Navoiyning qit'asi esimga tushadi: "Ey Navoiy, olam ahlida tamasiz yo'q kishi... Har kishida bu sifat yo'qtur, anga bo'lg'ay sharaf. Sen agar tarki tama qilsang, uluq ishdur bukim, Olam ahli barcha bo'lg'ay bir taraf, sen bir taraf". ("Badeo ul-vasat", 43-qit'a). Farida juda ko'p asarlarida shu fikrni turli qirralarini ochib rivojlantira boradi. Natijada, asarlarida go'zal bir axloqiy muhit qulf urib ochiladi.

### Ko'pnugtalar orqasida...

**V**aqlar o'taveribdi, zamonlar o'zga-raveribdi, avlodlar almashaveribdi, bir nasl ketidan boshqa rejali nasl-lar kelibdi. Ko'zlarli nurli, qalamqosh qizcha - ko'hlilik, tiyrak, aqli, farosati yetuk va pishiq Faridaga aylanibdi. Tarannumi shirin bir bulbul ne zamonalardan buyon adabiyotning mangu bog'-u bo'stonlarida xushilhom qo'shiqlar kuylar

ekan-u, biz g'ofillar bexabarday yurar ekanmiz, yopiray-ey! Olchovsiz hissiyotlar, taassurotlar og'ushida qoldim Faridaning asarlarini o'qigach. Boshdan oxir tizginsizlik. Erkin havolar, erkin naqlar, erkin navolar! Bu yaxshimi, yomonmi, ijodiy erkinlik. She'rlari erkin yozilganday, nasri ham tamomila erkin, xohlagan joyidan odam va olam qoshiga borib hikoyalarni boshlab ketaveradi. U insonlar taqdirlari haqida juda erkin hikoya qiladi. Zamonlar, rang-barang taqdirlar ko'z o'ngingizda namoyon bo'ladi. Mashhur tabobat olimi Mirzakarim Norbekovning shurasini izlaydi. Nega u o'z vatanida emas, o'zga yurtlarda shuhrat topganligining hayotiy sirlarini qadam-baqadam kuzatadi. Izlanishlarda juda ajoyib odamlar – ularning favqulodda taqdirlariga duch keladi.

Bu o'ta qorishiq voqealar sizni ham bango "junun vodiylariga", ma'yus, kimsasiz mozorotlarga ergashtirib ketayotganday bo'ladi. Farida qahramonlarini juda sevib va favqu-lodda juda qiziqarli qilib tasvirlaydi. U taqdir egalarining o'zlarini so'ylatadi. Ular siyomsida tarix, zamonlar tilga kirganday bo'ladi. Zamona sarmast, beshafqat galdirlilik zamonusi, telba, rahmsiz zamona. Hammasi **azobgir-lar** tomonidan hikoya qilinayotgan vahm voqealar, faryod, nolalar va hammasini yozib olib birma-bir erkin tasviri va bayonini topib-topib yozayotgan Farida... Goh Mirzakarim, goh Sog'uniy, goh uning nabirasi Bahmanyor tilga kiradi... Faryod, faryod! Farida! Men bularni o'irkaman, o'zimni tobora qolida singan sopol bilan xarobot ichra kirib ketayotgan oshuftahol Navoiyni, uning behad mahzun so'zları va holatlarini tushunib yetganday boldim. Oshuftahollik xayli meni tamomila qurshab oldi va bir oy davomida o'z domidan chiqarmadi. Bu ekzaltatsiyalar, tub syurrealistik bayonlar oldida o'zimni og'ir saqlab fikr yuritay desam, bu qo'limdan kelmadi. Faridaning bayon oqimi meni o'ziga ergashtirib ketdi. Buning ustiga, Faridaning bir jild jahon, Sharq adabiyotlari dan qilgan badiiy tarjimalari boshqa original

tomlarning ekzaltatsiyalari va tamomila syurrealistik oqimlariga oq daryo ko'k daryolarga qo'shilganday qo'shilib ketdi. Axmatovadan, Svetaevadan, Dog'larjadan, Suhrob Sipehriydan ajib tarjimalar. U Suhrob Sipehriyini qay yurak bilan tarjima qilib chiqarganidan lol qoldim. Eron modern adabiyotlarining ohangrabo ovozlarini eshitganday ta'sirlandim.

Farida to'rtinchı jildga jamlagan tarjimalari bilan birga she'rlarning asl nusxalarini berib juda yaxshi qilgan. Qiyoslash imkonibor.

"Odatda, shoirdan hissiyot, samimiyat talab etiladi, she'rdan zavq, bilim kutiladi", deb yozgan ekan mashhur olimamiz Muzayyana Alaviya. Bularning bari Farida Afro'z jiddlarida to'la namoyondir. Men juda qiziqib o'qidim va ketgan vaqtga achinmadim. Bir qiyomatlik do'stim ulug' yoshning o'ziga xos sarhisoblarini to'la angolmay yurgan paytimda mening oshufta holimni ko'rib, menga Farida Afro'z jiddlarni o'qishni tavsiya qildi. Bular boyaroq aytganimday, juda qiziq kitoblar ekan. Xushhol boldim. Farida Bo'tayeva nimani yozmasin, qanday mayzuni ko'tarmasin, erkin va qiziq qilib yozadi. Uyqusiragan odamning ko'zi yaltib ochilib ketadi, zerikib qolgan odamning shavqlari qayta uyg'onadi, hushyor tortadi. To'g'risiyam, qiziq qilib yozmasa, adabiyotning ma'nosi qoladimi? Muallif o'quvchisini o'ziga hayot yo'llarida hamroz eta olsa, asl muddao-siga yetadi, mehr qozonadi. Zerikarli yozilgan kitoblarining yo'l o'rtaida yotgan toshdan aslo farqi yo'q. Hammani qoqiltiradi. Chalg'itadi. Isrof garchiliklarni aytmaysizmi? Zerikarli kitoblar vaqtini o'g'irlaydi. Hozir chalg'itayotgan kitoblar ko'p, juda ko'p. Farida bir tomon dan xo'b qiziq qilib yozsa va o'quvchi e'tiborini doimiy ushlab tursa, ikkinchi tomonдан, ayniqsa, muallif obrazni ko'z o'ngimizda yorqin qiyofasi, yetuk inson, odamiyligi, axloq-odobi teranligi bilan ayricha maqomga ko'tariladi. Uning so'zlarini eshitgan sari yana eshitgingiz keladi.

Yopiray-ey. Xayrli va qutlug' bo'lsin!


Sirojiddin SAYYID,  
O'zbekiston xalq shoiri

## Qadimiy Baqtriya tuprog'ida

**Shukur akaga**

Bu sahroda ming xil tashbeh  
ko'milgandir men uchun,  
Harflar, harflar ko'milgandir –  
Qadim tillar parchasi. »»






Bu harflarda izlari bor  
 Iskandar tulporlarin,  
 Tashbehlarda – dinlar muhri,  
 Chingiziylar tamg'asi.  
 Mana, g'orlar –  
 Moziyning ko'z kosalari singari,  
 O', bir buyuk madaniyat yotar  
 majruh, ingranib.  
 Siniq-siniq sopollarday  
 parchalangan san'atim,  
 Qani sening shavkating?  
 Sulolalar yong'inida yondi tillar,  
 lug'atlar,  
 Alifbolar asrlarning  
 qumlariga bo'ldi g'arq.  
 Men turibman...  
 Mana, g'orlar – devorlardan besado  
 Qushon yozuvlari boqar,  
 Shu harflardamisan, Sharq?  
 "Bu yo'llar ko'p qadim yo'llar" ...  
 Rost aytgansiz, shoirim.

Men turibman  
 botirlar qon to'kib o'tgan yo'llarda.  
 Tahqirlangan suluvlarning  
 chinqirig'i quvlagan  
 Shaharlarning arvohlari  
 izg'ib yurgan cho'llarda.  
 Savollarday qotib turar  
 tegramda saksovullar,  
 Moziy meni bosib kelar,  
 Chaldivorlar o'raydi.  
 Tepalarning bag'ridan bir  
 Vatan qo'zg'alib nogoh,  
 Menden nomin so'raydi.

1981



# UMRIM SOATLARI JARANGLAR TINIQ



Oygu SUYUNDIQOVA

1957-yili Samarcand viloyati Payariq tumanida tug'ilgan. Moskvadagi Gorkiy nomli Adabiyot institutida tahsil olgan. Ufqlar yon-ganda", "Umr kuyulari", "Etqod", "Zumrad tomchilar", "Ko'nglim kengliklari", "Sevinch" kabi she'riy kitob-lari nashr etilgan. Aleksandr Blok, Anna Axmatova, Marina Svetayeva, Nikolay Gumilyov, Ariadna Efron, O'rxon Pomuq, Leonardo da Vinci, Ivan Bunin, Sergey Yesenin, Lev Tolstoy, Gogol, Mixail Prishvin, Avetik Isaakyan, Konstantin Paus-tovskiy, Aleksandr Kuprin singari jahon adabiyoti namoyandalarining asarlarini o'zbek tiliga o'girgan. O'zbekiston Yozuvchilar uyushmasi a'zosi. O'zbekiston Respublikasi xalq ta'limi a'llochisi.

*Umr soatlari nimadir? U qachondan boshlab sening-da hayotingda, yo'llaringda, yuragingda, yozmishlarinida jarangla boshlagan? Uni ilk bora kim tinglagan, kim tinglagani sayin ting lagisi kelgan, tinglay turib, Baxt sasini qalbiga tuygan?! Onang, onajoning mushtipar! Uning vujudiga tilga kirayotgan ilk lahza dan tortib, bu yorug' dunyoga kelgan oningga qadar onangdan boshqa hech kim uningchalik sevinmagan! Sen buni keyinchalik - o'zing ham onalik baxtiga musharraf bo'lganidan so'nggina chuqur his etgansan. Endi esa o'sha olis-yaqin bolalikka biroz qaytamiz...*

## BOLALIK XARITASI

**M**en tug'ilgan uy – dunyodagi eng ulkan, eng go'zal eng aziz va mukarram uy. Bu uy Samarcand ko'chasida hali ham yashnab, hayot nafasidan, havasidan, orzu lar bo'yidan yanada barq uralib, yuksalib, ko'zimga nur, yuragim quvvat soladi. Men tug'ilgan ota uyimga uzoq umr tilayman; bag'rini, hidlarini, havolarini, otamning bog'ini, onam o'tirgan ayvonlarni hamisha sog'inaman...

Har bir mamlakatning o'z xaritasi bor. Men bu haqda o'ylasam, ko'z oldimga otam, onam va uyimiz devorida osig'liq katta yaltiroq rangli "Dunyo xaritasi" keladi. Xarita hozir ham ko'zlarimga katta ko'rindi. Men hamisha dengiz va tog'larni izladim. Xayolimda moviy dengizlarga sho'ng'ib, hovuchlarimni marvarid chig'anoqlarga to'ldirib chiqaman. Chig'anoqlarni qulog'imga tutsam – dengiz g'uvillaydi. Tuyg'ular tiniqlashadi, orzular balandlashadi. Soatlab dengizlarga tikillardim, qirg'oqqa urilayotgan to'lqinlar shovullaydi, zarrin-zarrin tomchilari ko'kka otildi. Osmon va yerning rangi qorishib ketadi. Ochiq dengiz. Kemada olis-olislarga yo'l olaman, to'rt taraf suvlid. Dengizga tutashib ketgan cheksiz ufq. Shamollar qanotidasan. Qu-o'xshaydi.


Men shunday lahzalarda vaqt ni bir zumga bo'lsa-da to'xtatsam deyman. Chunki qu-yosh dengizga cho'kib ketishini istamayman. Ko'zimni yumaman. Qo'lida quyosh – olmani ushlab turgan bolaga aylanaman. Ko'zimni ochaman – tog'larga ko'tarilaman. Chayqalib turgan dengiz bo'yida salobatli tog'lar qad kerib turadi. Cho'qqilar – chorlovday. Parqut bulutlar – uchar gilamlarim. Quyoshda erib ketmaydi, shamollar to'zg'itolmaydi. Ularga o'tirib ola-man-u, dunyonи aylanib chiqaman.

Dengiz shu qadar qudratli, tog'lar viqorlik! Bolalik xaritasida bu suvratlar hamon o'chmay turibdi – yuragimga chizib qo'yanman. Ularni hech qachon o'chirmayman.

## ILK SHE'RIM

**B**olaligimdan kitob, daftar, qalam va ruchka, o'quv qurollarini uyda – botamning qo'lida ko'rganman. Otam kun bo'yи maktabda dars berib, uyg'a qaytganida, ertalab yana shular bilan maktabga ketayotganida barining hidlari dimog'imga urilib ketardi – kitobning, qalamning, daf-tarning hidlari... Otang kechasi bilan ertangi kunga – yangi darslarga tayyorlanadi, yozadi, o'qyidi, kitob varaqlaydi, derdi onam. O'sha paytlardan boshlab, murg'ak yuragimda bilimga, mutolaaga, she'r yodlashga, shu asnoda she'riyat, adabi-yotga mehr qo'yanimni shu kungacha, ayni paytlarda ham teran his etganman. Bu mehr, bu tuyg'u umrimning so'ngiga qadar sobit qolishiga ishonaman.

Tuman markazida yashaganimiz uchun uyimizga yaqin, o'sha davrda ham, bugungi kunda ham tumandagi eng old maktab – Pushkin nomidagi maktabda tahsil oldim. Ayni



paytda 1-o'rtalim maktabi deb yuri-tiladi. Bu maktabda bir-biridan bilimdon, fidoyi va mehribon o'qituvchilarimizdan ta'limgarbiya oldim. Ular haqiqatdan ham o'z fanining bilimdoni edilar, o'z kasbi bilan faxrlanar, sevar edilar. Bu xislat mening muallim, shuning barobarida uzoq yillar maktablarni boshqargan rahbar otamda ham mujassam edi.

Adabiyot, tarix, jo'g'rofiya va rus tiliga katta qiziqish va muhabbat bilan qaradim. O'sha paytda ham, hozir ham tuman gazetasini binosi tuman rasmiy idoralari qatorida maktabimizga bir qadam joyda joylashgan edi. Katta tanaffuslarda agar bitta she'r yozgan bo'lsam ham, sinfdosh qizlar bilan yugurib borib, tahririyatga tashlab kelardim. Bola bo'lgan-manda, qiziqqanman!

– Xuddi mana shu yillar, – degan edi suhbatlarimizning birida to'qson yoshni qoralayotgan tumanimizdagi muhtaram shoir ustozimiz Abdumurod ota Ismatov, – hozirgi "Payariq hayoti" gazetamiz qoshida ochilgan "Chashma" she'riyat to'garagi o'z ichiga yosh va umidli shoir, shoiralarni qamrab oldi. Shu to'garakkha kelayotgan, qo'shilayotgan ijodkorlar bizni ham quvontirar, oyda bir marotaba ularning ijdidan namunalarni sahifalarga to'ldirib, o'quv-

chilarga taqdim etardik. Bu o'rinda, ayniqsa, eng yaqin do'stim, ham shoir, ham dorishunos, bag'rikeng va bilimdon inson rahmatli Ziyodulla Nurmatovning nomini alohida tilga olmoq-chiman. Ziyodulla do'stim tumandagi katta dorixonani boshqarsa ham, vaqt topib, albatta, to'garakka kelardi, kechikmasdi, kerak bo'lsa, tumanning uzoq-yaqin qishloqlaridan keladiganlarni kutib, keyin to'garakni boshlardik. Bizda intizom va ichki madaniyat kuchli edi.

Ustozning so'zlarini meni olis va jo'shqin damlarimga, o'quvchilik davrimga yetakladi. Men she'rلаримни мактаб partasida o'tirib yoza boshlagan bo'lsam, onamga bag'ishlangan ilk she'rim shu gazetada 7-sinfda o'qib yurgan paytlarimda chiqqan. Chindan ham to'garakka juda ko'plab qiziquvchilar o'z mashqlari bilan kelishar, har kim hayajon bilan she'rларини o'qir, so'ngra fikr va mulohazalar bildirilar, maqtovni ham, kamchiliklarni ham diqqat va hurmat bilan tinglardik. Bir so'z bilan aytganda, to'garak xonasi ijod ruhi bilan nafas olardi. Shu yerda ko'plab shoira va jurnalist do'stlar orttirdim: Omonoy Rabbimova (marhuma), Jibak Ahadova, Saodat Donoboyeva, Kubarro Allayorova (marhuma), Saodat Umirova, Tamara Islomova, Marvarid Mardiyeva... Shu to'garakda ilk she'rларim va maqolalarim o'z bahosini oldi, chop etildi. Birinchi she'rim onamga bag'ishlangan bo'lsa, birinchi maqolam otam haqida so'z edi...

### ONAMNING MAKTUBLARI

**M**en sizni hamisha tirik deb o'ylayman, ona. Ko'z o'ngimdan ketmaydi – yetmishdan osh-quvonch-u azoblaridan ajin tortgan nurli umr yo'llarini yoritib turgan ko'zlariningzidagi goho baxtli, goho munqli shu'lalar... Ular shu damda qalamimdan emas, kiprigimdan to'kiladi, oppoq qog'ozlarga emas, yuragimning tubidagi dostoniga aylanib boradi.

So'zlarim tugamaydi, tugatolmayman, onajon, jonom onam!.. Qo'limda xatlaringiz. Siz ularni menga Moskvada Adabiyot institutida o'qib yurgan kezlarim Samarqanddan Moskvaga (1980–1985 yillarda) yo'llag-



Ruhingiz hamisha shod oxiratingiz obod bo'lsin, onajon!

ansiz. Men ularni avaylab-ardoqlab saqladim, hamon saqlab kelmoqdaman. Buni eshitib, qanchalik quvonib: "Saqlab qo'y. Yo'qotma, meni sog'insang, o'qib turarsan", – derdingiz. Ulami siz yonimda, hayot paytingiz qo'lga olish, o'qish quvonchi boshqa ekan-u, endi siz yo'qotganimda qo'lga olish, yana o'qish, o'qiganda ham har bir so'zni bitta-bittalab o'qish armoni boshqa ekan. Buning azobiga kim yetsin, kim yetibdi, onajon!..

Maktublarining qalbingiz qo'ri, ko'zin-giz nuri, qo'llaringizning issiq tafti keladi. Shuncha yillar o'tsa hamki, qog'ozlar, harflar, xatjildar sarg'aymabdi – toza va tiniq. Ulami ko'zlarimga surtib-surtib, asta-asta, qayta-qayta, varaqma-varaqma o'qishdan charchamayman. Ularda sizni ko'raman, siz bilan suhablashaman. Siz bilan birga yuraman. Ula – maktublarining menga sizning tirikligizni aytishadi, men ularga ishonaman, onajon!

Onajon, mehringiz to'kilib turgan maktublarining bir umrga meniki, menga atalgan hayot tuhfasi, quvonchlari. Onaning farzandini sevishi, bu muhabbatni farzand ham har bir daqiqada his etib, sezib turishining o'zi hayot, hayotga muhabbat, baxt!

Sizning barcha yaxshiliklarining bugungi kunda ham, bundan keyin ham yo'limni yoritib turadi albatta. Negaki, yaxshilikdan yaxshilik tug'iladi. Onalar bu dunyoda ham, u dunyoda ham farzandlariga, dunyodagi jamiki odamlarga faqat ezzulik istaydilar. Siz ham mening ezzuligimsiz, onam, mehribon onajonim! Sizning maktublarining qalbingizga hali ko'p qaytaman, ko'p so'zlar aytaman.

Ruhingiz hamisha shod oxiratingiz obod bo'lsin, onajon!

### OTAM HAQIDA SO'Z

**O**taming oddiy va zahmatli, og'ir va sharaflı mehnati har qanday ta'rif, tahsin va minbarlardan ulug'dir. Chunki otam singari fidoyi o'qituvchilar ezgu yo'lda ter to'kadilar. Xalq bolalarining qo'liga qalam tutishni, ilmning ilk va eng zarur, mashaqqatli mehnati evaziga dunyoga keluchi jarayonni boshidan o'tkazadilar. Har bir o'quvchining bilimi va bilimiga munosib qo'yilgan har bir baho uchun ma'suldirlar.

Otam bosib o'tgan qutlug' hayot yo'liga nazar tashlar ekanman, dunyodagi eng mehnatkash va halol, insonparvar xalq deganda o'qituvchilar ko'z oldimga keladi. Negaki, ular o'zlarining chekayotgan zahmatlariga, uyqusiz tunlari ga tama qilmaydilar. Unvonlar, nishonlar va mukofotlarning ortidan quvmaydilar. Aksincha, mana shu sharaf va e'zoz ularni izlab topadi. Chunki ular har qanday sharoitda o'z vazifalarini vijdongan bajaradilar. Shu sababdan ularni xalq har qanday joyda topib oladi. Xalq muallimlarni nishonsiz ham, unvonsiz ham sevadi va ardoqlaydi. Chunki shu o'qituvchi uning ko'zini ochdi va yorug'lik sari boshladи. Shuning uchun ham o'qituvchilarga eng olyi mukofot – xalq mehri va hurmati nasib etgan.

Mening otam ham shunday o'qituvchilardan biridir. Otam bosib o'tgan nurli ilm va hayot yo'liga nazar tashlasam, tumanimizning katta qismida uning nomini hurmat bilan tilga olishadi. Bular – otam bilan birga ishlagan, o'sha paytdagi yosh o'qituvchilar, sobiq o'quvchilari va hatto ularning farzandlari ham... Men har bir lahzada bu odamlarning otamga nisbatan ehtirom tuyg'usini his etaman, inson uchun xalqning hurmatiga sazovor bo'lish, undan beminnat e'tibor topishdan ham yuksak baxt bo'lmashigiga ishonaman. Otam doimo halol va mehnatkash bo'lishni o'rgatib keldi.

Oilamiz haqida so'z ketsa, unda aziz onajonimning o'mni ulkandir. Chunki onajonim otamning ko'p yillik umri maktab ostonalarda o'tganida hamnafas va ko'makdosh aytaman.



bo'ldi. Bir umr farzandlar tarbiyasi va oila tashvishlari, quvonchlari bilan yashadi. Otam – Barot Suyundiqov va onam – Muxtasam Suyundiqovalar qirq yildan ziyod umr dovonlaridan birgalikda oshdilar.

Biz oilada olti nafar farzandmiz. Bar-chamiz otamiz va onamiz bergan tarbiya va ta'limdan bir umrga minnatdormiz. Negaki, ular bizga mehr-muhabbatli, oqibatli, o'z oilasi va farzandlariga sadoqatli bo'lish lozimligini uqtirdilar, oilani yanada mustahkamlashda ota-onaning roli, vazifalarini anglatib keldilar, ularning hayot yo'llari biz uchun hamisha katta maktab sanaladi.

Otajon, Siz umringizning qirq yildan oshig'ini maktabga, ma'rifatga bag'ishladiginiz. Imonim komilki, necha-necha avlodlar ongida siz yoqqan ilm chirog'i o'chmaydi va ular sizni doimo hurmat-ehtirom bilan ustoz degan muborak nom ila tilga oladilar. O'qituvchilik kasbi mening ham qonimda bor, bu – sizdan o'tgan, ota. Shoortabiatlik esa balkim onamdan yuqqandir... Chunki men bolaligim, yoshligimdan to bugungacha onamning ajoyib o'tli xotiralarini, eslarida qolgan xalq qo'shiqlari va she'rларини hayajon bilan eslayman, ulardan olam-olam zavq va ma'no uqaman.

## TALABALIK - KATTA MAKTAB

**M**aktabni bitirgan yilim (1974) hozirgi O'zbekiston Milliy universiteti Tarix fakultetining kunduzgi bo'limiga hujjalarni topshirganman, 1 ball yetmay, mandatdan o'tolmaganman. Bilimimga shu qadar ishonganmanki, meni Toshkentga olib kelib, yaqin do'stining oilasinkida imtihonlarni topshirguncha turadi, deb kutgan otam qaytgach, imtihon komissiya singa kirganmiz, tekshirtirganmiz. Inshodan "4" olgan ekanman. Hech esimdan chiqmaydi – ikkita imlo xato chiqqan. Komissiyadagilar yo'llanma beramiz, agar Toshkent to'qimachilik kombinatiga ishga kirsa, kechki o'qishga qabul qilamiz, deyishgan. Otam "Ish o'zimizdayam topiladi", deb uyga, Payariqqa qaytganmiz.

Birinchi kasbim – matn teruvchilik bo'lgan. Otam meni o'rgansin deb tuman xalq bo'limidagi ortiqcha turgan mashinkalardan birini bir haftaga so'rab olib kelib, uyda yozishni o'rgan, degan. Men nimani yozaman, desam, onam, "She'rlaringni ko'chir", degan. Otam bir to'plam arzon sariq qog'ozdan sotib olib kelgan. Bir hafta deganda yozishni o'rganib, ko'chirganlarni tuman gazetasiga o'zim olib borgan va respublika nashrlariga berpocta orqali jo'natganman. Bu ish menga matn ko'chirish – sevimli mashg'ulotim.

Shunday qilib, ilk ish faoliyatimni tuman xalq ta'limi bo'limida matn ko'chiruvchi sifatida boshlaganman. Ikkinci yil ham yana o'sha universitetga, o'sha fakultetga imtihon topshirganman. Lekin yana mandatdan o'tolmadim. Qattiq xafa bo'ldim, ehtimol, bu yil otam oldida ovoz chiqarolmay, ichimda yig'la-

Talabalar shaharchasidagi tamaddixonalarning birida ovqatlanib bo'lgach, otam menga "Yur, bir joyni ko'rsataman senga", degan. Bu – universitetga yaqinroqda joylashgan o'sha paytdagi Toshkent madaniyat

texnikumi ekan. U yerda ham o'qishga qabul jarayonlari ketayotgan payt. Otam: "Shu yerga kutubxonashunoslik bo'limiga o'qishga kirasai Imtihon topshirishing shartmas. Universitet o'zbek tilidan rus tiliga so'zma-so'z tarballari, imtihonlari – tarix va adabiyot fanidan – yetarli, o'tadi", – degan.

Ikki yil davomida kitoblar, kutubxonalar bilan chambarchas bog'landim. O'quv dargohin a'lo darajada tugallab, she'rlarim ham respublik matbuotida tez-tez chiga boshlagan kunlarning birida nutq madaniyati o'qituvchimiz Mayjuda opa Valiyeva: "Oygul, Yozuvchilar uyushmasiga olib boraman seni. Tadbirlarga qatnashasan, u yerda katta shoir va shoiralalar, yozuvchilar ishlaydi. She'rlaringni ko'rsatamiz", – deganlari da boshim ko'klarga yetgan. Metroning hozirgi Amir Temur maydoni bekatidan chiqqan joyda Uyushma binosiga olib borgan va O'zbekiston xalq shoiri ustoz Turob To'la huzuriga kirganmiz. Mayjuda opa meni shoira o'quvchim deb tanishtirgan. Keyinchalik ustozning she'rlarim xususidagi fikrlari "Sharq yulduzi" jurnalida she'rlarim bilan birga berilgan.

O'qituvchim Mavjuda opa meni juda yaxshi ko'rardi, adabiyotga, she'riyatga ixlosi baland edi. Bir kuni "Yana Uyushmaga boramiz Ajoyib, kutilmagan yangilik bor", deb qoldi. Ustoz Turob To'la bilan suhbatga olib borgan edilar o'shanda. Ustoz rus tilini qay darajada bilishimni so'radilar. Men bu tilni boshqa fanlar singari o'qituvchimiz Olga Zaxarovna Makarovadan qunt bilan o'rganganman. Butilda ravon o'qish, xatosiz yozish, badiiy gapi, rishta harakat qillardim. Maktabni a'lo baholarga muvaffaqiyatl tugalladim. Shu o'rinda onamning bir gapi – aslida, bu tarbiya edi, – sira yodimdan chiqmaydi: "Yaxshi o'qinglar, a'lo o'qinglar. Bo'limasa, otangiz ham o'qituvchi, ham mакtab direktori bo'la turib, boshqa bolalardan yaxshi o'qishlari kerakligini qanday chiqardik. Moskva-rekada sayr etish maroqli edi, hayajonlantirardi. Ermitabda ham, texnikumda ham, institutda ham muallimning qizi edim!"

O'sha paytda Uyushma tomonidan yo'llanma orqali Moskvaga, Gorkiy nomidagi Adabiyot institutiga yosh ijodkorlarning ijodlaridan namunalar o'zbek tilidan rus tiliga so'zma-so'z tarjima yoki badiiy tarjima tarzida yuborilar, o'sha yilgi (1980) tanlovda mening ham she'rlarim yaxshi baholar olib, imtihon topshirish uchun Moskvaga chaqirildim.

Universitetning jurnalistika fakulteti sirtqi bo'limiga kirish uchun (otamning so'zini ikki qilolmay) imtihonga tayyorlanib turgan kezlarim bu xushxabar meni osmonlarga chiqarib qo'ydi. Samarqandga, uyga uchdim! Otam ham, onam ham, butun oilamiz uchun bu xushxabar bayramga aylanib ketdi.

Imtihon juda yengil va oddiy o'tgan: diktant, rus adabiyotidan – Pushkinning "Men sizni sevardim" she'rinif ifodali tarzda ham asliyatini, ham o'zbek tilidagi tarjimasini yoddan o'qib bergenman; tarixdan – Samarqand haqida bilganlarimni aytganman. Asosiy imtihon – ijodiy tanlov edi.

Besh yillik talabalik yillarim she'rlarimga, yurt sog'inchiga, ilk kitoblarimga aylandi. Institutda katta va bilimdon, tajribali va ustoz shoir-yozuvchilardan yuksak saviyada bilim oldik. Biz – yosh ijodkorlar, shoiralalar, yozuvchilar, dramaturglar, tarjimonlarning yuragida ulkan Adabiyot degan so'z yashardi, mana shu so'zning qudratini bizni bir-birimizga, millatimizdan qat'i nazar, do'st etdi, shoir qildi, adib dara-jasiga yetkazdi.

Biz – kursdoshlar tez-tez mashhur va sevimli Yasnaya Polyana, Petrograd chi, ham mакtab direktori bo'la turib, boshqa bolalardan yaxshi o'qishlari kerakligini qanday chiqardik. Moskva-rekada sayr etish maroqli edi, hayajonlantirardi. Ermitabda ham, texnikumda ham, institutda ham muallimning qizi edim!

jni aylanish – dunyoni aylanish, anglash, his etish edi, aslida. Moskva teatrлari, muzeylar, kutubxonalaridan imkon qadar babra olib qolishga, zavqlanishga, o'rganishga intillardik. Institutda ulug' so'z ustalari bilan o'tkazilgan har bir adabiy kecha, uchrashuv, suhbatlar hamon yodimda.

O'rmonlar tabiatning har bir faslida shu qadar go'zallashar ediki, bu chiroyni faqat ko'rish, his etish, shamollar, xayollar bilan birga kezish kerak edi. Bunday paytlarda qo'limizdan faqat hayrat og'ushida she'rlar yozish kelardi, xolos.

Ayniqsa, kashtanlar gullaganda Kiiev shahring betakror go'zalligi, sarxush havosi barchamizni hayratga solgan. Urush ko'rgan joylar va yodgorliklarni ziyyarat qilganmiz, Dnepr daryosida paroxodda suzish, to'lqinlar mavjilari, shovullahi unutilmas taassurotlar uyg'otgan. Talabalik yillari unutilmasligining muhim jihat – u yoshliging bag'rida kechadi. Yoshlik esa – umrning betakror va bebafo gulgun davri. Sen una bolaligindan dilbar orzular ila intilib yashaysan. Umring o'tgani sayin yoshlik sog'inchи tiniqlashib, ulkanlashib, seni yorug' xotiralar sari yetaklaydi, yuraging to'lqinlanadi, tuyg'ular yolqinlanadi. Yoshlingning har bir lahzasi ich-ichingdan ko'kdan to'kilganday sochiladi, tovlanadi. Sog'inch – hamisha go'zal!

## TARJIMA – BESARHAD SAN'AT VA IJOD

**M**en tarjima olami bilan institutda o'qib yurgan birinchi kunlarim, birinchi yilla rimdanoq tanishganman. Bugungi kunga kelib, tarjima men uchun ijod dunyosiga aylandi. Tarjima, aslida, kitob mutolaasidan tug'iladi. O'qisan, uqisan, ruhingda, qalbingda, qalamingda shunday olam yaraladiki, sen undan umrbod ayrla olmaysan. Bu menda shunday kechdi, hali-hanuz shunday kechmoqda.

Tahsil davrida institut kutubxonasidan Aleksandr Blok, Anna Axmatova, Marina Svetayeva, Nikolay Gumilyov kabi ko'plab kumush asr she'riyatining asl namoyandalari olamiga kirib bordim. Ilk tarjimamda Aleksandr Blok she'rlariga qo'l urganganman. Yuqorida tilga olganim – rus shoirlari qatorida Ariadna Efron (Marina Svetayevanining qizi), O'rxon Pomuq, Leonardo da Vinchi, Ivan Bunin, Sergey Yesenin, Lev Tolstoy dars bo'lgan. Onam aytganidek, men chinakam muallimning qizi edim!

(bolalarga atalgan hikoyalari), Gogol maktablari, Mixail Prishvin, Avetik Isaakyan, Konstantin Paustovskiy, Aleksandr Kuprin singari juda ko'plab rus va jahon adabiyotidan qilgan va bugungi kunda ham davom etayotgan tarjimalarim "Jahon adabiyoti", "Yoshlik", O'zbekiston adabiyoti va san'ati", "Adabiyot ziyosi", "Sharq yulduzi" kabi nashrlar, adabiy to'plamlar va "Ufqlar yonganda" (1986), "Umr kuylari" (1986), "E'tiqod" (1990), "Zumrad tomchilar" (2013), "Ko'nglim kengliklari" (2019), "Sevinch" (2021) kabi she'riy kitoblarimga kiritilgan. Ayniqsa, "O'zbekiston" nashriyoti tomonidan chop etilgan "Rus adabiyoti durdonalari" seri-yasidagi 100 jildlikning o'nga yaqin kitoblarida deyarli barcha tarjimalarim (she'riy va nasriy) joy olgani men uchun sharafdir, quvonchdir.

Ehtimol, ummonning tubi bordir, yerning ham chegaralari mavjuddir, hatto osmonning ham oxiriga yetib borib bo'lar, lekin tarjima - besarhad san'at va ijod. Biz unda nafaqat boshqa mamlakat va xalq, qolaversa, ularning tabiat go'zalliklari, tili, odamlar hayoti, tarixi, buguni bilan yuzlashib, jozibasi va sehr-u sinoatlariga singib boramiz, balki, eng avvalo, o'zimizda yangidan-yangi ruhiyat kengliklarini kashf etamiz.

Dunyoda yagona tarjima xaritasi mavjud emas. Chunki har bir millat va xalq o'z imkonni, e'tiqodi va iste'dodi darajasida tarjima bilan shug'ullanadi. Tarjima quvvatini aniqlashda tarjimon qobiliyati, darajasi, saviyasi nihoyatda muhim o'rinnegallaydi. Deylik, biron bir asar ikkinchi tilga asl nusxasiga nisbatan bo'shroq ag'darilgan bo'lsa, bu tilning yoki asarning qusuri emas, aksincha, tarjimonning uquvsizligidan darak beradi. Shu bois har bir tarjima asarining muvaffaqiyati tarjimonning iste'dodi bilan belgilanadi.

Badiiy tarjima badiiy ijoddir. Tarjimon mavjud asarga yangi hayot bag'ishlaydi. Asliyat bilan tarjima o'rtaida farq kamroq sezilganda, ko'ringanda, agar maxsus ko'rsatib, aytib o'tilmasa, tarjima ekanligi bilinmaydigan asarlar

jahon, xususan, o'zbek tarjimachiligidagi ko'plab uchraydi. Bu tarjimonidan katta mahorat talab etadi. Tarjimon ham shoir yoki adib, lekin u o'zga tildagi muallif asari bilan ishlamoqda, to'g'riroq'i, u bilan birga yashamoqda.

Tarjimon hamisha eng yaxshi kitobxon bo'lib qolishi zarur. Shundagina asliyat ham, tarjima asari ham birday ahamiyat kasb etadi ular egizakdirlar; birini ikkinchisidan baland qo'yib bo'lmaydi.

### UMR YO'LI KITOBDIR

**U**mr yo'li kitobdir, uning ijodkori ham, qahramoni ham, joni ham, qoni ham - o'zing. Har bir lahzang - So'z; sen bilgan har bir inson - tirik dunyo: shu insonlar bilan o'tgan har damning va suhbatlaring - saboq. Sen tug'ilib o'sgan ota uying, oilang, farzandlaring - dunyoda bandan ortiq Baxtning o'zi yo'q. izlama! Shu oilangda yasha, uni tingla va sev, nasib etsa, uning, ya'n hikmat ikki dunyo saodatiga olib boradi.

Uzoq yillar tumanimizdagagi maktablar dan birida o'qituvchilik qilishimga ham otam sababchi bo'lgan. Men institutni bitirib kelgan yilim otam-onam roziligi bilan ularning ko'ng' idagiday oilaga kelin bo'lib tushdim. Toshkentga borib yashash va ishlash rejalarim qolil ketdi... Hech bo'lmasa, tuman gazetasida ishlash deb harakat qilayotganimda, otam-onam ishlash qurgan suhbatlarimizda: "Qizim, gazetada ishlash - yaxshi, mutaxassisliging bor, ijodkorsan shoirasan. Lekin uning mashaqqatlari bor. Endoilalisan. Tuman katta. Jurnalist bo'lganiningdan keyin olis-yaqin qishloqlar, xo'jaliklarga borib odamlar bilan uchrashib, maqolalar tayyorla-shing kerak. Yo'llari seni charchatib qo'yadi, deb o'ylayapman. Qiynalasan. Transport ham hamisha o'ng'ay kelmaydi. Kech qolib ket-sang, oilang ham xavotir oladimi, deyman-dasang, Uylaringning yonida, bir qadam joy, maktab bor, shu yerda dars bersang ham bo'ladi..."

- degandi otam. Onam ham otamni qo'llab-quv-



vatlagan. Men ikkalasiga ham har tomonni o'ylab, e'tiroz bildirolmadim. Otam to'g'ri yo'lni ko'rsatdi, deb qabul qildim va kelin bo'lib tushgan joydagi maktabda rus tili va adabiyoti, o'zbek tili va adabiyoti fanlaridan o'quvchilarga dars berdim. Ijodimni to'xtatmadim. Tuman, viloyat, respublika matbuotida muntazam qatnashib turdim, ijodkor o'qituvchilarning Sirdaryo, Farg'onha va Toshkentda bo'lib o'tgan anjumanlarida ishtiroy etdim; bu orada kitoblarim Toshkentda chop etildi.

1999-yili oilamiz bilan Toshkentga ko'chib kelganimizda hayotimning mazmuni va quvonchi - uch qizim tug'ilib, voyaga yetishgan edi. Nafaqaga chiqqunga qadar "Saodat", "Sog'lom avlod uchun", "G'uncha" jurnallari, G'afur G'ulom nomidagi nashriyotda, nafaqadan so'ng esa - Qibrayda hovli-joy qilib yashab qolgan suhbatlarimizda: "Qibray sadosi" gazetasida ko'p yillar faoliyat ko'rsatdim. Toshkent adabiy muhiti menga O'zbekiston xalq shoiri ustoz Oydin Hojiyeva bilan birga ishlash, saboqlarini tinglash. O'zbekiston xalk shoiri ustoz Halima Xudoyberdiyeva va Zulfiyaxonimning qizi olima Hulkar Olimjonovaning suhbatlarini olish baxtini berdi.

Bolaligimdan to hozirga qadar otamday tog'im, onamday bog'im, sadoqatli do'stlarim

- kitoblarim bilan baxtliman. Otam davrida kitoblardan tashqari uy kutubxonamizda "O'qituvchi" gazetasi va "Fan va turmush" jurnali taxlanib turardi. Bu nashrlarga otam nafaqaga chiqqanlaridan so'ng ham obuna bo'lardi. Biz ham ularni qiziqib o'qirdik. Ehtimol, o'shanda kitobga mehrim va hurmatim yuragim tubidan joy olgan, vaqt-soati kelib, o'zimning ham shaxsiy boy va juda katta kutubxonam bo'lishini orzulagandirman...

Boisi, kitob - quyosh! U hamisha shuuriyimni yoritadi, ko'nglimizni poklaydi, ruhiyatimizni kengaytiradi. Har bir so'z va satrlarda yurak haroratlarini sezamiz, hayotga muhabbat, dunyoni ko'rish saodatiga musharrif bo'lamiz. Yaratilgan va kelajakda yaratiladigan texnikaviy g'aroyibot va ajoyibotlarning onasi ham, otasi ham bilim va kitobdir. U bizning sadoqatli va sevimli do'stimiz. Undan hamisha hayratlanamiz, o'rganamiz, mehriga tashnamiz. Chunki u bizga hayotning ilk ashulasi - alla kabi onamizning tillaridan umrimizga to'kilgan. Biz uni farzandlarimiz, avlodlarimizga yetkazishdan ilhomlanib yashayotirmiz. Kitoblar birinchi o'rgangan harfimizday ardoqli, shu harflarni o'rgatgan mukarram ustoz. U - aytib ado qilmas ertagimizday go'zal.

Talabalik va o'qituvchilik davrimda ko'proq kitob yiqqanman, hozirgi kunda ham kutubxonanni boyitib borish kundalik ishim, ehtiyojim. Bir so'z bilan aytganda, bolaligimdan menga kitoblar, qalam, she'riyat, ijod deb atalmish ne'mat nasib etganiga benihoya shukronalar keltiraman. Xuddi shu shukronalik - cheksiz baxtim, umrim go'zalligi.

Kitob ertangi kunimizning sahifalaridir. Ularni biz va avlodlarimiz yozayotir, yozajaklar. Bu ta'riflarning adog'i ko'rinxaydi. Shubhasiz, adabiyot sahni keng, uqlari cheksiz, bog'lari tarovatli, tog'lari osmono'par, daryolari shiddatkor, shamollari uchqur. Shunday olam aro olam-olam kitoblar yaratilayotgan ekan, ularning o'quvchisiga aylanaylik. Kitob o'qiylik, ko'proq va hamisha o'qiylik!



Qo'limda bobomdan tug,  
Qiz boshimga mardona...

## NAZM

\*\*\*

Kuz edi, barglarga singdim sarg'arib.  
Kuz edi, xazonday to'kildim chog'i.  
Kuz edi, yo'llarim yo'lidan toyach.  
Kuz edi shamolga ochiq quchog'im.

Kuzgi osmonlarga boy berdim seni.  
Tugadim. Boshlandi qiyomat-qoyim.  
Qo'llaringdan tutib qaytmochi edim.  
Qo'llarimni sensiz qo'ydi Xudoyim!

Kuz edi, men senga singmoqchi edim

## Metroda

Aprel hislariga hamohang bo'lib,  
Bo'ynimda ro'molcham raqs tushayot.  
Hislarim yomg'irdek ko'zimga to'lib.  
Nigohim kimnidir, o, xushlayotir.  
U kimir,  
boshidan oyog'i ishq - may.  
U kimir, ko'zimga sanchib o'tdi nish.  
Hatto o'zi bilmay, o'zi ham sezmay.  
Ko'nglimga muhabbat solgan notanish.  
Ichimda g'alayon, savash boshlandi.  
Bu nima, koyishmi, urishmi, ohmi?  
Bir bekat odamday yashash boshlandi.  
Bir bekat odamday sevsam, gunohmi?  
Bilmadim,  
jim keldim,  
qilolmadim ahd,  
Sezmadi, ko'zlarim yoshlanganini.  
Bilmadi, yonida turganini baxt.  
Bilmadi, bir bekat yashaganimi...

Engasheda

2005-yili Farg'ona viloyatida tug'il  
gan, 7-15-yev nomidagi Davlat mukofoti  
lliy universiteti

## "Sabbayi sayyor"ni o'qib

(Turkum)

1.

Osmon -  
Yig'isi qotgan bulut,  
Oxiri ko'rinas sel.  
Va bunda haydalgan Lut<sup>1</sup> -  
Ko'zлari boylangan el.

Bunda sham edi Yusuf,  
Parvonadir Zulayho.  
Ikkisi ikki xil yo'l-u,  
Biri - shoh, biri - gado.

Bir tanga sig'mas ishq-u,  
Iztirob, sitam, davlat.  
Nega sevding, Dilorom?  
Davlat edi bu savlat.

Yoki Majnuniy ishqdir,  
Va lek yetmoqqa kech ham.  
Axiysi yo'q qavmning  
Farruxi bo'lmas hecham.

Bunda kim qalb zargari,  
Yana aytsin, kim qallob?  
Har yonim yaltiroq so'z,  
Har yonimda Zayd Zahhob!

Nahot men anglamadim,  
Sof deb bilgandim taxtni.  
Xato qilmadimi el,  
Podshoga mengzab baxtin?

2.  
Osmon.  
Yetim qiz. Ko'z yosh.  
Toshlar yorilmagan mish.  
Hali o'smagani Barchin,  
Tug'ilмаган Alpomish!



Hali yozilmagan she'r,  
Surilmagan bir xayol.  
Hali xastahol shoir,  
Hali o'lмаган ayol!

Barini unutgan qiz,  
Baridan un kutgan qiz.  
Ko'zларини jim yumib,  
Baridan un yutgan qiz.

Ertakka ishonganman,  
Ertakning murodi bor.  
Senga rahmim keladi,  
Hali topilmagan yor.

Bitta qurban men emas,  
Axir, yelmagan yelmiz.  
Quvonchi mayda-mayda,  
Ko'zyoshi butun elmiz.

Osmon.  
Yig'isi qotgan bulut.

<sup>1</sup> Lut alayhissalom qissasiga ishora.

# Ulkan qanotli qiz

Yozuvchi Mohira Eshpolatovaga maktub



Alisher FAYZULLAYEV

1988-yili Navoiy viloyatida tug'ilgan. O'zbekiston Milliy universitetining Jurnalistika fakultetini bitirgan. "Ajdar sayyorasi" nomli kitobi nashr etilgan. Amerikalik arman yozuvchisi Ulyam Saroyanning "Daho" nomli hikoyalari to'plamini o'zbek tiliga tarjima qilgan.

Mohira,

anovi qanotli gapni eshitgan bo'lishing kerak: "Hamma yo'llar ga o'xshaydi. Sen dashtni bahordagi ahvolini yaxshi bilasan, hut oyod ko'tarib, uzoqdan hamal ko'rina boshlaganda, dasht yomg'ir-u pistoga to'ladi. Urug'dan yangi ungan maysalar dashtning keyingi tappoti-yu oftobini xayoliga keltirmay g'ujg'on ko'tarilib kelaveradi. O'sha oriq-semiz, shoir-yozuvchi. Biz hali o'sha maysalardan nariga o'tmadik, ildizlarimiz nimjon - yozayotganlarimiz, da'voyimiz ham Agar o'zimizni bu issiqsovudan toblamasak, mehnatda pishmasak - quriymiz.

Ha, mayli, bu gaplarni ortiqcha dema – boshidanoq shundan gapirganim uchun g'ashing kelmasin. Bu – ko'proq o'zimga aytgan so'zim, faqat o'rtaqa seni qo'shdim, o'zimning ham tishimga toshdek tegmasin, deb.

Katena – ildizga qaytishga urinish. Avlodlar o'z ajdodlari yelkasiga chiqib osmon toqiga qo'l uzatadilar (sen ham, umuman, hammamiz shundan yoza boshladik), shu bois har bir ijod kor o'z ildiziga nazar solishi – yaxshi jarayon. Bundan Katena ga o'xshagan esse-maktublar yaraladi. Ehtimol, aslida, bu ham kamdir, romanlar yozishing kerakdir.

Kitob nom olgan alohida hikoya: "Qirq birinchi kun". U o'zida evrilish unsurini jo etgan. Nozima degan qizning umurtqasidan, mana, qirq kunki, qanot o'sib chiqyapti. Bu Markesning "Ulkan qanotli mo'ysafid" hikoyasini eslatib yuboradi, ammo Markesda mo'ysafidning qanoti avvaldan bor edi – u yomg'irli tunda bolasi betob kambag'alning yuborilisiga qulab tushadi, sening Nozimang esa "kasal". U odamning yangi evolyutsiyasi – qanotli varianti.

Voqe Nozimaning ulkan ilmiy-tibbiy markazning yettinchi qavatidagi keng oynavand xonasida katta


## MAKTUB

ko'zguga tikilib o'tirganidan boshlana-di. U yelkasida kundan-kun kattaroq bo'lib o'sayotgan qanotlariga qaraydi. Qanotlar xuddi farishtaniki kabi op-poq. Ammo qiz qanotlarni qabul qila olmaydi, bu uning uchun Xudoning ne'mati emas, aksincha, sinovi, jazosi. Bu qanotlar uni mahluqqa, o'rganish zarur bo'lgan laboratoriya kalamushiga aylantirgan.

Keyinroq uning hamshirasи, ota-onasi munosabatidan ham xuddi shu fiqr yaqqolroq ko'rsatiladi. U jamiyatdan chetlatil-

gan, nafaqat chetlatilgan, balki ixotalangan maxluqcha rolini oxirigacha o'ynashni istamaydi. Allaqachon bu holatdan zerikkan, avvalo, u uyidagilar ni sog'ingan va ularni ko'rish bu holatni o'zgartiradi, deb o'laydi. Ammo oxir-oqibat, u bu borada ham umidini uzishga majbur bo'ladi. U hammadan qochib, yolg'iz qolgachgina qanotlariga qisman ko'nikadi. Qanotlar uning oyog'ini yerdan uzadilar-u, ammo uzoqlarga olib ketmay, bir nuqtada muallaq tutadilar.

U yelkasida kundan-kun kattaroq bo'lib o'sayotgan qanotlariga qaraydi.



va shu jamiyat ichiga mixlab qo'yadi. Hikoyang zo'r. Shunaqa erkin va to'lib yozganing seziladi. Uslubingda shahar nasri nuqsi bor, odatan, sendan qishloqqa xos nimadir kutaman, negadir shunaqa. Lekin aksi bo'laveradi.

Voqealar tizimi, qahramonlar xarakteri, dialoglar yaxshi qurilgan, o'sib boryapsan. O'z tiling bor, ammo ba'zida o'sha tilni esing dan chiqarib qo'yasan. Ayrim joylarda pafos bilan yozishni boshlaysan, bilaman, quvnoq ohanga yozishni yoqtirasan va bu senga yarashadi ham, ammo pafos emas. Ba'zida esa qup-quruq. Xuddi rasmiy tilda gapirayotgandek, hujjat to'ldirayotgandek tuyiladi. Lekin sal o'tmay hammasi yana iziga tushadi.

Rosti, sen uchun xur-sand bo'ldim. Hazilakam gap emas, jo'yagina kitobing chiqdi. Bundan keyin katta nasrga harakat qil. Omadingni bersin!

Hammasing Alisher



Mohira  
ESHPO'LATOVA

1995-yili Navoiy viloyatida tug'ilgan.  
Mirzo Ulug'bek nomidagi O'zbekiston Milliy universiteti magistranti. "Olov raqsi" (2023), "Qirq birinchi kun" (2024) nomli hikoyalar to'plamini nashr etilgan. Zomin seminari ishtirokchisi (2022), "Zulfiya" nomidagi Davlat mukofoti sohibasi (2024).

# Qaytish

Hikoya

Yarim tun...  
Ramiz uyg'ondi – yomon tushidan xalos bo'ldi.  
Vaqt qay mahal bo'lganini angolmadi.

U yoqdan bu yoqqa zuv-zuv qatnayotgan mashinalarning sarg'ish-qizg'ish chiroqlari yettinchi qavat rovonidan turib ko'chaga tikilgan Ramizning ko'zlarini jimirlatar, talmovsiragan holida qorong'i tun, shah binolari, ko'cha chiroqlari, hammasi chaplanib yaxlit bir rangtasvir uslubidagi kartinadek ko'rinar edi. U "rasm"ga qararkan, qandaydir bir kuch qora o'pqon tomon tortib ketayotgandek, boshi pastga og'a boshla Miyasiga yana o'sha fikr kelib urildi: "Shu yerdan o'zimni tashlasam, hammasidan qutulamanmi? Tugaydimi shunda bu azoblar?"

Ramiz yana aloq-chaloq tush ko'rib uyg'ongan edi. Aniqrog'i, o'zini uyg'onishga majburlagandi. U suv-suv bo'lib terlab ketgan, kiyimi qilib oqib tushardi. Bezovta yuragi gupillar, havo yetmayotganday chuqur-chuqur nafas olar edi...

Baxtiga, u har kuni tush ko'maydi, ammo doim, uzlusiz bitta holatni yashaydi. Makonsizlik, kulrang bo'shliq, tinmasdan olg'a intilib yugurish. Tamom. Faqat shu. Yugurganda ham jonholatda tez, tanasini oldga tashlab chopar edi. Oldinda nimadir bor, unga yetib olish hissi buturi vujudini egallab, harakatga undardi. Ramizning xayolini "Nima bo'lgan taqdirdayam, yetib olish kerak, qo'yib yubormaslik kerak", degan o'y band etardi. Bu fikr bosimining va tez yugurishning oxiri yo'q edi. Tushda charchaganini, terlab ketganini his etmasdi. Faqat shularni tasavvur qilardi. Bu o'ylar hatto borliqdan ajralib, chuqur uyquga ketganida ham tark etmasdi. Uyg'ongachgina oxiri ko'rinnmaydigan marafon yugurishning og'ir charchog'ini his etar, tongni tushkun kayfiyatda boshlar edi. Ayni paytda u ham tanasida, ham ruhidha chuqur toliqishni sezardi. Odamlar ertalab uyqudan yashashga yangi kuch olib uyg'onsa, uning holi shu edi. Bu holga yana qancha chiday olishini ham bilmasdi.

NASR

U ikki kafti bilan boshini qattiq siqdi. Boshi og'riqning zo'ridan qo'llari orasidan otilib chiqib ketadigandek edi go'yo. Yana biroz shu kayfiyatda rovonda tursa, o'zini bir nima qilib qo'yishdan qo'rqi. Tanish raqamga qo'ng'iroq qilib gaplashdi, qisqa suhbatdan so'ng uydan chiqib ketdi.

\* \* \*

– Bir eskichaga ko'rsatib o'qitvoramizmi seni? – dedi Ramizning yelkasiga qo'l tashlab do'sti.

– Hazil ko'taradigan kayfiyatdamasman, – deb uning qo'lini zarda bilan itarib tashladi Ramiz.

– Jiddiy aytyapman.

– Shu bilan yomon tushlarimdan qutulamanmi?

– Xudo biladi.

– Naf qilmasa-chi?


– O'shanda o'ylab ko'ramiz qolganini...

Ramiz uning ko'zlariga qattiq tikildi. Nimanidir, istagani – taskinnimi, xayrixohliknimi yo shunchaki mehrnimi ko'rgach, bo'shashib qoldi. O'z-o'ziga "Bu yerda nima qilyapman?" degan savolni berdi. "Nimani eshitishni istayman o'zi, nega yarim kecha to'ppa-to'g'ri uning yoniga keldim? Nega? Shunchaki yolg'iz qolishdan qo'rqqanim uchun keldim. Ba'zan yoningda kimdir bo'lishini xohlaysan, o'zingni yo'qotgan dunyoga tun cho'ksa, o'zing bilan yolg'iz qolishdan qo'rqinchisi yo'q. U esa jon kuydirib gapiryapti, maslahatim u uchun muhim, inobatga oladi, deb o'ylayapti. Aslida, hammasi menga baribir ekanini qayerdan ham bilsin!?"

Ramizning do'sti oldida vijdoni qiyndaldi.

– Ke, buni o'tkazib yuboramiz. Yana boshqa taklifing bormi? – dedi o'zini jiddiy tingleyatganday ko'rsatib.

– O'yamaslik. Tushunmayman, nimani o'ylab, buncha parishonxotir, yer chizib yurasan. Xayolingni band qilgan, o'ylab siqilganlaring tushingga kiriyapti.



Rasmlarni Bekzod Yo'doshev chizdi.

O'ylamaslikka harakat qil. O'zi nima qiyinaydi seni? Hamma narsang bo'lsa, birovdan kaming yo'q. Oilang tinch, yana bilmadim, xotining bilan biror muammong bordir, desam, avvaldan, uylanishingdan oldin ham bu "kasaling" bor edi. Hech tuzalmading-tuzalmading-da.

- Ha, onasini emsin, sen aytganday, hamma narsam bor! Baxtsiz bo'lishga haqqim yo'q! O'zimni shunday his etishim noshukurlik! Ammo nima qilay, hayotimdan zavq va lazzatni topolmasam? Hammasi vaqtincha, go'yo og'riqsizlantiruvchi doridek. Ta'siri o'tib ketgach, yana tushkunlik, bezovtalik, tunda nihoyasiz yugurish boshlanadi. Ishonasanmi, uplashdan qo'rqib qolganman. O'lguday charchaguncha ishlayman. Jismoniy charchoq qotib uplashga yordam beradi, degan umidda! Ha, ba'zan bu ish beradi, taxtadek qotaman. Lekin qachongacha shunday davom etishi mumkin? Men ham boshqalarga o'xshab yashashdan qo'rmaslikni istayman. Tinch yotib, tinch turib, xotirjam kun kechirishni istayman... - Ramiz oxirgi gaplarining har bir so'zini chertib-chertib, qizishib gapirdi.

- Psixolog bilan gaplashib ko'rasanmi? Hozirgi yomon qovunni urug'iday bolalab ketganlaridan emas, haqiqiy professionalidan topamiz senga. Xo'sh, nima deysan?

\*\*\*

Ramiz do'sti bilan xayrashganda tong ota boshlagan edi. Avtomobillar siyrak yo'l chetidan hozirgina bo'lgan suhabatni tahlil qilib ketayotgandi. Anhor ustidagi ko'prikdir o'tayotib, tonggi salqin havoda sayr qilish fikri tug'ildi. Atrof shovqinsiz, kimsasiz, faqat ko'pri ustuniga katta kuch bilan kelib suvning urilishidan hosil bo'lgan shovullashgina eshitiladi. Anhor yoqalab ketgani sari shavur ham eshitilmay qo'ydi. Yo'lda suvgaga qarmoq tashlab o'tirgan odamga duch keldi.

- Ilinyaptimi? - deb so'radi u baliqchi yoniga kelib.

- O'zi hozir tashladim qarmoqni, - deb beparvo, biroz ensa qotirib javob berdi baliq

- Baliq bormikan o'zi bu anhorda?

- E, nega bo'lmaskan, shunaqa zo'rular borki! Qunduzlar, ilonlar ham yashaydi.

- Yaqin-atrofda turasiz, shekilli?

- Shu yerlarda. Bahor, yozda shu atrofda Sovuq tushsa, "dom"larning yerto'lasiga ko'chaman.

- Nima, muqim yashaydigan uyingiz yo'qmi hali?

- Yo'q, aniqrog'i, endi yo'q.

- Nega? Nima bo'ldi o'zi?

- Sizga nima? Yo'lingizdan qolmasangiz chi!

- To'g'ri, menga nima? Shunchaki, gap yo'g'ida gap-da buyam... Qiziq, ko'rinishingizdan ko'chada yashaydiganlarga o'xshamaysiz. Ular badbo'y, kir-chir, piyonista dunyodan umidini uzgan bo'lishadi.

Baliqchi samimiy kulib Ramizga qarab qo'ysi. Shunda bu odamning qavat-qavat ajinlari, qalin qoshlari ostidan ko'zları aql bila yonib turgani ko'rindi.

- Odamzod farovonlikning qaysidir nuqtasidan turib, har doim kunim shunday o'tadi, deb o'ylaydi. Men ham shularning biriman-da, nima qilay? Hozirgi turmushim bi vaqtlar yetti uxbab tushimga kirmagan. Ammo nolimayman. Bitta odamga kerak hamma narsam bor: uplashga joy, yeyishga ovqat, nafa olishga toza havo, erk, xotirjamlik! Vaqt o'tg'ad manaman deganlarining ham nomi yo'q bo'lib ketadiganlarmiz. Nimasiga kuyasan dunyoni to'g'rimi?

U yelkalari silkinib-silkinib kuldil. Shunda og'zida qolgan sanoqli sarg'ish tishlari ko'rindi Ramiz jirkandi. Suhabatdan keyin undan uzoqlasharkan, ostidan hushtak ovozini eshiidi Baliqchi qarmoqqa ilingan, kattaligi bilakdek keladigan baliqnari baland ko'tarib:

- Ko'ryapsizmi, bu yerda baliq bor! - dedi. Baliq baquvvat panjadan chiqishga urinib jonholatda tipirchilar, baliqchi esa butun

dunyoning egasiga aylanib qolgandek xursand, chin dildan quvonayotgan edi. Ortig Ramizga baliqchining ahvoli ham, tishsiz og'zini katta ochib kulishi ham ayanchli ko'rinasdi.

\*\*\*

Markaziy ko'chalardan birida yo'lciroq ishlamayotgandi. Uning qizil chirog'i piyodalar uchun yoniq holda qotib qolgan, betoqat bo'layotgan odamlarning ustidan kulayotgandek taassurot uyg'otar edi.

Mashinalar odamlarga o'tib olish uchun yo'l bermay, o'n daqiqadan beri ko'chaning narigi tarafiga o'tolmayotgan Ramiz asabiylasha boshladidi. Qarama-qarshi tarafidan odamlar yo'lga qaray-qaray ehtiyyotkorlik bilan kela boshlaganini ko'rgach, beixtiyor o'zi ham taraddudlandi. Shu payt kutilmaganda biroz oldinda turgan ayolning qo'lidan besh-olti yoshlardagi o'g'il bola yulqinib chiqib oldinga yugurib ketdi. Ayol chinqirib yubordi. Chap tarafidan katta tezlikda mashinalar yaqinlashib kelar, bolakay esa mutlaqo hech nimaga qaramay sakrab-sakrab yugurib ketayotgan edi. Ramiz oniy lahzada yaqinlashib kelayotgan xavfni sezdi va bolaning ortidan otildi.

U mashinalar, odamlar, hatto o'zini ham batamom unutgandi. Ramiz oldinda yugurib ketayotgan bolanigina ko'rardi. Hamma narsa xuddi azaliv takrorlanuvchi tushidagidek edi, ammo muhim bitta farqi bor edi, bu - obyektning aniqligi. Bolaning ortidan yugurgan qisqa vaqt uzoq yillar davom etgandek tuyildi unga. Yetib borgach, uni shartta ko'tarib olib, mahkam bag'riga bosdi. Shu payt ularning shundoqqina yonidan mashina signal chalgancha tezlikda o'tib ketdi. Bola nima bo'layotganini anglamay, begona odamning bag'ridan chiqish uchun tipirchilar, nimalardir deb g'ingshir edi. Ramiz uni quchoqlagancha tushida yashayotganday edi. Boyagi ayol ham uning ortidan yetib kelib qayta-qayta rahmat aytdi. Ko'rinishidan qo'rqib ketgani yaqqol sezilib turar, bolani Ramizning qo'lidan o'z

bag'riga tortib olishga urinar edi. Ramiz esa karaxt ahvolda uning so'zlarini eshitmasdi. Ayol bir amallab undan bolani olgach, Ramiz bo'shab qolgan qaltiroq qo'llariga qarab tush va hush o'rtasida haydovchilarning signali va so'kishlariga nishon bo'lib turib qoldi.

\*\*\*

"Uka, hech nimani his etmay yotish qanday ekan? Na issiqni bilasan, na sovuqni. Ustingni qora tuproq yopganini yo yumshoq ko'rpa, farqi yo'q. Demak, mana shunday-mana shunday qilib go'ringni qo'llarim bilan silab erkalasam ham sezmaysan, to'g'rimi? Sochlaringni silab xuddi xo'rozning tojidek tikka-tikka qilib qo'yanlarim esimga tushdi. Ko'rinishing juda kulgili edi. Hozir ham o'zimni kulgidan to'xtatolmayman, sen menga qo'shilib o'zingning ustingdan qotib, miriqib kularding...

Qo'y, indama, shunday kulib-kulib yig'lab olay. Yig'lab-yig'lab ichimni bo'shatay. Akang shunchalik to'lib ketganki, ukam, ichiga havo ham kirmayapti. Bugun birovga sira aytmagan gaplarimni senga to'kib solmoqchiman.

Zora, shu bilan yengil tortsam. Eshitasan-a? Sen tug'ilganda kichkina bola bo'lganman, lekin bari esimda. Bahor edi. Yomg'irlar mavsumi boshlangan, hech tinay demas edi. Ayam tug'uruqdan chiqar kuni dadamga, men ham boraman, deb turib olganman. Dadam esa: "Endi katta bola bo'lding, akalar ukasini kutib uyda o'tiradi", - degandi.

Sizlarni ko'chaga chiqib kutib turganman. Ko'chaning tuyulishidan dadamning moshinasi ko'rinishi bilan uyga kirib hammani oglantirganman: "Ukam kelyapti, he-e-ey, chiqinglar, ukam kelyapti!" Ayamning qo'lida oppoq matolarga o'ralgan seni ko'rib "Menga bering!" deb ko'tarmoqchi bo'lganman. Tabiiyki, joniqqan akangga ishonmay seni ko'tarishga berishmagan. Keyinchalik mitti odamchani ko'rib qo'l tekizishgayam qo'rqaqman. Aniq eslayman, sen oppoq, jikkakkina, soch-u

qoshsiz eding, uzun-uzun kipriklarin esa yaqqol ko'zga tashlanib turardi.

Lablaring bo'rtib turar, nuqul tamshanarding, uzoq uxlarding. Barmoqlaring jippi edi, odamning shunchalik kichkina bo'lishi mumkinligi tasavvurimga sig'masdi. Go'yo ushlasam, ziyon yetadigandek tuyilardi. Sen juda chiroyli bola bo'lgansan. Sochlaring tillarang, o'zing oppoqqina, og'zingdan suving oqib yurar edi. Tinmasding, bir soniya bir joyda tek turmasding. Men sening orqangandan yugurib charchardim. O'sha kuniyam... Ha, o'sha kun! Nega mendan qochganding o'zi? Nega quvdim seni? O'yinmidi yo nimanidir bo'lisholmadikmi? Esimda yo'q. Hammasi juda tez sodir bo'lgan, dastlab anglolmay qolganman. Yodimda qolgan, mendan qochib o'qdek otilib darvozadan chiqding, osmonidan tushgandek paydo bo'lgan oq moshina, signal, tormozning chiyillashi, itning hurgani, qon va darvozadan chiqishga ulgurmay qolgan men! Tamom.

Avvaliga nima bo'lganini ko'rishga ulgurmagan bo'lsam, keyin oqibatiga qarolmadim. Ko'zlarimni kaftlarimga yashirdim. Qoning bilan bo'yalgan asfalt, bir chetda yotgan pajmurda tanangga qarolmasdim. Bir lahzada uyda qiyomat boshlandi. Dahshat! O'sha yerda meni hech kim ko'rmadi, so'ramadi, ayblamadi, ammo men ham bor edim! Bor edim! O'shandan boshlangan ekan ko'z yumib yashash, qochish, go'yo tuyaqush boshini qumga tiqib omonlik istagandek. Janozada ham qabring boshiga kelolmadim. So'nggi makoningga dadam qo'yan ekan. Men kelolmadim, ukam, kechir! Qarolmasdim qabringga. Irodam yetmasdi. O'shanda yosh bola edim, to'g'ri, lekin undan keyin ulg'aygach ham haqiqatga tik qarash, tan olishdan qochib yashabman. Ortga qarashdan juda-juda qo'rqib yashabman, ukam. U yerda serkiprik chiroyli ko'zlarining ma'sumlik bilan tikib: "Meni nima qilib qo'ydingiz, aka?" – degandek qarab turgan sen bor eding,

ukam! Sen! Akangning mana shu ko'ksiga ursa, bo'm-bo'sh idishdan chiqadigan tovush chiqadi, gup-gup-gup... Men aybdorman. Seni o'limgacha quvib bordim. Shu xotira yuki bilan yashash akangga qanchalik og'ir ekanin bilsayding, ukam. O'zimning aybdorligimni bilib yashashda davom etish uchun qancha kuch sarflayotganimni bilsayding. Axir, men bunday bo'lismi istamagandim-ku...

Gohi sen qanday yigit bo'lishing mumkinligi haqida o'yayman. Sen tirik bo'lganingda, qanday yaxshi bo'lardi-ya! Ota-onamiz yolg'iz bolam deya bor umidini menga bog'lamagan, o'zim ham bu mas'uliya bosimidan qiyinalib yashamagan bo'larmidim. Tom ma'noda ozod yasharmidim, bilmadim. Balki, bir kam dunyoda bitta muammoni o'zim uchun yaratib olib, u bilan andarmon umr o'tkazardim. Bilmadim, har holda, hamma narsaga chora bor. O'limdan boshqa! Seni sog'indim, eshityapsanmi? Judayam. Bolaligimni, o'sha tashvishsiz yugurib yurgan hovlimizni, tiniq, toza ruhli Ramizni sog'inganman. Odam uchun bu dunyoda o'limdan keyin hamma narsa tugaydi. Menda esa sendan keyin tugagandek tuyiladi".

\*\*\*

Uyga kutilmaganda kirib kelgan Ramizni eshik ostonasida ko'rgan onasi hayratda qoldi. O'g'lini g'alati, yuzida hech bir ifodasiz, ko'zlar shishib ketgan holda ko'rib hayratiga qo'rquv qo'shildi va nimadir tikib o'tirgan o'rnidan turolmadi.

– Iii, ulim, o'zingmisani?

Ramiz jilmayishga urindi: "O'zim". U to'g'ri kelib onasining tizzasiga bosh qo'yib, qo'llarini boricha ochib quchoqladi.

– Nima bo'ldi senga? Biron joying og'riyaptimi?

Ramiz past, allaqanday mungli ovozda:

– Yo'q, aya. Hammasi joyida... Endi yaxshiman. Sizga bir narsani aytib berishim kerak... – dedi.

# BELLASHUV

"Alpomish" dostonidan: Qultoy va Bodom bekach aytishuvi



O'zbekiston  
xalq baxshisi  
**Abdunazar  
POYONOVdan  
folklorshunos  
O'ktam  
HAKIMOV**  
2010-yili  
10-oktyabrda  
yozib olgan.

ham, uli Ultontoz mamlakatga bek bo'lgach, "Bodom bekach", "Bodom bekach" deb hamma hurmat qiladigan bo'lgan edi. Ana shunda olchanglab borayotgan Alpomishni ko'rib (Alpomish Qultoy bo'lib borayotgan edi): "Hov Qultoy, qani, sen qayerdan kelyapsan", – dedi. "Ultontoz poshshoning oldidan kelyapman. Oybarchinni xotinlikka ko'ndiraman deb boryapman", – dedi. "Ey Xudoy, uyg'uy Qultoy, gapingga ishonmiyman", – dedi. "Nimaga ishonmiysan?", – dedi Qultoy. "Shu yoshingga dovuy meni ko'ndiya olman, uni qanday ko'ndiyasan", – dedi hiringlab bekach.

– Ko'ndiraman ham, zo'rligimni bildiraman ham, bul ishlarni, hali ko'rasan, men tindiraman ham, – dedi Qultoy.

Bu gaplarni eshitib g'ayrati qo'zigan bekach: "Mayli, avval men bilan o'lan aytib biy bellash, gapingga ishonay", – dedi. Qultoining ham kishti kelib: "Hay-a, aytishsam aytishaveraman", – dedi. "Qani, o'lanni boshla bo'masa, Qultoy", – dedi bekach. "Yo'q-yo'q, sen boshlaysan, sening obro'ying baland – xotin bo'lsang ham, Ultontozning enasisan, men senga javob aytaman", – deganidan keyin, ana shunda ikkovi o'lan aytishadigan bo'ldi. Jo'g'ari to'mandan qizlar-jigitlar kelishib tomosho qilaverdi. O'lanni Bodom bekach boshlayotir, Qultoy javob berishga shoylanayotir.

Qultoy qiyofasi-dagi Alpomish Ultontozning saroyidan chiqib shunday borayotib edi, Ultontozning enasi Bodom bekach oldidan chiqib qoldi. Vaqtiz zamonida Bodom cho'rilik qilib, tuya boqib jurganida galaning orgasida uxbab qolib, tilini hakka cho'qib ketgan edi. Shundan beri soqov bo'lib qolgan edi. Qarasa, shu Ultontozning enasi – Bodom soqov kelayotgan ekan. Odamlar avval Bodom soqov desa

**Bodom bekach:**

Soyi-soyi saykalay  
Qo'yni boshlay, yoy-yoy,  
Ultontozday sultonga-ya  
Tanga tashlay, yoy-yoy.  
Qulq solgin, Qultoy chol-a,  
O'lan boshlay, yoy-yoy,  
Qiziq-qiziq aytninglay,  
Qiz-kelinlay, yoy-yoy.  
Shul o'lanning oxiyi  
Qizig'-a bo'lsin, yoy-yoy.

**Qultoy:**

Sori-sori sarkalar  
Qo'yni boshlar, yor-yor,  
Suluv-suluv kelinlar  
Zulpak tashar, yor-yor.  
Alpomishdan qolgan molni Ultontozing  
Kimga xorshlar, yor-yor.  
Qiziq-qiziq aytmanglar,



Shu o'lanning oxiyi  
Qizig'-a bo'lsin, yoy-yoy.

**Qultoy:**

Odog'ingga, yangajon, odag'ingga, yor-yor.  
Bugun meni oldingga chotag'ingga, yor-yor.  
Olmasanga olmagin patangingga, yor-yor,  
Xo'rozimni qomayina xatangingga, yor-yor.  
Yarim kecha kirayina jotog'ingga, yor-yor.  
Qiziq-qiziq aytmanglar, qiz-kelinlar, yor-yor.  
Shu o'lanning oxiri buzug'-a bo'lsin, yor-yor.

**Bodom bekach:**

Jolg'iz ulim bek bo'ldi juytima-juytima,  
Qayamayman, Qultoy qul, betinga-betinga.  
Senday-senday qullay ko'p qo'ng'iyat elda, yoy-yoy.  
Sendaylayni olmayman itimaya, itima.  
Qiziq-qiziq aytninglay, qiz-kelinlay, yoy-yoy.  
Shu o'lanning oxiyi qizig'-a bo'lsin, yoy-yoy.

**Qultoy:**

Ondiringdan, yangajon, ondiringdan,  
Patir jovib non jiyan tondiringdan,  
Ola ko'ppak, deding-a sen meni-ya, yor-yor,  
Ola ko'ppak tortsin-a chondiringdan, yor-yor.  
Qiziq-qiziq aytmanglar, qiz-kelinlar, yor-yor.  
Shu o'lanning oxiri buzug'-a bo'lsin, yor-yor.

Ana shunda aytishuvdan so'ng Bodom bekach  
chiday olmay qoldi. "Xudoy uyguy Qultoy, nima  
deyapsan?" – deb Qultoyning jog'asidan ola ketdi.  
Shunda Qultoy ham shoshib qoldi. Soqol-muriti  
yasama edi, julinib ketishidan qo'rqiб ketib, hay-  
hay senga nima bo'ldi, senga nima bo'ldi, buni endi  
bir to'y desayam, buni endi bellashuv, desayam  
tag'in qo'yamadi.



Shunda jigit-qizlar oracha qilib: "Hay,  
to'uda urishmanglar, uyat bo'ladi", – deb  
ikkovini ikki joqqa tortib-tortib oyirib  
jubordi. Shunda Qultoy ham o'z yo'liga  
ketaverdi. Bodom bekach ham iziga qay-  
tib: "Xudoy uyguy Qultoy, buloq suvingni  
tindiyamasam, aytganimni qildiyamasam,  
Ultontoz bek ulimga aytib shu bir sening  
qizil tilingni jildiyamasam, avvali puting-  
dan doyga ildiyamasam", – deb qarg'ab-qar-  
g'ab ketaverdi.

Ana bundan o'tib Alpomish misli Qul-  
toy bo'lib Barchinoyning o'toviga bordi.

Qiz-kelinlar, yor-yor.  
Shu o'lanning oxiri  
Buzig'-a bo'lsin, yor-yor.

**Bodom bekach:**


Qizlig'imda, Qultoy qul.  
Toshay edim, yoy-yoy.  
Toshganimda tog'laydanay  
Oshay edim, yoy-yoy.  
Senday-senday qullay ko'p.  
Qo'ng'iyat elda, yoy-yoy.  
Sendaylayni men loydan  
Josay edim, yoy-yoy.  
Qiziq-qiziq oytninglay.  
Qiz-kelinlay, yoy-yoy.  
Shu o'lanning oxiyi  
Qizig'-a bo'lsin, yoy-yoy.

**Qultoy:**

Qizlig'ingda, yangajon,  
Toshar eding, yor-yor,  
Toshganingda tovlardan  
Oshar eding, yor-yor,  
Mendaylarni sen loydan  
Josar eding, yor-yor.  
Odag'ima kelganda  
Shoshar eding, yor-yor.  
Qiziq-qiziq aytmanglar,  
Qiz-kelinlar, yor-yoy.  
Shul o'lanning oxiri  
Buzug'-a bo'lsin, yor-yoy.

**Bodom bekach:**

Odag'ima, Qultoy qul, odag'ima,  
Tushib qolding buguna chotag'ima, yoy-yoy'  
Senday-senday qullay ko'p  
Qo'ng'iyot elda, yoy-yoy.  
Sendaylayni olmayman  
Patagimga, yoy-yoy.  
Qiziq-qiziq aytninglay,  
Qiz-kelinlay, yoy yoy.





### Mehrixon ORTIQOVA

2006-yili Toshkent shahrida tug'ilgan.

Ayni paytda Alisher Navoiy nomidagi Toshkent davlat o'zbek tili va adabiyoti universitetining Tarjima nazariyasi va amaliyoti fakulteti talabasi.

*Biror sohada o'z ishiga jur'at bilan kirishgan yoshlarni ko'rgan mahal beixtiyor kishining zavqi keladi. Shunday paytlari shijoatda ruhiyatga zavq va shavq beradigan allatovur o'ziga xos kuch-quvvatni his etarkanmiz, ruhiyatimiz quvvat olgan tuyg'u ta'siridan vujudimiz rohat tuyishini ham bilamiz. Hech shubhasiz, tana va ruh bir-birini quvvatlantirishi yoki aksincha bolishi turgan gap. Yaqinda shunga o'xshash voqeа guvohi boldim. Bir salmoqli romanning qo'lyozma variantini o'qiganimda, yoshiga xos bo'lмаган qalamyosh ijodkorning metafizikadan yaxshigina xabardorligi va buni badiiyatda ham aks ettirishga harakat qilishi quvonarli hol. Bu qalamkash - toliba qiz Mehrixon Ortiqova allaqachon roman bitib ulgurgan, shu sabab men ifoda etmish holat uchun "yoshiga xos bo'lмаган" degan jumla ishlatishimga to'g'ri keldi. Darvoqe, "iqtidor, talant" degan salohiyatning asl quvvati jur'atda namoyon bolsa kerak, deb o'ylab ham qoldim. Shunday jur'atli qalamkashning kelajakda milliy adabiyotimda bo'lakcha asarlar bitishiga ishongan holda omad tilayman.*

Xolmuhammad KARIMIY,  
yozuvchi

## Ilon mojarosi

Hikoya

*Yoz kunlaridan biri. O'zimga ovunchoq qidir hovlida bekor tentirayman. Qo'shnimizning itini birpas quvlagan bo'lib, kallasiga kesak otgach, ancha ko'nglim yoziladi. Buyam bir ermak. Shuzaylda it-mushuk mojarosi bilan ovora bo'lib turgandim, buvum chaqirib qoldilar:*

*- Bu yoqqa qara-chi, anavi ilonmi?  
Ilon! Miyamda mushak portlagandek bo'ldi. Nasotki, menga yangi "do'st" topilsa? Ilonmi, kaltakesakmi, nima farqi bor?! Yugurib borsam, buvum yon qo'shnimizning kattakon g'ishtin devoriga qarab turibdi. Devordan bir nechta eski quvur qolqig'i zanglachiqib qolgan. Quvurlar ichida esa zag'izg'on deysizmi? Barcha tilsiz o'rtoqlarim o'sha yoqda-da! O'sha yo'lakdan qadamim uzilmaydi. Nega o'tirishadi. Quvurlar ichida esa zag'izg'on deysizmi? Barcha tilsiz o'rtoqlarim o'sha yoqda-da! Qo'shnining iti-ku, meni ko'rsa, o'takasi yorilgancha dumini qisib qochadi. Suyak beraman, desam, ishonmaydi. Biladi-da, tutib olsam, mushuklar bilan urishitraman! Shundan keyin qushlardan boshqa o'rtog'im qolmaydi. Bu safar ham o'sha tarafga yugurib borsam, eng baland quvurlardan birida uzun dum osilib turibdi! Qushlar galasi olamni boshlariga ko'tarishgan! Dumga*

### YOSHLAR OVOZI

YOSHLIK

adabiy-ijtimoiy jurnal

har yoqdan hamla qilishadi. Ammo dum jimgina osilib turaveradi, sabri toshdan bo'lsa kerak, qimirlamaydi.

- Buvi, bu nimaning dumi? - deya so'rayman, ko'zlarimni katta-katta ochib.

- Ilonning! Boshi qush uyasi ichida! Tuxumlarini yutayotgan bo'lsa kerak. Yugur, Dehqonboy akangni chaqir.

Dehqonboy aka mahalla boshidagi uylarning birida ustachilik qiluvchi nihoyatda xushchaqchaq bir odam. Qo'lidan kelmaydigan ishning o'zi yo'q. Uzoqdagi farzandlarini sog'inadi, chog'i, biz bolalar bilan juda inoq. Iltimoslarimizni hech rad etmaydi. Bu gal ham shunday bo'ldi, xizmat joyidan bir narvon ko'tarib chiqib, ilon tutish uchun men bilan uyimizga yugurdi. Qo'liga mato bo'lagini o'radi-da, narsonga chiqib uzun yashil dumni chapdastlik bilan pastga tortdi. Buvim qo'rqqanlaridan ortiga qochib ketdi. Qushlar to'dasi hamon chug'urlaydi, "pir-pir" etib u yoqdan bu yoqqa

uchib-qo'nishadi. Kutilmaganda shunday hodisa yuz berdiki, nima bo'lganini ilg'ab ololmadim. Bilganim shuki, narvon ustida Dehqonboy aka bir quloch uzunlikdagi yam-yashil ilonni kallasidan siqqancha ushlab turardi.

- Chop, ombordan banka opchiq, solib beraman, - dedi u jilmaygancha, xuddi "Chop, kosa opchiq, murabbo solib beraman", degan-dek qilib.

Men bir zumda uning aytganini bajo keltirdim. Ilon terisi ajoyib bo'larkan. Ammo nam va sirpanchiq. Yashilvoyning (keyinchalik ilonga shunday laqab qo'yanman) qornimi, dumimi, xullas, butun uzun tanasining bir qismi bo'rtib turardi.

- Dehqonboy aka, bu nima? Ilonvoy ham mushuk bola tug'moqchimi? - deya ajablandim.

- Yo'q, ho'v anavi chumchuqlarni ko'ryapsanmi? Buning qornidagi o'shalarning polaponi. Iloning birovning bolasini yeb qo'yan. Bolasi uchun qushlar g'azabdan chug'urlash-yapti. Hali ko'rasan, ona chumchuq kelib hayvonchangdan xunini olmasdi! Bolasidan osongina voz kechib qo'ymaydi. Ke, bankangga solib beray, men ham ketishim kerak.

Dehqonboy aka Yashilvoyni yangi uyiga joylagach, qopqoqdan havo kirishi uchun teshiklar ochib qo'ysi. Ammo ilon jonivor hadeganda bu qafasga ko'na qolgani yo'q. Ko'p tipirchiladi. Qopqoq teshiklaridan ikki yoqqa kesik tilini chiqarib, ko'zlarini olaytirgancha tahdid solgan bo'ldi. So'ng tipirchilab-tipirchilab charchagach, banka tagiga kulcha bo'lib yotib oldi. Aslida, o'zim ham shuni kutib turgandim. Yugurib borib dugonam Mohini chaqirib chiqdim. Ikkalamiz chopqillagancha uyg'a kirdik. Men dugonamni ilon qamalgan burchakka boshladim. Yashilvoymning xuddi o'zi shumtalik qilgan devor tagiga qo'yib



ketgandim. U yerdagi mojaroni ko'rib o'takam yorilayozdi. Ilonni qushlar to'dasi qurshab olgan. Bankaning atrofi qanotli askarlarga to'la. Sirkka kelgan bolalar to'dasini eslatadi xuddi. Qushlarning oddiy tomoshabinlardan farqi shunda ediki, ular tinmay chug'urlashar, bir polapon xunini qamoqdag'i "jinoyatchi" dan olishga urinishar edi. Ilgari qushlarning g'azablanganini ko'rmagan ekanman, o'ziyam yomon bo'larkan. Naq olamni buzaman deydi. O'n-o'n besh chog'li chumchuqning qahrli "chag-chag" lashi hatto mening yuragimni quloq-miyamga qo'shib yulib olganday bo'ldi. Ayniqsa, bitta yirikrog'i kundoshi bilan narsa talasha-yotgan xotinlar kabi bo'ynini o'n qarich cho'zib "shang'illagani" yetmagandek, mening yoqim-toy iloncham bankasi ustiga o'dag'aylab sakrab katta ochib po'pisa qiladi. Qush bechora darcho'zib jo'jaxo'rozdek hurpayib oldinga

- Pisht, pisht, - dedim men.

Mohi yugurib kelib supurgi bilan bir zumda qushlarni uchirib yubordi. Haligi chumchuq ham, biz kelgach, o'zining kichkina ekanini angladi, chog'i, quvurdagi iniga jo'nab qoldi. Mohi obdan tomosha qildik. Qushlardan ilonvoyni ikkimiz zavq-shavqqa to'lib-toshib ilonvoyni boyta yutib yuborgan polaponini butunligi-cha yana ichidan chiqarib yuboribdi. Becho-ra jonivor murdaga qarashga bezillaganday qip-qizil go'sht bo'lib yotgan chumchuq bolasi o'ligiga yaqinlashmayapti. Ammo bizga bu juda qiziq. Hatto ilondon ham qiziqroq. Lop etib miyamga "Shum bola" dagi Qoravoyning Omon va Eshon bilan o'lik yuvishgani kela-di. Qiqirlab-qiqirlab kulaman. Mohi birdan yelkamga shapatlab qoldi. Shirin o'ylarimdan cho'chib ketdim.

- Menda zo'r fikr bor, - dedi u, yuziga jiddiy tus berib.

- Qanaqa?

- Aytganimni qilsang, mo'maygina pul ishlab olamiz.

ketgandim. U yerdagi mojaroni ko'rib o'takam yorilayozdi. Ilonni qushlar to'dasi qurshab olgan. Bankaning atrofi qanotli askarlarga to'la. Sirkka kelgan bolalar to'dasini eslatadi xuddi. Qushlarning oddiy tomoshabinlardan farqi shunda ediki, ular tinmay chug'urlashar, bir polapon xunini qamoqdag'i "jinoyatchi" dan olishga urinishar edi. Ilgari qushlarning g'azablanganini ko'rmagan ekanman, o'ziyam yomon bo'larkan. Naq olamni buzaman deydi. O'n-o'n besh chog'li chumchuqning qahrli "chag-chag" lashi hatto mening yuragimni quloq-miyamga qo'shib yulib olganday bo'ldi. Ayniqsa, bitta yirikrog'i kundoshi bilan narsa talasha-yotgan xotinlar kabi bo'ynini o'n qarich cho'zib "shang'illagani" yetmagandek, mening yoqim-toy iloncham bankasi ustiga o'dag'aylab sakrab katta ochib po'pisa qiladi. Qush bechora darcho'zib jo'jaxo'rozdek hurpayib oldinga

- Pisht, pisht, - dedim men.

Mohi yugurib kelib supurgi bilan bir zumda qushlarni uchirib yubordi. Haligi chumchuq ham, biz kelgach, o'zining kichkina ekanini angladi, chog'i, quvurdagi iniga jo'nab qoldi. Mohi obdan tomosha qildik. Qushlardan ilonvoyni ikkimiz zavq-shavqqa to'lib-toshib ilonvoyni boyta yutib yuborgan polaponini butunligi-cha yana ichidan chiqarib yuboribdi. Becho-ra jonivor murdaga qarashga bezillaganday qip-qizil go'sht bo'lib yotgan chumchuq bolasi o'ligiga yaqinlashmayapti. Ammo bizga bu juda qiziq. Hatto ilondon ham qiziqroq. Lop etib miyamga "Shum bola" dagi Qoravoyning Omon va Eshon bilan o'lik yuvishgani kela-di. Qiqirlab-qiqirlab kulaman. Mohi birdan yelkamga shapatlab qoldi. Shirin o'ylarimdan cho'chib ketdim.

- Menda zo'r fikr bor, - dedi u, yuziga jiddiy tus berib.

- Qanaqa?

- Aytganimni qilsang, mo'maygina pul ishlab olamiz.

- Nimaga? Menga pul kerakmas, - deymajablanib.

- Senga kerak bo'lmasa, menga berasan har kuni ikkitadan muzqaymoq olish uchun

Shunday qilib. Mohi menga darvozamiz tagida jim o'tirish buyrug'ini berdi-da, o'zi qayooqqadir yugurib ketdi. Men bo'lsam, odat cha, zerikib, xayolga berildim. Chorak soat o'tar-o'tmas, orqa mahallaga muyulish tomon dan baland dupurlagan ovoz eshitildi. Cho'chi o'mimdan turib shovqinga quloq tutdim. Yo'bu hayvon podasi emas, mahallamiz churva-qalarining gursillab yugurishi ekan. Nima balyana qayerdadir ishkal chiqdimi? Yo'q, qo'lim peshonamga soya qilib qarasam, ular to'g'ri tukniga qarab yugurib kelishyapti. Buni qarang hammasining qo'lida qandaydir varaqchalar! zumda ustabuzarmonlarning kattagina to'das darvozamiz oldida saf tortishdi.

- Tomosha qachon boshlanadi? - deb o'dag'ayladi bir qoracha bola.

- Nima? - degancha tushunmadim men

- Chiptada shunaqa yozilgan-ku.  
U menga qo'lidagi qog'ozni uzatdi. O'qidi

Mohining yozuvi.

*Mahallamizga sirk keldi. Hamma bolalar dan qo'shningiz, falonchiyevlarning uyiga chiqingizni so'raymiz.*

*ps: Ammo pulsiz kelganlar davradan shafqatsizlarcha haydaladi! Narxi kishi boshish shunchadan. Agar yig'ib qo'yganingiz bo'lsa, ko'proq olib kelavering.*

Bu qadar bezbetlarcha yozilgan chiptani birinchi ko'rishim. Hayratdan og'zim lang ochilib, ko'zlarim piyoladay bo'lib ketdi. Shu payt men uchun Mohining maktabda ishlarni miyasi mahallada kashfiyat qilib tashlaganday edi. Negaki, dugonamning dadasining bozorda o'z biznesi borligini, savdo-sotiqqa usta ekanini yaxshi bilardim. Lekin burchalik darvozaxonadan ustiga sochiq yopilgan banka

bilan chelak ko'tarib chiqib qoldi. Men unga qovog'imni uyib qaradim. Dugonam sochiqqa o'rog'liq narsani qo'limga tutqazdi-da, chelakni ko'tarib davradagi bolalarning har biridan pul yig'ib chiqishga kirishdi. Yostiq tagida qaytimlardan yig'ib kelinayotgan pullar birin-sirin chelak ichiga tushdi. Shunchalikki, Mohi churvaqlarning ichki cho'ntaklarida yashiringan tangalarni ham yig'ishtirib oldi.

- Ana endi, - deya ma'lum qildi dugonam mammuniyat bilan, - tomoshamizni boshlaysiz!

U qo'limga tutqazib qo'yan bankani sochiqdan ajratdi. Shisha ichida mening ilonvoym kulcha bo'lib yotardi. Bechoraginam... Shunchalik rahmim kelib ketdiki unga. Hatto qo'shnining iti bilan urishtirish ham yodimdan chiqib ketdi. Xuddi qamoqqa solingen tutqunga o'xshardi. Mahallamizning pakana landavurlari donga o'zini urgan kabutardek guy etib bankadagi ilonga tashlandilar. Ammo pishiqlik qonidan o'tgan Mohi angishvonadek jussasi bilan shuncha bolaga bir o'zi bas kelar, ushlab ko'rish kabi iltimoslarni rad etgancha bankani mahkam changallab olgan edi. Mishiqilar esa betinim chuvillashishardi.

- Opa, bankaning qopqog'ini ochaylik...

- Opa, buni xo'rozim bilan urishtiraylik, nima qilarkin?

- Mohi opa, iloningizni menga soting...

- Opa, keling, og'ziga olovli cho'p tiqib ko'ramiz.

- Dumini kesib ko'rsak-chi? Biz kuchugimni shunaqa qilganmiz.

- Yo'q, ilonni o'ldirish kerak. Bobom aytganlar. Ustidan kerosin quyib yoqib yuborsak-chi!

Ana endi astoydil jahlim chiqdi. Pakana oliftalarni bitta-bittalab haydashga kirishdim! Kim bo'lishibdiki, mening ilonvoym ustidan bu yo'sin qabih hukmlar chiqarsalar? Men mush-timni tugdim, tomoshabinlar boshqa bir guruh bo'ldilar. Ikkala tarafning ham jazavasi qo'zidi.

Men hammani uyimizdan nari qilishga kirishsam, ular pul to'laganlarini ro'kach qilib ilonni talab eta boshlashdi. Ana tomosha-yu, mana tomosha! O'tada dahanki jang boshlandi. Mahallaning bir to'da quyonyurak churvaqlariga qarshi bitta o'zim va mittigina, qiltiriq dugonam chiqdik. Odatda, o'tada dovucha-talaшиб, yong'oq talashib urush-bo'lard. Bu urush esa ilon talashib bo'ldi! Ikki taraf orqa-oldimizga qaramay urisha ketdik. Mohi kaftlari band bo'lgani sabab kimdir Ilonvoyga qo'l cho'za, bor ovozi bilan dod soladi:

- Tegma, churvaqa! Qo'ling singur, maymunmisan?!

Oxiri bu ishkal shunchalikka yetdiki, ilon unutilib, bolalar kimni to'g'ri kelsa ura ketishdi. Endi taraf-taraf yo'q. Ko'ziga kim yomon ko'rinsa, o'shani tepaveradi! Mazza! Qiy-chuvni eshitgan boshqa bolalar yig'ila boshladи. Avval ular shunchaki kuzatib kimni qattiqroq tepishga do'starini rag'batlantirib turishdi.

- Shohi, orqangga qara! Ha, tep, tep betiga!

- Sarvar, barakalla, bos! Oyog'idan chal, oyog'idan!

Shu payt nimadir bo'ldi-yu, orqadan "chars" etgan tovush eshitildi. To'polon, zavq-shavqqa to'lgan mahalla ko'chasi bir zumda suv quygandek jimpitlikka ko'mildi. Men ham ichimdan zil ketib o'girildim. Qarasam, ilonimning bankasi sinib, shishalar ichidan sekin kallasini ko'tarib chiqib kelmoqda! Shunda o'lik, sovuq sukunatni vahimali qich-qiriqlar ag'dar-to'ntar qilib tashladi. Bolalar birvarakayiga qichqirib, tumtaraqay bo'ldilar. Hatto Mohi ham yuragini hovuchlagancha uyi tomon yugurdi. Ammo ketar chog'i pullarni chelak-pelagi bilan quchoqlab olishni ham unutmadi. Yashilvoy esa tez sirpangancha ko'zdan g'oyib bo'ldi. Men endigina topgan yangi do'stimdan ayrildim. Jamiki sarguzashtlarim esa bir zumda yozning dim havosiga singib unsiz yo'qoldi...



## Jilvalanar yetti rang...

**Marjona MAMATOVA,**  
O'zbekiston davlat Jahon tillari  
universiteti talabasi

### Yurt tarixi

Adabiyot, dargohing qutlug',  
Navoiyning bayoti ulug',  
Sakkokiyning dostonlaridan  
Yuragimga qadalgan bir tug',  
Yuksalaman o'qigan sarim,  
Ey, tarixi ulug' Vatanim!

Temur bobom shiorlarini,  
Mirzo Bobur ash'orlarini,  
Xorazmiyning alyorlarini  
Eshitganda titraydi tanim,  
Ey, tarixi ulug' Vatanim!

Alplar bog'lab belbog'ini,  
Ko'tarib yurt bayrog'ini,  
Yashnatganda gulbog'ini,  
Bor bo'l, mening g'ururim, sha'nim  
Ey, tarixi ulug' Vatanim!

\*\*\*  
O'z yurtini qo'msagan, oh chekkan u firoqda,  
Yurak-bag'ri qon bo'lib, o'z yurtidan yiroqda,  
Har yoqda do'st-u dashman, qilib Haqqa tavakkal  
Har qadamda chap berdi qismat qo'ygan tuzogga  
  
Bir tilim handalagi yurtining armon bo'ldi,  
Sog'inib Andijonni ko'z yoshi marjon bo'ldi,  
Aziz jonin tasadduq aylab jigarbandiga,  
Oyoqqa turg'izdi-yu, o'zi bedarmon bo'ldi.  
  
Bugun Hind tuprog'iga ko'rк bermoqda Toj Mahal  
Jilvalanar yetti rang, haligacha sir bo'lib.  
Boburiylar qudrati olam uzra jar solar,  
Tahsinlar aytar bugun butun dunyo bir bo'lib.

## Tabiri teskari tushlar uyg'onsin...



**Mahfuza BEGALIYEVA**

1996-yili tug'ilgan. O'zbekiston davlat jahon tillar universitetining Ingliz tili va adabiyoti yo'naliishini tamomlagan.  
Yosh ijodkorlarning an'anaviy Zomin seminaris ishtiroychisi (2019).

\*\*\*

Tun.

Kunduzlar nuradi tunning ustiga,  
Quyosh yulduzlarga ketdi bo'linib,  
Qay zamon dog' tushdi oyning husniga.

Mug'anniy qo'lida soz qotib qolgan,  
Azador holda ham yig'lomadi tun,  
Bo'g'zida alamli so'z qotib qolgan.

Oqizib ketadi domiga girdob,  
Xayollar quyunday kelar bostirib,  
Mum tishlagan ko'yi turar iztirob.

Tabiri teskari tushlar uyg'onsin,  
Tirilsin tomoqqa tiqligan so'zlar,  
Aksi bo'g'zing bilan barobar yonsin!

Siniq nurlarini yiqqancha mag'rur,  
Kechaning bag'riga o't yoqar nogoh,  
Kunduzni orqalab kelgan oppoq nur-tong.

\*\*\*

Tutqichlari tillo darvoza, kechir,  
mening manzilim o'zga,  
hali uzoq baxtni izlaram.

Sendan ayro tushsa matlabim,  
hech yo'q shu safarim oldidan,  
menga oq yo'l tilamaysanmi?!

\*\*\*

Nega ko'rilmaysiz,  
Nega ko'rilmaysiz?  
Yonib tugayapman xona burchida.  
Intiq kutgan sari yolg'on tuyilar  
Kirib kelishingiz oyoq uchida.

Nega ko'rilmaysiz?  
Nega ko'rilmaysiz  
Siz uchun yoqilgan umid shamini?  
Alif qomatimni xarjab siz uchun,  
Miltillab yoritdim hijron shabini.

Nega ko'rilmaysiz,  
Nega ko'rilmaysiz?  
Sim-siyoh tun aro yonyapman yolg'iz.  
G'amangiz termulib tugatdim o'zim,  
Ochiq ko'zlarimni yopdi yalmog'iz.

Endi kelsangiz ham,  
Kelmasangiz ham...  
Meni topolmaysiz xona ichidan.  
G'amangiz boqasiz tugagan shamga  
Va chiqib ketasiz oyoq uchida.



**Umar SAYFIDDIN**  
(1884–1920)

Atoqli turk adibi.  
"Tarix azaliy takrordir",  
"Haram", "Yefruz Bey",  
"Qahramonlar", "Bomba",  
"Uzun poshnalar", "Halol-  
lik", "Yolg'iz bahodir",  
"Iskanja", "Ishq to'lqini",  
"Oq Lola", "Sirli amaliyat",  
"Forsa", "Badal", "Elchi",  
"Pushti durli yoqa" kabi  
asarlari mashhur.

Begali QOSIMOV  
tarjimasi

# Naqarot

Hikoya

*Yoshligini Makedoniyada<sup>1</sup> o'tkazgan  
eski bir zabitning xotira daftaridan*

**21-yanvar, 1319 (1904), Babina<sup>2</sup>.**

O'n kundirki, aylanib yuribmiz. Kuzdan sarg'aygan xarob  
kulidan boshqa bir narsa yo'q. G'olibo, qish kelgani uchun hamma  
berdi. Ikki-uch qishloqdan nasihat va tazyiq-la yuz elliktacha quroq  
topdik. Bular markazga yuborildi. Men o'z bo'linmam bilan qoldim.  
Balki bu taraflarda isyonchilar<sup>3</sup> bordir. Juda sovuq. Chodirda jon  
qishloqning yagona kengroq yerni tayin etdim. O'zim esa  
xullas, hamma narsasi bo'lgan bulg'or do'koni yonidagi buzilgan uyg'a  
joylashdim. Bu qadar iflos! Ey Xudoyim, buncha irkit bo'lmasa!

Yotadigan xonamning birgina derazasi bor. Pechka o'chog'i, shifti  
xuddi ko'mirdan qilingandek qop-qora... Eshigiga qo'l tekkizishga  
hazar qilasiz. Chiroq yo'q. Sassiq, yog'li bir qurum bosgan tunuka  
qandil sariq va so'niq nur taratadi. Vujudim, zehnim horg'in... Tushu-  
day xunuk chinqiradiki... Xuddi ostimda birovni bo'g'ayotgandek,  
Xayolimda hamma yoqqa sachragan qon tomchilari yuzimga tegib  
ketadigandek. Peshonamning chap burchagidan qulog'im tomon  
anglab bo'lmas bir harorat yoyilib boradi. Bir sas... Ha, bir ayol tovushi!  
emas. Lekin havo qanday xush, qanchalar osuda, farahbaxsh...

<sup>1</sup> Makedoniya – Bolqon yarimorolidagi o'lka. O'sha vaqtlar Turkiya qo'l ostida bo'lgan.

<sup>2</sup> Babina – Makedoniyadagi qishloq.

<sup>3</sup> Isyonchilar – turklarning hukmurolligiga qarshi kurashayotgan makedoniyaliklar  
ko'zda tutiladi.


**Yanvar, 1319 (1904).**

Erta tongda turdim. Havo muzdek.  
Shinelimni kiydim. Pastdan hali olov  
keltirib, o'choqqa o't qalanmagan.  
Yordamchim "tayyor bo'lish" xabarini  
keltirdi. U chiqquncha isinmoq uchun  
tor xonaning ichida borib kela bosh-  
ladim. O'choqdan derazaga, deraza-  
dan o'choqqa borib kelaman. Boshim  
to'ntarilgan cho'yan hovonchadek  
og'ir, qop-qorong'i, bo'm-bo'sh. Olti oy  
yashaganim – sevimli Istanbul jonimni,  
Feneryo'lidagi oydinlikni, toza, ozoda,  
rohatbaxsh ko'shkimizni o'ylardim-u,  
lekin ko'z oldimga keltirolmasdim.

Ajabo, batalyon markaziga pochta  
keldimikin? Necha hafta bo'ldi, onam-  
dan xat olmayman. Bu yerning suti-  
dan sarimsoq hidi keladi. Nonushtaga  
hammasidan qoqlangan nonni xush  
ko'raman. ... Tashqarida shovqin  
ko'tarildi. Qaradim. Pastak bir devor  
bilan ajratilgan qo'shni bog'chada eshik  
ochilib, uning ustuniga suyab qo'yilgan  
taxtalar qulab tushdi. Shu qishloqlik  
ekaniga ko'zlarimning ishonishi mum-  
kin bo'lмаган bir qiz. Gavdalikkina,  
qo'ng'iroch, chiroyli, quvvatli bir qiz.  
Ustunning chap tomonidagi maydon-  
chadan qarab turibdi... Meni ko'rdi.  
Qochmadi. Hatto tikilib-tikilib qaradi.  
Olti oydan buyon bunday go'zalga birin-  
chi marta duch kelib turibman. Lekin  
naqadar tiniq, jonli, toza, sof bir go'zal-  
lik. To'yib-to'yib boqmoqdaman. Va shu  
xotiralarni yozyapman.

**Fevral, 1319 (1904).**

"Hayot uyqu bo'lsa, ishq uning  
ro'yosidur!" Mana – eng buyuk haqiqat.  
Esim ketdi, g'amim ham ketdi. Jonlan-  
dim. Ishtaham ochildi. Kezmoq, tomo-  
sha qilmoq istayman. Bugun chiqib  
qishloqdagi turkcha bilgan bulg'orlar



bilan gaplashaman. Inshaalloh, meni bu yerdan olib ketmasalar kerak. Markazga yozdim. "Meni qo'zg'atmang!" – dedim. Endi bekor vaqtlarimni – zotan, tamom bekorman – deraza yonida o'tkazaman. G'olibo, devorlardi yozuvlarga bir necha satr ilova qilaman. Lekin bu na bir shikoyat, na bir oh bo'ladi! Totli, toza, osuda bir xotira... Maydonchadagi go'zal, bashang, kelishgan qiz bilan uzoqdan bir sevishish! Uning ismini ham bilmayman. Do'kon egasidan ham, xizmatkoridan ham so'ramadim. So'rashdan nima foyda? Uni bilmasam, faqat yozuvlarimgina meni unga bog'lab qo'ydi. Harbiya maktabining ikkinchi sinfida "Jazo qonuni"ni o'qitgan bir o'qituv-chimiz bo'lardi.

– Fazilatli bo'lmoq insonning qo'lida emas. Lekin istasa, nomusli bo'la oladi, bu ixtiyoriy narsadir, – derdi.

Uning fikricha, kim yashirin qilgan ishini ko'pchilik bilib qolgan hisoblab, jazo qonunnomasining moddalarini xotiriga olsa, nomussiz bo'lishdan qutuladi. Lekin fazilat ichdan keladigan bir narsa. Bunga zo'rlik bilan erishmoqqa urinish riyokorlik bo'lar edi. Bir kishida fazilat yo'q, yo yo'q. Orzu bilan, iroda bilan unga erishib bo'lmaydi. Men ushbu deraza oldida, do'konchining isqirt qo'y po'stagi ustida chordana qurgancha, ruhimni tahlil etarkanman, hech fazilat egasi bo'lma-ganimni iztirob bilan his etdim. Chunki... Ha, qanday yomon fikrlar kelmaydi xayolimga! Bu qizni majburan olib qochmoq! U bilan birga qochmoq! Amriqoga... qayta dunyoga kelgandek, boshqa manzara va boshqa hayotni xayol qildim! Ortiq na onam, na otam, na uyim, na vatanim qoladi! Demak, men bir day-diman! Butun orzum qochmoq, bandilikdan qutulmoq, vatanni, oilani abadiy tark etmoq. Notanish olislarda birgina muhabbat bilan yashamoq! Lekin ustozimning tavsiyasiga amal qilib, ishtiyoglarning orzudan amalga aylanishini jazo qonuni moddalari bilan solishtirib chiqsam, o'zimdan uyalib ketaman.

Tashvishga ko'milib yotgan zavolli davlatning boshiga bir bulg'or qizini olib qochib, yangi mushkulot ortmoq! Ish beradigan, vatanga xizmat qiladigan chog'imda qo'shinni tark etmoq, jangdan, to'qnashuvdan, harbdan qochmoq! Tabiiy bir o'qqa uchib qulamoq yoxud bir pastkash kabi kasalxonalarda surinmoq, tahqirga uchramaslik uchun mamlakatimga ham qaytmaslik. Sevikli onam ko'z yoshlariga g'arq bo'lib, mening xayolim bilan o'ladi. Otam yaqinlari, do'stlari oldida mening xiyonatimdan yuzi shuvut. Hech kimning betiga qarolmaydi. Bularni o'ylarkanman, ko'zimni maydonchadan olaman. Qop-qora o'choq ichida chirsillab yonayotgan olov xayolimni o'z og'ushiga tortadi.

Ha, nomusli bo'lmoq insonning o'z qo'lida! Mana men ham na qizni olib qochaman, na uning ismini bilishga harakat qilaman. Hatto yuziga boqmayman! Lekin bulaming hammasini o'ylab o'tirmay, muhokamasiz qilolsam edi. Nega menda axloqning asosi bo'lgan fazilat yo'q? Nechun doimo urmoq, majaglamoq, parchalamoq, qochmoq, qarsi bormoq, o'ldirmoq, isyon etmoq istagiga moyillik bilan yashayman? Ilk tarbiyam ta'sirimi? Chunki bolaligim tartibsiz kechdi. Salkam yo'ltosarlar bo'lgan bir to'da odamlar ichida o'sib ulg'aydim. Istanbul, oh, bu qadar sevganim go'zal Istanbul, maktablar, boy kibor aqrabolarning nazokatlari borlig'imga g'oyat katta kuch va quvvat baxsh etgan! Arkoni harb tabaqasiga qo'shilib ketishimning sababi ham qattiqqo'lligim... Bir do'stimni o'lesi qilib urganman. Aybdorligim ma'lum bo'lib qoldi. Qamoqda yotib chiqdim. Axloqim tamom bo'ldi. Butun umidlarim bo'shga chiqdi. Lekin mana bu go'zal xonim unga qaramaganimga, orqamni o'girib olganimga jahh qilyapti. Meni deraza oldida ko'rishi bilan ovozi boricha qo'shiq aytib qichqiradi:

Nash, nash,  
Charigrat nash.  
Raz-dva-tri...

**Fevral, 1319 (1904).**

Men... qaroqchi ushlaydigan, qaroqchi-larga doir xabarlar to'plashga mas'ul yosh zabit nimalarni o'ylab, nimalar bilan shug'ullanib, nimalarni yozib yuribman. Ha, maydonchadagi qiz bilan ishni gullatib yubordik. Men ortiq sovuqqa, izg'iringa parvo qilmadim. Derazaning oynasini ochib qo'ydim. Qiz yayrab ketdi... Menga g'alati-g'alati qarab kula boshladi. Qo'li bilan men ma'nosini tushunmagan ishoratlar qilardi...

**Fevral, 1319 (1904).**

Aytgan qo'shig'i naqadar fuzun, qanchalar g'alayonli! Shubhasiz, bir ishq qo'shig'il! Men birgina naqarotining so'zlarini o'rgana oldim:

Nash, nash,  
Charigrat nash...

Moviy otash ko'zlarini menga tikkancha bu naqarotni takrorlar ekan, qo'lidagi ilmaklarini to'qiyotgan paypog'i ichiga soldi-da, ingichka barmoqlari bilan, go'yo ko'rinas bir qalbni siqmoqchi bo'lib, shaylanib turgan yarim yumilgan kuchli ayol barmoqlarini qo'shiq moyillik bilan yashayman? Ilk tarbiyam ta'sirimi? Chunki bolaligim tartibsiz kechdi. Salkam yo'ltosarlar bo'lgan bir to'da odamlar ichida o'sib ulg'aydim. Istanbul, oh, bu qadar sevganim go'zal Istanbul, maktablar, boy kibor aqrabolarning nazokatlari borlig'imga g'oyat katta kuch va quvvat baxsh etgan! Arkoni harb tabaqasiga qo'shilib ketishimning sababi ham qattiqqo'lligim... Bir do'stimni o'lesi qilib urganman. Aybdorligim ma'lum bo'lib qoldi. Qamoqda yotib chiqdim. Axloqim tamom bo'ldi. Butun umidlarim bo'shga chiqdi. Lekin mana bu go'zal xonim unga qaramaganimga, orqamni o'girib olganimga jahh qilyapti. Meni deraza oldida ko'rishi bilan ovozi boricha qo'shiq aytib qichqiradi:

Nash, nash,  
Charigrat nash...

"Nash"lar shunchalar ehtirosli, shunchalar jonli, shunchalar oshiqona, shunchalar qizg'in ediki... Ular go'yo ruhdan ham teranroq bir yerdan kelar edi. Go'yo koinot qa'rida aks sado topgandek. Kim bilsin, bu "Nash" nima degani? Menga tikilib takrorlashiga qaraganda, bir xitob bo'lishi kerak. "Seni juda sevaman, sen uchun jonimni beraman!" – degani bo'lsa kerak. Yo bo'lmasa, shularga yaqin bir narsa! Necha marta bo'linmamdagagi bulg'orcha biladiyan ishtillik Husni o'nboshini chaqirib so'rash aqlimga keldi. Lekin bu o'nboshi – shaytoni la'inning o'zginasi... Unga ishqiy qo'shiqni tarjima qildirsam, tamom, haddidan oshadi. U

yog'i nima bo'ladi? Bu hayajonli qo'shiqning men yodlamagan boshqa bandlaridan, qulog'imga uncha begona bo'lмаган, "Bolqon, Shipka, Maritsa" so'zlar eshitildi. Har holda rus yoki italyan musiqasidan olingen bir narsa bo'lmasa kerak. Qo'shiqni xayolimda taxminan shunday tarjima qilaman:

Seni juda sevaman,  
Seni juda sevaman.  
Bolqonlardan, Shipkadan  
Oshib keldim yoningga.  
Ko'r, Maritsa bo'lomas  
To'siq mening yollimga.  
Seni juda sevaman,  
Seni juda sevaman.

Bulg'orchani rostdan biladigandek, so'zlarini birma-bir turkchaga tarjima qilganim kabi ichimda bir ishonch bor. U bulg'orcha:

Nash, nash,  
Charigrat nash...

deya chaqirmoqqa boshlarkan, men ham taxminan qilgan tarjimamni uning ohangiga moslab, g'o'ng'illayman. Bu qanday totli, qanday ehtirosli oshiqlik bo'ldi. Uzoqdan uzoqqa...

**8-mart, 1319 (1904).**

Bugun Pirbelichega qaytmoq uchun batalyon qo'mondonligidan buyruq oldim. Kelgan pochta ma'lumotlaridan bildimki, monastiriga ketyapmiz. Alvido, ey, hanuz ismini bilmaganim, lekin ruhini anglaganim go'zal qiz! Bir oy bu qadar tez o'tdi. Hech bo'lma-ganda uzoqdan, mayli, u xayoliy bir ishq bo'lsin, sezmagانلار naqadar badbaxtdir! Hayot achchiq bir dori... Ishq unga aralashtirilgan bir shakar! Bu dorini shakarsiz ichmoq-chi bo'lganlarning holiga voy! Ikki oydirki, najotsiz to'lg'onaman. Olis kelajak orzulari dimog'imni to'ldiradi, rohatimni oladi. O'n besh metrlik bir masofadan durbinim bilan

eng nozik nuqtalarigacha kuzatganim bu jonli haykal ruhimda qiyomatlar yasadi. Kunlarning soatlarning qanday o'tganini sezmagan edim. Endi bu yerga kecha kelgandekman. Bir oy davomida uch martagina tashqari chiqdim. Bu ham askarlarga oziq-ovqat olish uchun. Qaysi xonada bo'lmay, kasalimga bahona topardim. Yordamchimga oqshom tanbeh berib:


– Kechasi yotganda derazangizni yaxshilab berkiting. Shamollab qolasiz. Bir marta dera-zani ochgandim, mana endi tumov-puchqoqdan bo'shamayapman!

Yolg'on gapirmoqda edim. Bir oy davomida kunduzlari derazani hech bir berkitmadim. Xona ichida shinelimni kiyib o'tirdim.

Ertaga tushlik oldidan yo'lga chiqamiz. Yordamchimga tayyorgarlik ko'rishni buyurdim. Bu oxirgi kecha... Menden oldin kelib-ket-ganlarning devordagi yozuvlariga men ham bir narsalar ilova qilarman. Ammo nimani? Buni hali bilmayman.

“Nash, nash,  
Charigrat nash...”

Bu satrlarni qog'ozga tushirarkanman, u go'zal ma'sum muhabbatimizning mushtarak nag'masini takror etardi. Ajabo, mening ertaga ketishimni, uni abadiyan ko'rmaydigan bo'lib ketishimni bilsa... Bir oydir, bu ishq faryodini, bu tog'larning pokiza shamollari singari kuchli va muazzam faryodini barobar tингladik... Ertaga ketish oldidan unga bir yodgor qoldirmoq istayman. Jomadanimda ochilmagan kich-kina bir shisha atir bor. Shuni berib yuboraman. Lekin kim orgali? Uy egasi mayxonachi nihoyatda mutaassib! Balki xizmatkorini ko'ndirarman. Yo'lga chiqishdan o'n daqiqa oldin berib yuboraman. Qishloqdan chiqqanimda, yo bo'lmasa, chiqqanimdan so'ng hadyani oladi. Na qaytarib yubora



oladi, na tashakkur... Devorga lotin harflari bilan bir oydan buyon birgalikda aytayotgan qo'shig'imizning naqarotini yozdim. Bir kuni men kabi bu yozuvlarni o'qiydiganlar ichida biror bulg'orcha biladigani bo'lsa, bu yerda ishq mojarosi yotganini anglar. Zotan, boshqa nima yozmay, ruhimning sarguzashtini ushbu to'rt so'zday ifoda etolmas:

“Nash, nash,  
Charigrat nash...”

### 11-mart, 1319 (1904), Pirbeliche.

Babinadan erta tongda otlandik. Askarlarni yo'qlama qildim. Ovqatlarini yedirdim. Soat to'rtda hammani yo'lga chiqardim.

– Sekin-sekin boravering. Men orqangizdan yetib olaman, – dedim.

Minadigan va ko'rpa-to'shagim, joma-donim yuklangan ot bilan mayxona ro'parasiga keldim. Xizmatchi bilan otlarga qaraydigan qurolli bir kishidan bo'lak hech kim qolmagan. Mayxonachi bilan hisob-kitobni qildim. Dera-zaga keldim. Maydonchada qiz yo'q edi.

– Nash, nash,  
Charigrat nash... –

deb hushtak chala boshladim, ko'rinnadi. Bu naqarotni o'n martacha takrorlagandirman. Mayxonachining yugurdagi ichkari kirdi.

Pastdan xo'jayin yuboribdi, yoram berish uchun... Jomadonim bilan ko'rpa-to'shagimni yelkasiga ortdim.

– Yana kel! – dedim.

Atimi olib qo'ygandim. Bola kelishi bilan qo'lidan tutdim. Derazaning chetiga boshladim. Kelib-ketgan askarlar bilan oldi-berdi qilaverib, turkchani biroz tushunadigan bo'lib qolgan edi. Maydonchali uyni ko'rsatdim, shunday deb so'radim:

– Shu yerda bir qiz bor, bilasanmi?  
Bola cho'zinchoq, yog' bosgan sochli boshini tebratdi.

– Rada, – deb kuldi.

– Radami?

– Ha.

– Barakalla, mana senga bitta choraktalik!  
Bilasan, men ketyapman. Unga ko'pdan-ko'p salom ayt. Manavi shishani berib qo'y.

– Xo'p-xo'p...

– Lekin, to'g'risini ayt. Keyin bermaga-ningni bilsam, seni chatoq qilaman.

– Yo'q, beraman.

– Yaxshi, albatta ber.

Meni xotirjam qilmoq uchun oriq qo'llari bilan bir xoch chiqardi.

– Albatta beraman, – deya boshini yana bir silkitib qo'ysi-da, chiqib ketdi.

Egilib etiklarimga poshnalik taqardim. Tasodifan xayrashuv rasmini ado qilmoq fikri bilan keksa mayxonachi ichkari kirdi. Bir oydan buyon xonamga birinchi marta kirishi. Men tik turgan edim, o'choqning chetiga betakalluf cho'kdi. Menden juda mamnun edi. U bilan muomalamiz o'zi qiziq edi. Shunchaki gapni ulash uchun so'radim:

– Soat nechchi?

– Beshdan o'tyapti.

– Yuklar ortildimi? Men tayyorman.

– Lekin havo yomon.

– Nima qilamiz, buyruq shu, xo'jayin.

Rada bilan vidolashish uchun ortiq qololmasdim. Butunlay ketadigan kunim bunday yo'qolib qolishi g'alati edi.

Takror so'radim:

– Taqsir, bugun biror bayram bormi?

– Yo'q.

Ajabo, qayoqqa ketgan bo'lsa? Quloqlarimda qo'shig'inining naqaroti sado beradi. Xayolan tarjima etganim bu o'ynoqi ism nashidasining so'zlarini ketayotgan paytim shu qariyaga tarjima ettirmoq fikri birdan miyamga urildi. Mayxona xo'jayini bir vaqtlar shaharda turgani uchun turkchani bilar edi. Ushbu

qo'shinqning bulg'orchasi bilan turkhasini daftaramga bir xotira sifatida yozib olmoqchi bo'ldim.

– “Nash, nash, Charigrat nash...” nima degani, xo'jayin?

Cholning nafas olishi tezlashdi. Kichik, so'niq ko'zlar porladi. Kirlanib ketgan bir taxta parchasiga o'xshagan kir qo'lini bir narsaga e'tiroz bildirayotgandek havoga ko'tardi:

– Xudo saqlasin, – dedi, – bizning qish-log'imizda hech kim bunday demaydi. Biz buni qabul etmaymiz.

Tushunmadim. Takror so'radim:

– Nega?

– Biz qabul qilmaymiz. Bu yerning barcha aholisi insofli kishilar.

Yana anglamadim. Yirik bir muhabbat nashidasi deb o'ylaganim bu latif qo'shinqning ajabo, uyat, ayb, nomusga zid keluvchi yomon bir so'zlar bormidi?

Derazaning tashqarisini ko'rsatib:

– Shu qo'shnining qizi qanday, xo'jayin? – dedim.

– Qaysi biri?

– Rada.

– Uni bilmayman, lekin otasi yaxshi odammas. Cherkovda pop edi. Bir kuni harbiyga ketib qoldi. Velmefcheda o'ldi...  
Xayolimda:

Seni sevaman...

Seni sevaman...

deb tarjima qilganim “Nash, nash, Charigrat nash...”ning ma'nosi, shunchalik uyatlari edimi, bu odam nomusga zid hisoblayaptimi?

– Uyat so'z bo'lsayam, aytin, azizim, zarari

yo'q, xo'pmi? – dedim holi-joniga qo'yay.

Qiziqishim ortib borar edi. Qariya o'ng'aysizlanar, turkcha so'z topolmay qiynalardi.

– Ha, aytin, “Nash, nash” nima degani?

– Anaqa... afandim...

– Nima u?..

- "Bizniki bo'lajak, bizniki bo'lajak!" degani.  
- Nima bizniki bo'lajak?

- Anavi...  
- Nima narsa, azizim, ayt..., - deya qiziqdim.

Qariya qizarib-bo'zarib ketdi. Terlaganday bo'lib, peshonasini kaftining orqasi bilan artdi. Yerga qaragancha tutila-tutila:

- Cha... Charigrat! - dedi.  
- Charigrat nima?  
- Istanbul.  
- !.

Shunday yomon bo'ldimki, hech narsa deyolmay qoldim. Is bos-gan shiftga qaragancha shinelimning tugmalarini o'tkaza boshladim. Jahlim chiqib, oqarib ketganimni, muzlab borayotganimni ko'rgan qariya ham o'lim hukmini eshitayotgan gunohkordek qo'rqa-pisa o'midan turdi. Nima deyishimni ham, nima qilishimni ham bilmashdim.

*Bizniki bo'lajak, bizniki bo'lajak,  
Istanbul bizniki bo'lajak...*

Yuragim yirtilib ketgudek zirqiraydi. Tizzalarim og'riydi. Bilaklarim ustida go'yo chumolilar yuradi. Lablarim, yanogqlarim titray boshladi. Mayxonachi qo'rqqanidan yuzimga qarolmaydi. Chay-qalgaancha eshik tomon yurdim. Qorong'i zinadan tusharkanman, kishini nobud etuvchi shartillagan ovozini endi aniq-tiniq eshitayotgandek edim:

*Nash, nash,  
Charigrat nash...*

Ha, hech shubhasiz, u men ahmoq, o'zidan boshqa narsani o'ylamaydigan, tushunmaydigan go'rso'xta yosh zabitning hadyasini olgan edi. U maydonchadan birgina menga emas, butun millatimga qaratilgan jasur, metin, azmkor kufri bilan tashakkur bildirardi.

Do'kondan zo'rg'a chiqdim. Mayxonachining gaplari qulog'imga kirmasdi. Havo juda buzuq edi. To'ngdiruvchi, muzday kesuvchi bir shamol esardi. Boshim qizib, vujudim yonardi. Shinel va kitelimning tugmalarini yechib yubordim. Bosh kiyimimni orqaga tashladim. Tik yo'llardan, tor jarlardan, sokin o'rmonlardan yurdim. Yuklarim ortda qolib ketdi. Bo'linmaga yetishdim. Ulardan ham o'tib ketdim. Oh, bu tanho, bu qush uchmas o'rmonlar ichida koshki biror partinafratimdan, vijdon azobidan vujudim erib borar edi.




**Muqovada:**  
Zulfiya nomidagi Davlat  
mukofoti sohibasi Nilufar  
Ergasheva.

Bosishga 29.03.2025-yilda  
ruxsat berildi.  
Qog'oz bichimi: 84x108  $\frac{1}{16}$   
Nashriyot hisob tabog'i: 8  
Obuna indeksi – **822**.  
ISSN 0207-9135.  
Jurnal 2007-yil 4-mayda  
Axborot va ommaviy  
kommunikatsiyalar agentligi  
tomonidan № 0253 raqami  
bilan ro'yxtarga olingan.

Tahririyatga kelgan  
qo'lyozmalar taqriz qilinmaydi  
va muallifga qaytarilmaydi.  
Mualliflar fikri tahririyat  
nuqtayi nazaridan farq qilishi  
mumkin.  
Jurnaldan ko'chirib  
bosilganda, "Yoshlik"dan  
olindi, deb izohlanishi shart.

"Samo nashr" nashriyoti  
matbaa korxonasida chop  
etildi.  
Buyurtma № 49. Adadi: 1025.  
100029, Toshkent shahri,  
Sirg'ali tumani 21-uy,  
28-xonardon.  
Tasdiqnomha № 1106435  
(2022.03.03)

85  
yilligi



O'zbekiston xalq yozuvchisi  
**Shukur Xolmirzayev**



Dilshod Eshmatov. "Muhabbat"